

**MESYUARAT PERTAMA, PENGGAL KELIMA
PARLIMEN KEEMPAT BELAS**

2022

HARI ISNIN : 21 MAC 2022

**JAWAPAN-JAWAPAN BAGI PERTANYAAN-PERTANYAAN JAWAB
LISAN YANG TIDAK DIJAWAB DI DALAM DEWAN
(SOALAN NO. 12 HINGGA NO. 87)**

NOTA : [RUJUK PENYATA RASMI HARIAN (HANSARD)]

**PEMBERITAHUAN PERTANYAAN JAWAB LISAN DEWAN
RAKYAT MESYUARAT PERTAMA, PENGGAL KELIMA
PARLIMEN KEEMPAT BELAS 2022**

PERTANYAAN : LISAN

**DARIPADA : TUAN SIVAKUMAR VARATHARAJU
NAIDU (BATU GAJAH)**

TARIKH : 21 MAC 2022 (ISNIN)

SOALAN

TUAN SIVAKUMAR VARATHARAJU NAIDU (BATU GAJAH) minta **MENTERI PENGAJIAN TINGGI** menyatakan sejauh manakah APEL (Akreditasi Pembelajaran Pengalaman Terdahulu) mendapat pengiktirafan daripada pelbagai sektor. Apakah usaha-usaha Kementerian untuk mempromosikan APEL dan bagaimanakah sambutan yang diterima daripada masyarakat secara umumnya dan golongan pendidik secara khususnya terhadap mekanisme ini.

JAWAPAN

Tan Sri Yang di-Pertua,

Sebagai menyokong agenda Pembelajaran Sepanjang Hayat (PSH) negara serta agenda global berkenaan Matlamat Pembangunan Mapan, Kementerian Pengajian Tinggi (KPT) melalui Agensi Kelayakan Malaysia (*Malaysian Qualifications Agency, Mqa*) telah memperkenalkan Pengakreditan Pembelajaran Berasaskan Pengalaman Terdahulu (*Accreditation of Prior Experiential Learning, APEL*) bagi tujuan akses (APEL.A) semenjak tahun 2011. APEL.A merupakan satu daripada pilihan laluan kepada individu yang berpengalaman tetapi tiada atau kurang kelayakan akademik untuk melanjutkan pengajian ke program di Institusi Pendidikan Tinggi.

Untuk memperluas pelaksanaan APEL, pelbagai inisiatif promosi dan libat urus telah dilaksanakan secara berterusan melibatkan pelbagai pihak dan pelbagai lapisan masyarakat di seluruh negara. Secara keseluruhannya, sebanyak 174 aktiviti berbentuk taklimat, pameran, siaran media dan latihan berkaitan APEL dilaksanakan sepanjang tahun 2021 dan 2022. Aktiviti tersebut melibatkan sesi libat urus bersama golongan guru, pelajar, komuniti, agensi kerajaan, badan profesional, pertubuhan bukan kerajaan dan pihak industri. Pihak Mqa juga telah mengadakan 30 pameran serta 367 liputan saluran media massa dan media sosial secara langsung dan tidak langsung mengenai APEL. Dalam pada itu juga sebanyak 55 program libat urus dianjurkan yang melibatkan warga pendidikan tinggi termasuk 42 sesi latihan khusus berkaitan APEL melibatkan 638 peserta.

Sepanjang tahun 2021 dan sehingga Mac 2022, Mqa telah menerima sebanyak 5,685 permohonan. Daripada jumlah tersebut, Mqa telah mengenal pasti sebanyak 4,111 daripada jumlah permohonan tersebut merupakan permohonan daripada sektor-sektor seperti Kerajaan, Badan Berkanun, Swasta Multinasional, Swasta Tempatan, Perusahaan Sendiri, Syarikat Berkaitan Kerajaan, Pertubuhan Bukan Kerajaan dan lain-lain. Dalam tempoh yang sama,

SOALAN NO : 12

sebanyak 1,282 calon telah lulus penilaian APEL.A untuk menyambung pengajian ke program pendidikan tinggi.

Di samping itu, terdapat tiga badan profesional yang telah menerima APEL sebagai salah satu syarat kemasukan ke program pengajian. Badan profesional tersebut adalah Lembaga Teknologis Malaysia (MBOT), Lembaga Jurutera Malaysia (LJM) dan Lembaga Perancang Bandar Malaysia (LBPM).

Susulan daripada sambutan yang menggalakkan oleh masyarakat terhadap APEL.A, MQA juga telah memperkenalkan APEL.C pada tahun 2016 yang membolehkan pengalaman kerja dipindah kredit sewaktu pengajian. APEL.Q pula diperkenalkan pada tahun 2021 yang membolehkan pengalaman kerjaya membawa penganugerahan kelayakan setelah melepas penilaian dan syarat yang ditetapkan.

Berikutan peningkatan graduan laluan APEL, MQA telah mengeluarkan *Advisory Note* berkaitan Panduan Lantikan Staf Akademik Graduan APEL pada 7 Disember 2021. Panduan ini merupakan salah satu pendekatan untuk meluaskan peluang kerjaya dan penerimaan graduan APEL khususnya dalam sektor pendidikan.

Untuk merancakkan lagi pelaksanaan APEL, MQA telah melantik beberapa orang personaliti sebagai ikon APEL seperti:

- i. Y.M. Raja Zulkarnain bin Raja Mohd Yusof, Presiden Persatuan Gambus Malaysia.
- ii. Eizaz Datuk Azhar Mansor, usahawan dan perunding yang juga merupakan anak pelayar negara.
- iii. Dr. Jamsari Atan, (Orang Kurang Upaya, OKU), pemilik syarikat JBA Training & HRD Consultancy.

SOALAN NO : 12

Kementerian Pengajian Tinggi sentiasa komited memperluas dan memperkasa pelaksanaan APEL bagi memastikan ianya dimanfaatkan sebaik mungkin oleh masyarakat Malaysia dalam memajukan diri dengan mempertingkatkan ilmu pengetahuan. Selain daripada pasaran domestik, MQA juga telah melebarkan pelaksanaan APEL ke luar negara melalui kerjasama dengan negara-negara seperti berikut:

- i. United Arab Emirates;
- ii. Australia;
- iii. Hong Kong;
- iv. Perancis;
- v. United Kingdom; dan
- vi. Negara-negara ASEAN di bawah *ASEAN Quality Assurance Network (AQAN)*.

Sekian, terima kasih

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS TAHUN 2022**

PERTANYAAN : LISAN

**DARIPADA : TUAN AHMAD TARMIZI BIN SULAIMAN
[SIK]**

TARIKH : 21 MAC 2022 (ISNIN)

SOALAN

TUAN AHMAD TARMIZI BIN SULAIMAN [SIK] minta **MENTERI KANAN PENDIDIKAN** menyatakan langkah Kementerian bagi mengatasi masalah kecinciran pelajar tahap satu menguasai 3M (Membaca, Menulis dan Mengira) khusus di sekolah kawasan pedalaman akibat sistem pembelajaran sekolah yang terganggu ketika pandemik COVID-19.

JAWAPAN

Tuan Yang di-Pertua,

Kementerian Pendidikan Malaysia (KPM) sentiasa berusaha untuk memastikan pendidikan murid, terutamanya dalam aspek literasi dan numerasi diberi keutamaan. Kemahiran membaca, menulis dan mengira (3M) merupakan aspek yang diberi penekanan dalam pendidikan murid di Tahap Satu, iaitu Tahun 1, 2 dan 3.

Untuk makluman Ahli Yang Berhormat, KPM melaksanakan Program Pemulihan Khas untuk murid sekolah rendah yang menghadapi masalah menguasai kemahiran asas 3M. Guru pemulihan dengan kerjasama guru mata pelajaran Bahasa Melayu dan Matematik memberi bimbingan yang bersesuaian kepada murid sehingga mereka dapat menguasai kemahiran asas 3M.

SOALAN NO : 13

KPM juga memperkenalkan Program Literasi dan Numerasi Sekolah Rendah untuk memastikan murid sekolah rendah menguasai sekurang-kurangnya tahap minimum (Tahap Penguasaan 3) dalam Bahasa Melayu, Bahasa Inggeris dan Matematik. Pelaksanaan program ini merupakan sokongan kepada pengajaran dan pembelajaran (PdP) yang menyeluruh untuk membantu memantapkan tahap penguasaan 3M.

Bermula September 2021, KPM telah memperkenalkan Program Pemerksaan Pelaksanaan Kurikulum (KPMPerkasaKU). Satu daripada aspek yang diberi penekanan dalam program ini ialah Pemugaran Literasi dan Numerasi. Penekanan juga diberikan kepada penglibatan ibu bapa dalam menyokong pelaksanaan PdP. Program ini dirangka bagi memastikan murid menguasai kemahiran asas literasi dan numerasi melalui PdP secara bersemuka atau pengajaran dan pembelajaran di rumah (PdPR) yang bersesuaian dengan tahap keupayaan murid untuk mengikuti pembelajaran seterusnya. Pada masa ini, murid Tahap Satu yang telah dikenal pasti dibekalkan dengan Modul Asas Literasi dan Modul Asas Numerasi bagi mempertingkatkan penguasaan 3M mereka.

Untuk makluman Ahli Yang Berhormat, KPM menyedari bahawa sesi persekolahan secara bersemuka untuk tahun 2020 dan tahun 2021 tidak dapat dilaksanakan sepertimana kebiasaan. Justeru, KPM telah membuat ketetapan untuk melanjutkan sesi persekolahan tahun 2021 sehingga bulan Mac 2022. Pelanjutan ini bagi membolehkan pihak sekolah merancang dan melaksanakan aktiviti pemulihan, pengukuhan dan pengayaan secara intensif bagi meningkatkan kesediaan murid untuk mengikuti peringkat persekolahan berikutnya.

KPM yakin langkah strategik yang dilaksanakan ini dapat memastikan murid menguasai kemahiran 3M dengan lebih baik.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA,
PARLIMEN KEEMPAT BELAS 2022**

PERTANYAAN : JAWAB LISAN

**DARIPADA : YB DATO' SERI DR. WAN AZIZAH
WAN ISMAIL [PANDAN]**

TARIKH : 21 MAC 2022 (ISNIN)

SOALAN

DATO' SERI DR. WAN AZIZAH WAN ISMAIL [PANDAN] minta **MENTERI PEMBANGUNAN WANITA, KELUARGA DAN MASYARAKAT** menyatakan bilakah Rang Undang-Undang Pekerja Sosial akan dibentangkan setelah sekian lama tertangguh.

JAWAPAN

Tuan Yang di-Pertua,

Kementerian Pembangunan Wanita, Keluarga dan Masyarakat sentiasa berusaha dan meneruskan inisiatif ke arah memartabatkan profesion kerja sosial. Salah satu tindakan utama yang sedang dijalankan oleh pihak Kementerian adalah penggubalan Rang Undang-Undang Profesional Kerja Sosial (RUU PKS).

Tindakan proses penggubalan draf RUU PKS telahpun giat dijalankan bermula pada tahun 2019 dan melibatkan pengumpulan input dan pandangan daripada pelbagai Kementerian dan Jabatan Kerajaan, Badan Profesional, Ahli Akademik dan individu yang berpengetahuan dan berpengalaman berkenaan profesion kerja sosial yang dilantik melalui penubuhan satu pasukan projek khas. Draf RUU PKS kini berada di peringkat akhir penggubalan dan sedang dibuat pemurnian semula selaras kuihi oleh pihak Jabatan Peguam Negara (AGC) terhadap semakan draf RUU PKS yang memerlukan beberapa keputusan yang

melibatkan ketetapan dasar baharu berkaitan profesi kerja sosial. Pihak Kementerian menyasarkan supaya draf RUU PKS ini dapat dibentang di Parlimen untuk bacaan kali pertama pada hujung tahun ini.

Bagi memastikan bidang kerja sosial lebih diketahui dan difahami, Kementerian melalui Agensi juga giat menjalankan siri latihan bagi peningkatan kompetensi dalam praktis kerja sosial, aktiviti promosi dan advokasi berkaitan kerja sosial termasuklah penganjuran Sambutan Hari Kerja Sosial peringkat Kementerian pada 15 Mac 2022 dan lain-lain program seperti webinar dan kursus berkaitan kerja sosial. Kementerian juga telah mengenal pasti rakan strategik yang terdiri dari Institut Pengajian Tinggi Awam/Swasta yang ada menawarkan jurusan kerja sosial dan pihak Pertubuhan Bukan Kerajaan (NGO) bagi membantu memperkenalkan bidang kerja sosial secara lebih meluas.

Selain itu, bagi memastikan profesi kerja sosial di Malaysia diiktiraf dan setanding dengan negara lain di peringkat antarabangsa, Kementerian juga turut mengambil pendekatan penyertaan aktif berkaitan kerja sosial melalui:

- i) **Pelan Strategik KPWKM 2021 - 2025** – memasukkan sasaran untuk menjadikan perkhidmatan kerja sosial sebagai perkhidmatan yang profesional sebagai salah satu langkah strategik bagi teras meningkatkan kecekapan dan keberkesanan sistem penyampaian perkhidmatan Kementerian;
- ii) **Penglibatan Malaysia secara langsung dalam proses merangka dokumen *Roadmap to Implement Ha Noi Declaration on Strengthening Social Work Towards Cohesive and Responsive ASEAN Community*.** Roadmap ini bertujuan untuk dijadikan garis panduan Negara Anggota ASEAN dalam mempromosi kerja sosial serta mempertingkatkan peranan dan kapasiti pekerja sosial dalam pelbagai bidang;
- iii) **Penglibatan Malaysia secara langsung dalam penyertaan *10th ASEAN Social Work Consortium (ASWC) Conference*.** Pada tahun 2021, ASWC Conference telah diadakan pada 21-22 September 2021. Persidangan ASWC merupakan platform bagi

membincangkan isu berkaitan kerja sosial dan profesion kerja sosial di negara-negara ASEAN. Malaysia juga pernah menjadi tuan rumah bagi pengajian Persidangan ASWC ke-7 dan ke-8 pada tahun 2018-2019; dan

- iv) **ASEAN Social Training Centre for Social Work and Social Welfare (ATCSW).** Malaysia juga telah menerima mandat dan kepercayaan berkaitan latihan dalam bidang kerja sosial dari anggota negara ASEAN menerusi pelantikan dan pengiktirafan Jabatan Kebajikan Masyarakat (JKM) sebagai Ahli Lembaga Pengurus ASEAN *Social Training Centre for Social Work and Social Welfare* (ATCSW). ATCSW merupakan pusat kecemerlangan pekerja sosial di peringkat ASEAN yang menawarkan kursus, latihan, pertukaran kemahiran dan kolaborasi di peringkat ASEAN.

Kementerian percaya, kemuncak bagi usaha bagi meningkatkan profesionalisme dalam bidang kerja sosial yang telah bermula sejak tahun 2010 ini akan dapat direalisasikan melalui satu bentuk perundangan khusus berkaitan kerja sosial.

Selaras dengan tema sambutan Hari Kerja Sosial Sedunia pada tahun ini, ayuh kita **“Bersama Membina Eko-Sosial Baharu Dunia: Tiada Yang Tertinggal”**.

Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS 2022**

PERTANYAAN : LISAN

**DARIPADA : TUAN NIK MOHAMAD ABDUH BIN
NIK ABDUL AZIZ [BACHOK]**

TARIKH : 21 MAC 2022 (ISNIN)

SOALAN

TUAN NIK MOHAMAD ABDUH BIN NIK ABDUL AZIZ [BACHOK] minta **MENTERI PELANCONGAN, SENI DAN BUDAYA** menyatakan kesan jangka pendek dan jangka panjang hasil daripada pelaksanaan program Gelembung Pelancongan Langkawi dalam usaha merancakkan ekonomi dalam sektor pelancongan.

JAWAPAN

Tuan Yang di-Pertua,

1. Sebagai sebuah destinasi pelancongan yang sebahagian besar ekonominya bergantung kepada industri pelancongan, Pulau Langkawi telah mengalami impak negatif apabila berlaku penularan COVID-19 di mana tiada aktiviti pelancongan yang berlaku dan ini telah melumpuhkan hampir keseluruhan ekonomi pulau tersebut.

2. Dalam usaha untuk membantu industri pelancongan negara kembali pulih, Kerajaan telah bersetuju dengan cadangan Projek Rintis Gelembung Pelancongan Domestik di Langkawi bermula 16 September 2021 semasa Perintah Kawalan Pergerakan (PKP) dan larangan aktiviti rentas negeri masih berkuatkuasa.

SOALAN NO : 15

3. Ini diikuti pula Projek Rintis Gelembung Pelancongan Antarabangsa Langkawi (LITB) yang telah bermula 15 November 2021, dikala pintu sempadan antarabangsa negara masih belum dibuka sepenuhnya.
4. Projek rintis Gelembung Pelancongan Domestik telah membawa kejayaan apabila mencatatkan kehadiran melebihi 720,000 pelancong domestik ke Langkawi dalam tempoh dari 16 September sehingga 31 Disember 2021. Sementara itu, pelaksanaan LITB selama tiga (3) bulan juga telah mencatatkan kedatangan lebih 5,800 orang pelancong asing dan menjana pendapatan melebihi RM28juta kepada ekonomi Pulau Langkawi.
5. Kehadiran pelancong-pelancong ini semestinya telah memberi kesan domino yang baik kepada rantai ekonomi dalam sektor pelancongan seperti industri penerbangan, feri, makanan dan minuman serta premis penginapan pelancong. Berdasarkan maklum balas oleh Persatuan Hotel Malaysia (MAH), dalam tempoh suku keempat 2021, kadar purata penginapan di premis-premis penginapan pelancong di Langkawi mencatatkan kadar setinggi 70%, dengan sebahagiannya menikmati kadar penghunian hampir 100% terutamanya semasa cuti umum dan hujung minggu yang panjang. Ini sudah tentu satu berita yang amat positif dan memberi nafas lega kepada industri ini yang kini mula mengorak langkah untuk kembali bangkit.
6. Dalam pada itu, prosedur LITB telah ditambah baik, dengan pelancong asing yang memasuki Langkawi menerusi Gelembung Pelancongan ini kini juga dibenarkan untuk menyambung percutian mereka dan melancong ke destinasi-destinasi pelancongan lain di seluruh Malaysia setelah mereka menghabiskan tempoh kuarantin di Langkawi. Sudah pasti dapat menggalakkan limpahan ekonomi dan memberi manfaat kepada ekonomi tempatan di negeri-negeri yang lain selain daripada Pulau Langkawi.
7. Sebagai projek rintis, terutamanya inisiatif LITB, Gelembung Pelancongan ini telah berupaya menghidupkan semula aktiviti pelancongan di Langkawi yang sememangnya bergantung kepada pelancong antarabangsa. Melalui inisiatif LITB, hotel-hotel di Langkawi

SOALAN NO : 15

mula mendapat tempahan daripada pelancong asing. Perkembangan positif ini turut membawa keceriaan kepada syarikat-syarikat agensi pelancongan, operator-operator produk pelancongan, pemandu-pemandu pelancong, pengusaha-pengusaha bot pelancongan, pengusaha-pengusaha restoran serta penduduk-penduduk tempatan di Langkawi, yang kebanyakannya bergantung kepada aktiviti pelancongan untuk menyara kehidupan.

8. Projek rintis ini juga telah membuktikan bahawa, dengan mekanisme dan SOP yang teratur, sistem komunikasi yang jelas, serta kerjasama rapat semua pihak, Malaysia mampu dan bersedia untuk menerima semula kedatangan lebih ramai pelancong asing pada masa yang terdekat. Kerajaan telah melanjutkan program LITB sehingga pintu sepadan antarabangsa negara dibuka sepenuhnya yang dijadual bermula 1 April 2022 kelak.

9. Dengan adanya projek rintis LITB sebagai pintu masuk (*entry point*) pelancong asing ke negara kita serta disokong oleh SOP yang praktikal dan relevan yang telah dibangunkan, ia secara tidak langsung akan membantu persediaan penggiat industri tempatan dalam merancakkan semula produk pelancongan negara bagi mendorong pelancong untuk kembali semula untuk bercuti dan melancong ke Malaysia, seterusnya menjadikan negara kita sebagai salah satu destinasi pelancongan utama mereka.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS**

PERTANYAAN : LISAN

**DARIPADA : TUAN CHARLES ANTHONY SANTIAGO
[KLANG]**

TARIKH : 21 MAC 2022 (ISNIN)

SOALAN

TUAN CHARLES ANTHONY SANTIAGO (KLANG) minta MENTERI PERTANIAN DAN INDUSTRI MAKANAN menyatakan masalah-masalah yang sedang dihadapi oleh nelayan tradisional di Malaysia, dan senaraikan langkah-langkah yang sedang diambil untuk menangani masalah mereka.

JAWAPAN

Tuan Yang Di Pertua,

Untuk makluman Ahli Yang Berhormat, permasalahan utama yang sedang dihadapi oleh nelayan tradisional di Malaysia adalah kekurangan hasil pendapatan daripada aktiviti penangkapan ikan disebabkan oleh kemerosotan sumber, peralihan Monsun Timur Laut dan aktiviti pembangunan. Masalah lain yang turut dihadapi oleh nelayan tradisional termasuklah:

- i. kenaikan kos sara hidup;
- ii. kenaikan kos operasi bahan bakar;

SOALAN NO. 16

- iii. pemberian bantuan untuk membaiki vesel/bot dan peralatan penangkapan ikan; dan
- iv. kekurangan kemudahan infrastruktur pendaratan ikan.

Kementerian Pertanian dan Industri Makanan (MAFI) komited membantu nelayan-nelayan tradisional melalui bantuan-bantuan yang disalurkan seperti berikut:

- i. Skim Subsidi Petrol dan Diesel dilaksanakan bagi menampung sebahagian dari kos operasi penangkapan ikan nelayan akibat dari kenaikan harga bahan api di pasaran;
- ii. Program Elaun Sara Hidup Nelayan (ESHN) di mana bagi tahun 2021 bayaran ESHN dinaikkan pada kadar RM300 sebulan bagi pemilik vesel zon A dan pekerja zon A, B, C dan C2;
- iii. Meneruskan pemberian Elaun Sara Hidup Nelayan Darat sebanyak RM200 sebulan. Bantuan ini telah dinaikkan kepada RM250 sebulan pada tahun 2021;
- iv. Program Rezeki Tani dengan memberi bantuan peralatan menangkap ikan dan lain-lain aktiviti ekonomi berdasarkan pertanian yang boleh menjana pendapatan;
- v. Program Dana Nelayan bagi menyediakan pinjaman mudah bagi pembelian bot dan peralatan baru atau meningkatkan keupayaan bot sedia ada;
- vi. Program Pembangunan Pelan Peningkatan Pendapatan Golongan B40 Nelayan Melalui Projek Tanaman Kontan;
- vii. Pemberian bantuan secara *in kind* (peralatan dan input perikanan) melalui Sistem Penyampaian Khidmat Sokongan (SPeKS) Akuakultur, Biosekuriti dan Pengembangan;

SOALAN NO. 16

- viii. Menyediakan prasarana dan kemudahan sokongan aktiviti nelayan dan pengusaha perikanan seperti *Fisheries Demonstration and Transformation Centre* (FIDTEC), inkubator pemprosesan termasuk bilik sejuk beku di seluruh Malaysia;
- ix. Memperkenalkan Dana Jaminan Makanan (DJM) Pertanian Organik bagi tujuan pelaksanaan projek pengeluaran makanan berkonseptan komuniti perikanan di seluruh negara;
- x. Program latihan kepada kumpulan sasar melalui kerjasama dengan kolej perikanan dan pusat-pusat pengembangan;
- xi. Program *myKomuniti Perikanan (myKP)* iaitu program berkonseptan komuniti bagi membangunkan kumpulan sasar perikanan;
- xii. Bantuan Bekalan Makanan untuk meringankan beban yang dihadapi oleh golongan nelayan yang terkesan dengan wabak pandemik Covid-19 dan bencana alam;
- xiii. Skim Perlindungan Nelayan dan Bantuan Tabung Bencana Alam Nelayan Dan Kebajikan Nelayan di bawah Skim Keselamatan Sosial Pekerjaan Sendiri (SKSPS) yang diperkenalkan oleh Pertubuhan Keselamatan Sosial (PERKESO) bertujuan untuk membela nasib keluarga nelayan sekiranya berlaku kejadian yang tidak diingini atau kemalangan yang melibatkan nelayan; dan
- xiv. Penyediaan Kemudahan Infrastruktur Kompleks Dan Jeti Pendaratan Ikan seperti kompleks dan jeti yang mana nelayan dapat mendaratkan ikan sekaligus melaksanakan urusan jual beli kepada pemborong dan peraih ikan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA,
PARLIMEN KEEMPAT BELAS 2022**

PERTANYAAN : LISAN

**DARIPADA : DATUK RUBIAH BINTI HAJI WANG
[KOTA SAMARAHAN]**

TARIKH : 21 MAC 2022 (ISNIN)

SOALAN

DATUK RUBIAH BINTI HAJI WANG [KOTA SAMARAHAN] minta **MENTERI KOMUNIKASI DAN MULTIMEDIA** menyatakan status terkini daripada pihak Kementerian dalam mengatasi isu menara-menara telekomunikasi yang telah dibina tetapi masih belum beroperasi khususnya di luar bandar Sarawak.

JAWAPAN

Tuan Yang Dipertua,

Pembinaan 300 buah menara di Sarawak adalah inisiatif oleh pihak Kerajaan Negeri Sarawak melalui Sarawak Multimedia Authority (SMA). Kesemua menara ini telah siap dibina namun masih belum beroperasi. Buat masa ini, pihak Suruhanjaya Komunikasi dan Multimedia Malaysia (SKMM) bersama SMA dan Sarawak Digital Economy Corporation (SDEC) di peringkat libat urus dengan memberi perkhidmatan bagi pembekalan serta pemasangan rangkaian komunikasi di menara-menara tersebut.

Untuk makluman Ahli Yang Berhormat, status terkini Pelan Jalinan Digital Negara (JENDELA) Fasa 1 setakat suku keempat 2021 di Negeri Sarawak adalah seperti berikut:

| Inisiatif | Tapak Menara Baharu | | Naik Taraf Stesen Pemancar | | Premis Tersedia Gentian Optik | | Jalur Lebar Satelit | |
|-----------|---------------------|------|----------------------------|-------|-------------------------------|--------|---------------------|-------------|
| Negeri | Perancangan | Siap | Perancangan | Siap | Perancangan | Siap | Siap | Pelaksanaan |
| Sarawak | 823 | 82 | 3,012 | 2,444 | 73,588 | 76,449 | 323 | 200 |

Peratusan liputan 4G di kawasan berpenduduk di Sarawak juga telah meningkat kepada 82.86% pada suku keempat 2021 berbanding 73.67% sebelum pelaksanaan JENDELA pada suku kedua 2020. Manakala di Parlimen Serian pula, peratusan liputan jalur lebar 4G telah meningkat kepada 78.75% berbanding 54.27% sebelum pelaksanaan JENDELA.

Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS 2022**

PERTANYAAN : LISAN

**DARIPADA : DATUK SERI PANGLIMA MADIUS TANGAU
(TUARAN)**

TARIKH : 21 MAC 2022 (ISNIN)

SOALAN

DATUK SERI PANGLIMA MADIUS TANGAU (TUARAN) minta **MENTERI PENGAJIAN TINGGI** menyatakan adakah Kementerian bercadang untuk melaksanakan dasar tiada peperiksaan awam di IPTA/IPTS dan IPG pada hari Jumaat, Sabtu dan Ahad.

JAWAPAN

Tan Sri Yang di-Pertua,

Secara umumnya, tiada peperiksaan awam yang diselia oleh Kementerian Pengajian Tinggi (KPT) khususnya di Institusi Pendidikan Tinggi Awam (IPTA) mahupun Institusi Pendidikan Tinggi Swasta (IPTS). Walau bagaimanapun, Kementerian mengakui terdapat sebahagian pelajar yang perlu menghadiri peperiksaan akhir pada setiap semester pada hujung minggu.

Pelaksanaan peperiksaan akhir dalam kalangan pelajar di IPTA dan IPTS lazimnya dibuat pada hujung minggu berikutkan kekangan minggu peperiksaan yang pendek dan jumlah kursus/ subjek yang tinggi. Selain itu, pihak institusi perlu mengatur dengan lebih optimum penggunaan fasiliti dewan atau kelas semasa tempoh peperiksaan berlangsung bagi memastikan kelancaran takwim akademik bagi sesi berikutnya tidak terganggu. KPT yakin dan percaya bahawa semua IPTA dan PTS telah menyelaras pelaksanaan peperiksaan dengan sebaik mungkin serta mengambil kira kebijakan pelajar dan pensyarah masing-masing.

SOALAN NO : 18

Untuk makluman Yang Berhormat, Institusi Pendidikan Guru Malaysia (IPGM) adalah terletak di bawah KPM. Oleh itu, menurut maklumat yang dikongsikan oleh KPM, Mesyuarat Kajian Semula Dasar-Dasar Berkaitan Jaminan Kualiti KPM-MQA Bil. 1/2011 telah menetapkan dasar berkaitan sistem semester iaitu satu (1) tahun pengajian bersamaan maksimum 43 minggu pelaksanaan penyampaian kurikulum dan pentaksiran di IPGM. Justeru IPGM akur dengan dasar pelaksanaan penyampaian kurikulum dan pentaksiran tersebut dengan melaksanakan 14 minggu kuliah, satu (1) minggu ulangkaji dan dua (2) minggu peperiksaan bagi satu semester. Sesi peperiksaan akhir semester dalam tempoh dua (2) minggu yang ditetapkan adalah merujuk kepada 14 hari peperiksaan dengan 28 sesi peperiksaan iaitu sesi pagi dan sesi petang pada hari Isnin, Selasa, Rabu dan Khamis sahaja.

Walau bagaimanapun, dalam keadaan tertentu, peperiksaan tidak boleh ditadbir sekiranya jatuh pada hari cuti umum (kelepasan am/ kelepasan negeri). Justeru, peperiksaan perlu ditadbir pada hari Jumaat, Sabtu dan Ahad. Jika terdapat keperluan untuk kursus-kursus elektif, pertambahan hari peperiksaan akan dilanjutkan ke minggu ketiga peperiksaan.

Untuk makluman Yang Berhormat juga, KPT sentiasa prihatin dan mengambil berat akan keperluan serta kebajikan para pelajar. Sehubungan itu, Kementerian kini sedang mengadakan perbincangan terperinci dengan pihak IPT yang terlibat dalam perkara ini agar para pelajar dapat menduduki peperiksaan dengan sela masa yang bersesuaian antara kertas peperiksaan bagi memastikan kualiti dan prestasi pelajar sewaktu menduduki peperiksaan tidak terganggu.

Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS 2022**

PERTANYAAN : LISAN

**DARIPADA : DATO' SRI AZALINA OTHMAN SAID
[PENGERRANG]**

TARIKH : 21 MAC 2022 (ISNIN)

SOALAN

DATO' SRI AZALINA OTHMAN SAID [PENGERRANG] minta **MENTERI PELANCONGAN, SENI DAN BUDAYA** menyatakan apakah jangka masa Kementerian untuk meluaskan program “*travel bubble*” (seperti Langkawi) ke pusat-pusat pelancongan utama lain dalam negara seperti Desaru Coast, Pengerrang.

JAWAPAN

Tuan Yang di-Pertua,

1. Seperti Ahli Yang Berhormat sedia maklum, Kerajaan telah bersetuju dengan cadangan Kementerian Pelancongan, Seni dan Budaya (MOTAC) untuk melancarkan Projek Rintis Gelembung Pelancongan Domestik di Langkawi bermula 16 September 2021 dan diikuti dengan Projek Rintis Gelembung Pelancongan Antarabangsa Langkawi (LITB) bermula 15 November 2021.
2. Gelembung Pelancongan Domestik Langkawi telah dilancarkan semasa Perintah Kawalan Pergerakan (PKP) dan larangan aktiviti rentas negeri masih berkuatkuasa.
3. Ini diikuti pula Projek Rintis Gelembung Pelancongan Antarabangsa Langkawi (LITB) yang telah bermula 15 November 2021, dikala pintu sempadan antarabangsa negara masih belum dibuka sepenuhnya. Susulan perkembangan positif yang dijana oleh LTIB, Kerajaan telah melanjutkan LITB sehingga sempadan antarabangsa negara dibuka sepenuhnya yang dijadual bermula 1 April 2022 kelak.
4. Selaras dengan perkembangan terbaru berhubung keputusan pembukaan sempadan antarabangsa Malaysia pada 1 April 2022, MOTAC bersama-sama kementerian dan agensi lain terutamanya Kementerian Kesihatan Malaysia dan Kementerian Pengangkutan akan meneroka peluang untuk melaksanakan program *Vaccinated Travel Lane* (VTL) dengan negara-negara tumpuan yang masih belum membuka sempadan antarabangsa mereka sepenuhnya.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA,
PARLIMEN KEEMPAT BELAS**

PERTANYAAN : LISAN

**DARIPADA : YB PUAN JUNE LEOW HSIAD HUI
(HULU SELANGOR)**

TARIKH : 21 MAC 2022

SOALAN

PUAN JUNE LEOW HSIAD HUI [HULU SELANGOR] minta **MENTERI KOMUNIKASI DAN MULTIMEDIA** menyatakan apakah perkembangan terkini mengenai inisiatif Peranti Siswa Keluarga Malaysia sama ada masih diteruskan pemberian tablet atau ditambah baik kepada pemberian *laptop* serta pelan jangka masa pelaksanaan inisiatif tersebut.

JAWAPAN

Tuan Yang Dipertua,

Inisiatif PerantiSiswa Keluarga Malaysia (PRSIS) di bawah Belanjawan 2022 yang diterajui oleh Kementerian Komunikasi dan Multimedia Malaysia (K-KOMM) bertujuan membantu hampir 350,000 mahasiswa Institut Pengajian Tinggi (IPT) yang berada di dalam kelompok keluarga B40 agar dapat mempunyai akses digital bagi kegunaan asas mereka dalam pembelajaran dan pemudahcaraan di dalam kuliah. Inisiatif ini disasar dilaksanakan bermula penggal pertama tahun 2022 dengan kerjasama daripada Kementerian Kewangan dan Kementerian Pengajian Tinggi.

Mahasiswa IPT yang berkelayakan akan dibekalkan dengan peranti mudah alih berupa tablet yang mengandungi spesifikasi dan kapasiti yang mencukupi bagi menyokong keperluan asas pembelajaran akademik mereka di IPT. Inisiatif PRSIS adalah berkonsep pinjaman bagi memastikan kelangsungan manfaat inisiatif ini berterusan kepada kumpulan sasar mahasiswa pada tahun-tahun akan datang. Buat masa ini, K-KOMM sedang dalam proses perolehan yang dijangka selesai menjelang bulan Mei 2022. Agihan kepada kumpulan sasar akan dibuat melalui dua fasa iaitu fasa pertama pada bulan Mei dan fasa kedua pada bulan Julai tahun ini.

Dengan adanya pelaksanaan inisiatif PRSIS, ia menunjukkan keprihatinan Kerajaan yang cakna dengan keperluan pembelajaran terutamanya terhadap golongan B40 bagi membentuk komuniti digital Keluarga Malaysia serta usaha merapatkan jurang digital antara semua kelompok Keluarga Malaysia.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS TAHUN 2022**

PERTANYAAN : LISAN

**DARIPADA : DATO' MOHD. NIZAR BIN HAJI ZAKARIA
[PARIT]**

TARIKH : 21 MAC 2022 (ISNIN)

SOALAN

DATO' MOHD. NIZAR BIN HAJI ZAKARIA minta **MENTERI KANAN PENDIDIKAN** menyatakan:-

- (a) apakah usaha yang telah dilaksanakan oleh Kementerian bagi mengatasi isu beg berat pelajar yang menjadi keluh kesah ibu bapa; dan
- (b) apakah bentuk langkah penambahbaikan yang akan dilaksanakan dalam menangani isu ini.

JAWAPAN

Tuan Yang di-Pertua,

Kementerian Pendidikan Malaysia (KPM) komited untuk mencari jalan penyelesaian yang terbaik dalam menangani isu beg berat murid yang telah berlarutan sekian lama. KPM telah menjalankan tiga kajian utama berkaitan beg berat. Hasil daripada kajian yang dilaksanakan, KPM telah mengambil pelbagai tindakan bagi menangani isu berkenaan. Antaranya, mengeluarkan Surat Pekeliling Ikhtisas Bil. 1/2000: Penggunaan Buku Kerja Di Sekolah Rendah dan Surat Siaran Panduan Menangani Isu Beg Berat Murid di Sekolah pada tahun 2018.

Namun demikian, perkara tersebut masih belum dapat ditangani sepenuhnya dan sering menjadi keluhan masyarakat. Berdasarkan penelitian ke atas maklum balas yang diperoleh, isu beg berat adalah kritikal dalam kalangan murid sekolah rendah, khususnya murid Tahap 1, iaitu Tahun 1, Tahun 2 dan Tahun 3. Oleh yang demikian, ketetapan KPM yang akan dilaksanakan segera adalah seperti berikut:

1. Penyediaan Lokar

KPM akan menyediakan lokar di sekolah rendah secara berfasa.

2. Penyusunan Semula Jadual Waktu

Melaksanakan jadual waktu yang mengandungi tiga hingga empat mata pelajaran sehari, mengikut kaedah dan pelaksanaan yang sesuai terutama aspek pemberatan subjek, ketersediaan guru dan sesi persekolahan.

3. Buku Latihan

Bilangan buku latihan hendaklah tidak melebihi dua buah buku bagi setiap mata pelajaran pada satu masa. Setiap buku latihan hendaklah tidak melebihi 80 muka surat.

4. Buku Aktiviti dan Buku Kerja

Murid hanya dibenarkan untuk menggunakan buku aktiviti yang

disediakan oleh KPM manakala buku kerja hanya boleh digunakan sebagai bahan rujukan atau bahan ulang kaji di luar waktu pengajaran dan pembelajaran (PdP)

5. Buku Teks Digital

Penerbitan baharu buku teks dalam format digital dilaksanakan secara berterusan. Sehingga kini, sebanyak 692 judul buku teks digital telah dimuat naik dalam pelantar *Digital Educational Learning Initiative Malaysia* (DELIMa).

6. Pendekatan PdP

Guru digalakkan menggunakan pendekatan PdP berpusatkan murid iaitu pembelajaran bertema, modular, pembelajaran berdasarkan projek, simulasi amali (*virtual lab*) atau pembelajaran terbeza.

7. Kerjasama Dengan JAKIM

Kerjasama dengan pihak Jabatan Kemajuan Agama Islam Malaysia (JAKIM) juga diadakan dari aspek penyelarasan uniform agar murid diberi kelonggaran untuk memakai uniform sekolah masing-masing semasa sesi persekolahan KAFA.

KPM yakin pendekatan ini dapat dilaksanakan secara menyeluruh demi kesejahteraan murid untuk ke sekolah. KPM komited untuk terus menangani isu beg berat ini dengan lebih berkesan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA,
PARLIMEN KEEMPAT BELAS 2022**

PERTANYAAN : JAWAB LISAN

**DARIPADA : YB PUAN NURUL IZZAH BINTI ANWAR
[PERMATANG PAUH]**

TARIKH : 21 MAC 2022 (ISNIN)

SOALAN

Puan Nurul Izzah binti Anwar [Permatang Pauh] minta **MENTERI PEMBANGUNAN WANITA, KELUARGA DAN MASYARAKAT menyatakan:-**

- a) status terkini pembentangan rancangan mengharamkan perkahwinan bawah umur bagi membendung eksplotasi kanak-kanak; dan
- b) bilakah pihak Kementerian akan mengadakan sesi perbincangan bersama Pihak Majlis Agama Islam Negeri memandangkan penetapan had umur ini adalah tertakluk pada kuasa Majlis Agama Islam Negeri.

JAWAPAN

Tuan Yang di-Pertua,

Kerajaan amat menghargai keprihatinan yang ditunjukkan oleh YB Permatang Pauh terhadap isu perkahwinan bawah umur. Untuk makluman, Kerajaan buat masa ini tiada perancangan untuk mengharamkan perkahwinan bawah umur. Namun, Kerajaan tetap komited untuk mengekang perkahwinan bawah umur melalui pelaksanaan program di bawah Pelan Strategi Kebangsaan Bagi Menangani Punca Perkahwinan Bawah Umur (Pelan). Ini adalah kerana punca perkahwinan bawah umur bukan sahaja perlu ditangani melalui perubahan perundangan, malahan melalui pendidikan, advokasi, kesihatan, pengukuhan institusi keluarga, serta sokongan sosioekonomi masyarakat. Pada masa yang sama, Jawatankuasa Pemandu yang telah ditubuhkan akan terus memantau pelaksanaan dan perkembangan program yang dirancang.

Tuan Yang di-Pertua,

Kerajaan bersetuju bahawa penetapan had umur kepada 18 tahun ini adalah tertakluk pada kuasa Majlis Agama Islam Negeri (MAIN) dan cadangan untuk mengadakan sesi perbincangan bersama pihak MAIN akan diperhalusi melalui kerjasama advokasi dengan Jabatan Kemajuan Islam Malaysia (JAKIM) dan Jabatan Kehakiman Syariah Malaysia (JKSM).

Dalam hal ini, saya menyeru semua pihak yang berkepentingan sama ada di peringkat kerajaan persekutuan mahupun negeri supaya lebih prihatin dan bersama-sama menyokong usaha kerajaan dalam menangani perkahwinan bawah umur di negara ini demi menjamin masa hadapan kanak-kanak.

Sekian, terima kasih.

**PEMBERITAHUAN PERTANYAAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS 2022**

PERTANYAAN : LISAN

DARIPADA : DATO' SRI ABDUL AZEEZ BIN ABDUL RAHIM [BALING]

TARIKH : 21 MAC 2022 (ISNIN)

SOALAN

DATO' SRI ABDUL AZEEZ BIN ABDUL RAHIM [BALING] minta **MENTERI PERTANIAN DAN INDUSTRI MAKANAN** menyatakan :-

- (a) apakah perkembangan terkini inisiatif Satu Daerah@Satu Kampung – Satu Industri; dan
- (b) apakah penambahbaikan untuk memperkasa program tersebut untuk mengatasi masalah krisis bekalan makanan.

JAWAPAN

Tuan Yang di-Pertua,

Untuk makluman Ahli Yang Berhormat, Program Satu Daerah Satu Industri (SDSI) merupakan sebuah program pembangunan ekonomi secara komuniti setempat bagi melonjakkan industri/produk unik beridentitikan sesebuah daerah. Program ini bertujuan memberikan nilai tambah kepada produk/ perkhidmatan dengan keunikan ciri/keistimewaan setempat yang dapat memberikan identiti atau imej kepada daerah berkenaan supaya bersifat lebih komersial seterusnya mewujudkan industri yang berdaya maju seiring dengan pembangunan usahawan/ koperasi yang berdaya saing.

SDSI diterajui oleh Kementerian Pembangunan Usahawan dan Koperasi (MEDAC) manakala Kementerian Pertanian dan Industri Makanan (MAFI) hanya merupakan pelaksana bagi Kluster Industri Makanan SDSI. Buat masa ini, MEDAC dengan kerjasama kerajaan negeri sedang menambah baik pelaksanaan Program SDSI yang berfokuskan kepada peluasan akses pasaran dan pembangunan kapasiti produk produk SDSI.

Pada tahun 2020 dan 2021, Program Pembangunan Kapasiti SDSI dilaksanakan melalui Kajian Analisis Jurang (*gap analysis*) dan Pembangunan Produk ke atas 12 industri/produk makanan di 12 buah daerah, melibatkan usahawan industri makanan. Mukah misalnya dikenal pasti sebagai daerah berpotensi untuk menjadi hub pengeluaran sagu manakala Kota Bharu pula dilihat berpotensi sebagai hub pengeluaran serunding daging. Dua (2) daerah di Pahang pula berpotensi sebagai hub pengeluaran pertanian bernilai tinggi seperti Jerantut untuk madu kelulut dan Temerloh untuk vanila.

Di bawah kerangka kerja SDSI, pihak MAFI dan MEDAC sentiasa bekerjasama dalam melaksanakan program yang melibatkan usahawan dalam bidang pertanian dan industri makanan bagi mengatasi masalah krisis bekalan makanan. Antaranya adalah melalui penubuhan Jawatankuasa Bersama antara MAFI dan MEDAC pada tahun 2021 bagi memantau pelaksanaan lapan (8) program seperti berikut:

- i. Program Penanaman Secara Fertigasi;
- ii. Program Pertanian Berskala Besar;
- iii. Program Pertanian Akuakultur Ternakan (Kolam/Sangkar);
- iv. Program Kelestarian Rantaian Bekalan Makanan;
- v. Pengembangan Pertanian Melalui Sistem Perniagaan Francais;
- vi. Program Pembangunan Vendor Industri Pertanian; dan
- vii. Program Pembangunan Industri Sokongan-*Precision Farming*.
- viii. Latihan Keusahawanan dan Pertanian Berinovasi

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA,
PARLIMEN KEEMPAT BELAS TAHUN 2022**

PERTANYAAN : LISAN

**DARIPADA : Y.B. TUAN MUHAMMAD BAKHTIAR BIN
WAN CHIK [BALIK PULAU]**

TARIKH : 21 MAC 2022 (ISNIN)

SOALAN

TUAN MUHAMMAD BAKHTIAR BIN WAN CHIK [BALIK PULAU]
minta **MENTERI KEWANGAN** menyatakan kos per kapita yg ditanggung
Kerajaan dalam Kumpulan Wang COVID-19 berkaitan perubatan dan
bukan perubatan dalam usaha membendung COVID-19 sejak 2020.

JAWAPAN

Tan Sri Yang Di Pertua,

Selaras dengan pindaan had siling Kumpulan Wang COVID-19 (KWC-19) dari RM65 bilion kepada RM110 bilion, Kerajaan telah menaikkan had siling bagi program perbelanjaan berkaitan COVID-19 dari RM5 bilion kepada RM9 bilion bagi memastikan peruntukan secukupnya disediakan untuk perkara-perkara berkaitan COVID-19. Manakala bagi perbelanjaan berkaitan vaksin dan pelaksanaan Program Imunisasi COVID-19 Kebangsaan (PICK) pula Kerajaan telah memperuntukkan sebanyak RM6.8 bilion yang dibiayai melalui KWC-19 dan Kumpulan Wang Amanah Negara (KWAN). Secara amnya Kerajaan memperuntukkan sebanyak RM15.8 bilion bagi tujuan berkaitan COVID-19.

Sehingga 28 Februari 2022, sebanyak RM4.6 bilion telah dibelanjakan di bawah Kumpulan Wang COVID-19 untuk perbelanjaan berkaitan COVID-19 termasuklah, kos operasi pusat kuarantin, *personal protective equipment* (PPE), reagen, consumables, bekalan perubatan dan klinik, elauan khas COVID-19 dan pelbagai kos bagi membendung penularan wabak COVID-19. Ini melibatkan pelbagai kementerian/jabatan/agensi antaranya Kementerian Kesihatan Malaysia (KKM), hospital pengajar di bawah Kementerian Pengajian Tinggi, Hospital Angkatan Tentera di bawah Kementerian Pertahanan, Agensi Pengurusan Bencana Negara (NADMA) serta pelbagai agensi lain yang turut terlibat dalam operasi pengawalan COVID-19. Manakala bagi perbelanjaan berkaitan vaksin dan PICK pula sebanyak RM5.7 bilion telah dibelanjakan merangkumi pengoperasian pusat pemberian vaksin, penyumberluaran, bayaran elauan khas serta kos-kos operasi berkaitan menjadikan keseluruhan perbelanjaan berjumlah RM10.3 bilion.

Kerajaan secara puratanya membelanjakan lebih dari RM300 bagi setiap rakyat Malaysia yang kini berjumlah 32.7 juta orang.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS TAHUN 2022**

PERTANYAAN : LISAN

**DARIPADA : TUAN SHAHARIZUKIRNAIN BIN ABD. KADIR
[SETIU]**

TARIKH : 21 MAC 2022 (ISNIN)

SOALAN

TUAN SHAHARIZUKIRNAIN BIN ABD. KADIR [SETIU] minta **MENTERI KANAN PENDIDIKAN** menyatakan jumlah guru duka lara seluruh negara dan bilangan guru yang telah berjaya ditukarkan.

JAWAPAN

Tuan Yang di-Pertua,

Kementerian Pendidikan Malaysia (KPM) sentiasa memberi keutamaan kepada permohonan pertukaran yang melibatkan permohonan daripada kategori mengikut pasangan. Bagi setiap sesi pertukaran, kategori mengikut pasangan adalah merupakan peratus kelulusan tertinggi berbanding lain-lain kategori.

Untuk makluman Ahli Yang Berhormat, berdasarkan rekod KPM pada tahun 2021, jumlah keseluruhan permohonan pertukaran guru yang telah diluluskan adalah sebanyak 11,451 permohonan. Daripada jumlah tersebut, sebanyak 3,875 permohonan pertukaran adalah di bawah kategori mengikut pasangan dan sebanyak 2,945 permohonan pertukaran di bawah kategori ini telah diluluskan.

KPM sentiasa komited dalam memastikan kebijakan guru diberi keutamaan tanpa menjaskasikan kepentingan perkhidmatan pendidikan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA,
PARLIMEN KEEMPAT BELAS TAHUN 2022**

PERTANYAAN : LISAN

**DARIPADA : Y.B. DATO' WIRA HAJI AMIRUDDIN BIN
HAJI HAMZAH
[KUBANG PASU]**

TARIKH : 21 MAC 2022 (ISNIN)

SOALAN

DATO' WIRA HAJI AMIRUDDIN BIN HAJI HAMZAH [KUBANG PASU] minta **MENTERI KEWANGAN** menyatakan jumlah hutang yang akan dibuat oleh Kerajaan sepanjang tahun 2022 serta peratus kepada KDNK. Daripada jumlah tersebut berapa peratus digunakan untuk biaya semula hutang yang matang. Dari setiap RM1 yang dihutang, berapa sen digunakan untuk membayar faedah hutang.

JAWAPAN

Tan Sri Yang di-Pertua,

Sejajar dengan peraturan kewangan yang termaktub di bawah Akta Pinjaman (Tempatan) 1959, Akta Pendanaan Kerajaan 1983 dan Akta Pinjaman Luar Negeri 1963, pinjaman hanya dibuat untuk membiayai semula hutang yang matang dan juga membiayai defisit. Dalam hal ini, jumlah pinjaman kasar Kerajaan Persekutuan bagi tahun 2022 dianggarkan sekitar 14 peratus kepada Keluaran Dalam Negeri Kasar (KDNK). Daripada jumlah tersebut, sebanyak 8 peratus adalah untuk pembiayaan semula hutang yang matang manakala baki sebanyak 6 peratus untuk membiayai defisit. Untuk makluman, pembiayaan semula hutang yang matang ini adalah merupakan pembiayaan semula pinjaman yang telah dilaksanakan oleh Kerajaan Persekutuan bagi membiayai defisit pada tahun-tahun terdahulu.

Bayaran faedah hutang atau bayaran khidmat hutang merupakan salah satu perbelanjaan tanggungan yang diberi keutamaan terlebih dahulu daripada item-item perbelanjaan yang lain, seperti yang termaktub di bawah Perkara 98(1)(b) Perlembagaan Persekutuan dan dibayar setiap tahun menggunakan hasil Kerajaan Persekutuan. Sehingga akhir 2021, bayaran khidmat hutang adalah sebanyak 38.1 bilion ringgit atau 16.3 peratus daripada jumlah hasil. Ini bermakna, daripada setiap 1 ringgit hasil yang diperolehi, sebanyak 16.3 sen dibelanjakan untuk melunaskan bayaran khidmat hutang.

Walaupun Kerajaan dibenarkan membuat pinjaman bagi membiayai semula hutang, namun bagi memastikan pengurusan hutang yang berhemat dan berdisiplin, terimaan pinjaman hanya digunakan untuk membiayai semula prinsipal hutang yang akan matang pada tahun semasa, dan tidak termasuk bayaran khidmat hutang.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KE-EMPAT BELAS**

PERTANYAAN : JAWAB LISAN

DARIPADA : YB TUAN HAJI WAN HASSAN BIN MOHD RAMLI [DUNGUN]

TARIKH : 21 MAC 2022 (ISNIN)

SOALAN NO. 27

TUAN HAJI WAN HASSAN BIN MOHD RAMLI [DUNGUN] minta **MENTERI PENGANGKUTAN** menyatakan keberkesanan sistem keselamatan kesedaran automatik (AwAS) di lebuh raya dalam mengurangkan statistik kes kemalangan jalan raya pada waktu ini.

JAWAPAN

Tuan Yang di-Pertua,

1. Secara keseluruhannya pelaksanaan sistem AwAS telah berjaya mencapai objektifnya iaitu untuk mendidik pemandu untuk mematuhi peraturan jalan raya di kawasan/lokasi yang terlibat dengan pemasangan kamera. Antara penemuan kajian yang dilaksanakan berkenaan dengan keberkesanan AwAS yang telah dilaksanakan oleh MIROS, PDRM dan PLUS adalah seperti berikut :

- (i) Penurunan peratusan jumlah kesalahan memandu laju yang menyumbang kepada kemalangan maut daripada 24% kepada 13%;
- (ii) Peningkatan jumlah pemandu yang mematuhi peraturan had laju daripada 63% sebelum pemasangan kepada 95% selepas pemasangan kamera AwAS;

- (iii) Peningkatan jumlah pemandu yang mematuhi peraturan lampu isyarat daripada 96% sebelum pemasangan kepada 98% selepas pemasangan;
 - (iv) Penurunan jumlah kemalangan secara keseluruhan sebanyak 40% di lokasi kamera had laju (iaitu 85 kemalangan sebelum pemasangan kepada 59 kemalangan selepas pemasangan);
 - (v) Penurunan jumlah kemalangan secara keseluruhan sebanyak 38% di lokasi kamera lampu isyarat (iaitu 210 kemalangan sebelum pemasangan kepada 130 kemalangan selepas pemasangan); dan
 - (vi) Peningkatan *Perception of Being Caught* (POBC) pengguna jalan raya yang akan menyumbang kepada peningkatan kepada pematuhan peraturan jalan raya.
2. Selain itu, berdasarkan kajian mengenai sikap pengguna jalan raya ke atas pelaksanaan AwAS oleh MIROS pada tahun 2015, 88% daripada koresponden menyatakan bahawa mereka akan memandu dengan lebih berhemah sekiranya kamera AES dipasang dalam kawasan mereka.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS 2022**

PERTANYAAN : LISAN

**DARIPADA : DATUK WIRA HAJI MOHD. ANUAR MOHD.
TAHIR [TEMERLOH]**

TARIKH : 21 MAC 2022 (ISNIN)

SOALAN

DATUK WIRA HAJI MOHD ANUAR MOHD TAHIR [TEMERLOH]
minta **MENTERI PERTANIAN DAN INDUSTRI MAKANAN**
menyatakan apakah bantuan khas yang telah dan akan diberikan
kepada para petani dan penternak ikan Patin di Temerloh yang
terkesan akibat banjir.

JAWAPAN

Tuan Yang di-Pertua,

Untuk makluman Ahli Yang Berhormat, Kementerian Pertanian dan Industri Makanan (MAFI) menyediakan bantuan kepada golongan sasar yang terjejas akibat bencana alam seperti banjir, kemarau dan sebagainya melalui Peruntukan Pembangunan Semula Projek Agromakanan (PPSPA). Bantuan PPSPA kepada golongan petani dan pengusaha yang terjejas adalah dalam bentuk *in-kind* seperti input pertanian, peralatan dan mesin berdasarkan kadar yang telah ditetapkan mengikut sektor serta bantuan lain yang bersesuaian yang diluluskan oleh Jawatankuasa Induk PPSPA MAFI.

Para petani dan penternak ikan Patin di Temerloh yang terkesan akibat bencana telah dibantu melalui dana PPSPA dengan jumlah berikut:

- i. RM 157,700.00 melibatkan seramai 157 orang petani dengan keluasan kawasan terjejas sebanyak 117 hektar; dan
- ii. RM190,910.00 melibatkan 82 orang pengusaha (penternak ikan patin dan tilapia).

Pada tahun 2022, Kementerian telah diperuntukkan RM10 juta bagi membiayai tabung PPSPA untuk membantu golongan sasar yang terjejas akibat bencana alam.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS TAHUN 2022**

PERTANYAAN : LISAN

**DARIPADA : DATO' HAJI AHMAD NAZLAN BIN IDRIS
[JERANTUT]**

TARIKH : 21 MAC 2022 (ISNIN)

SOALAN

DATO' HAJI AHMAD NAZLAN BIN IDRIS [JERANTUT] minta **MENTERI KANAN PENDIDIKAN** menyatakan jumlah ideal kadar nisbah guru dengan murid berdasarkan Formula Pengiraan Kedudukan Guru serta adakah jumlah guru semasa yang sedang berada di dalam perkhidmatan menepati jumlah yang diperlukan berdasarkan formula tersebut.

JAWAPAN

Tuan Yang di-Pertua,

Kementerian Pendidikan Malaysia (KPM) komited dalam memastikan pendidikan di Malaysia sentiasa setaraf dengan piawaian dan standard di peringkat antarabangsa. Laporan *Organisation for Economic Co-operation and Development* (OECD) pada tahun 2019 secara purata, nisbah guru kepada murid ialah 1:15 bagi pendidikan rendah dan 1:13 bagi pendidikan menengah. Berdasarkan Buku Perangkaan Pendidikan Malaysia 2021, nisbah guru kepada murid di Malaysia adalah 1:12 bagi sekolah rendah dan 1:11 bagi sekolah menengah. Data ini menunjukkan bahawa nisbah guru kepada murid di Malaysia adalah lebih rendah dan lebih baik berbanding dengan nisbah guru murid di peringkat antarabangsa yang dikeluarkan oleh OECD.

Untuk makluman Ahli Yang Berhormat, Formula Pengiraan Kedudukan Guru diwujudkan bukan berdasarkan kadar nisbah guru dengan murid tetapi berdasarkan struktur Kurikulum Kebangsaan dan penetapan waktu mengajar guru oleh agensi pusat. Oleh itu, pada masa sekarang bilangan perjawatan yang diluluskan adalah berdasarkan kepada formula tersebut dan memenuhi keperluan di sekolah.

KPM akan terus memastikan keperluan sumber manusia dapat dibekalkan secara optimum bagi menyokong pelaksanaan dasar pendidikan di institusi pendidikan KPM.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS 2022**

PERTANYAAN : LISAN

DARIPADA : TUAN CHOW KON YEOW [TANJONG]

TARIKH : 21 MAC 2022

SOALAN

TUAN CHOW KON YEOW [TANJONG] minta **MENTERI KOMUNIKASI DAN MULTIMEDIA** menyatakan senarai semua agensi di bawah Kementerian termasuk syarikat, anak syarikat, yayasan, pertubuhan bukan Kerajaan dan lain-lain berkaitan. Perincikan juga jumlah peruntukan tahunan yang disalurkan kepada setiap organisasi tersenarai.

JAWAPAN

Tuan Yang di-Pertua,

Senarai agensi di bawah Kementerian Komunikasi dan Multimedia Malaysia (K-KOMM) adalah seperti berikut:

| Bil. | Nama Jabatan/ Badan Berkanun/CLBG/ MKD | Status | Catatan |
|-------------|---|----------------------------------|-------------------------|
| 1. | Suruhanjaya Komunikasi dan Multimedia Malaysia (SKMM) | Suruhanjaya | Akta 588, Akta 589 |
| 2. | Pertubuhan Berita Nasional Malaysia (BERNAMA) | Badan Berkanun Persekutuan (BBP) | Akta BERNAMA 1967 |
| 3. | Perbadanan Kemajuan Filem Nasional Malaysia (FINAS) | Badan Berkanun Persekutuan (BBP) | Akta 224 |
| 4. | Cyber Security Malaysia (CSM) | CLBG | |
| 5. | Mynic Berhad | CLBG | |
| 6. | Malaysian Digital Economy Corporation (MDEC) | MKD | |
| 7. | MyCreative Ventures | MKD | |

Akta Perbekalan 202 telah meluluskan Anggaran Perbelanjaan mengurus Tahun 2022 berjumlah RM156,404,290,800.00. Peruntukan keseluruhan yang telah diluluskan kepada K-KOMM adalah sebanyak RM2,625,191,700.00 iaitu RM888,362,300.00 (Peruntukan Mengurus) dan RM1,736,829,400.00 (Peruntukan Pembangunan).

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS TAHUN 2022**

PERTANYAAN : LISAN

**DARIPADA : DATUK SERI DR. SHAMSUL ANUAR BIN
HAJI NASARAH [LENGGONG]**

TARIKH : 21 MAC 2022 (ISNIN)

SOALAN

DATUK SERI DR. SHAMSUL ANUAR BIN HAJI NASARAH [LENGGONG] minta **MENTERI KANAN PENDIDIKAN** menyatakan apakah pelan perancangan pihak Kementerian untuk menangani trend peningkatan kluster pendidikan yang semakin membimbangkan kerana data Kementerian Kesihatan menunjukkan pada Minggu Epidemiologi kelima sebanyak 52 kluster atau 58.4 peratus daripada 89 kluster baharu merupakan kluster pendidikan.

JAWAPAN

Tuan Yang di-Pertua,

Kementerian Pendidikan Malaysia (KPM) komited untuk menyediakan persekitaran sekolah yang selamat bagi pengajaran dan pembelajaran (PdP) secara bersemuka.

Bagi memastikan kelancaran pengoperasian sekolah, KPM telah menyediakan Garis Panduan Pengurusan dan Pengoperasian Sekolah 3.0 (GPPPS 3.0) sebagai rujukan kepada jabatan pendidikan negeri (JPN), pejabat pendidikan daerah (PPD) dan pentadbir serta guru. Garis Panduan ini mengandungi panduan khusus mengenai prosedur pengurusan murid bergejala, murid disahkan positif COVID-19, murid yang dikenal pasti sebagai kontak rapat pesakit COVID-19 di sekolah dan penutupan sekolah.

SOALAN NO : 31

Selari dengan situasi semasa berkenaan penularan wabak COVID-19, KPM sentiasa berbincang secara berkala bersama-sama Kementerian Kesihatan Malaysia (KKM) untuk meneliti dan menambah baik SOP sedia ada bagi mengekang jangkitan COVID-19 di sekolah. Berdasarkan saranan daripada KKM, pihak KPM telah mengambil tindakan memperketatkan lagi pelaksanaan GPPPS 3.0 dengan menyediakan lampiran tambahan (*annexe*) kepada garis panduan ini yang memberi penekanan kepada keselamatan dan kesihatan warga sekolah. Lampiran tambahan ini menekankan beberapa aspek utama seperti kehadiran warga sekolah yang bergejala, kebenaran masuk berdasarkan status MySejahtera, tanggungjawab guru di sekolah, pengurusan bilik guru, pengurusan murid di sekolah, pengurusan asrama, pengurusan dewan makan asrama dan pengurusan kes positif di sekolah. Selain itu, lampiran tambahan ini mengupayakan peranan ketua kelas/pengawas/pembimbing rakan sebaya untuk bersama-sama memantau rakan-rakan yang bergejala dari semasa ke semasa dan mengingatkan rakan mereka supaya sentiasa mematuhi SOP.

KPM komited dalam memastikan pengoperasian sekolah berjalan dengan teratur dan selamat serta sentiasa mengambil langkah proaktif bagi mengawal dan mengekang penularan jangkitan wabak COVID-19 dalam kalangan murid di sekolah.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA,
PARLIMEN KEEMPAT BELAS TAHUN 2022**

PERTANYAAN : LISAN

**DARIPADA : Y.B. TUAN CHAN MING KAI
[ALOR SETAR]**

TARIKH : 21 MAC 2022 (ISNIN)

SOALAN

TUAN CHAN MING KAI [ALOR SETAR] minta **MENTERI KEWANGAN** menyatakan berapa jumlah pembayar cukai individu Borang B dan BE bagi tahun 2021 antara banjaran RM250,001-RM400,000 dan RM400,001-RM600,000 yang masih ada tunggakan cukai serta jumlah tunggakan masing-masing.

JAWAPAN

Tan Sri Yang di-Pertua,

Untuk makluman Yang Berhormat, semakan data daripada Lembaga Hasil Dalam Negeri Malaysia menunjukkan seramai dua ratus empat puluh satu ribu enam ratus lima puluh lima (241,655) individu pembayar cukai yang masih mempunyai tunggakan cukai, iaitu sebanyak seratus dua puluh satu ribu empat ratus sebelas (121,411) untuk tahun 2019 dan sebanyak seratus dua puluh ribu dua ratus empat puluh empat (120,244) untuk tahun 2020.

Mengikut data semasa, jumlah cukai yang belum dijelaskan bagi pembayar cukai dalam banjaran pendapatan dua ratus lima puluh ribu satu ringgit hingga empat ratus ribu ringgit (RM250,001-RM400,000) bagi Tahun Taksiran 2019 ialah sebanyak 76.5 juta ringgit dan bagi Tahun Taksiran 2020 ialah sebanyak 54.8 juta ringgit.

Manakala bagi banjaran pendapatan empat ratus ribu satu ringgit hingga enam ratus ribu ringgit (RM400,001-RM600,000) pula, jumlah cukai yang belum dijelaskan bagi Tahun Taksiran 2019 ialah sebanyak 54.5 juta ringgit dan bagi Tahun Taksiran 2020 pula ialah sebanyak 41.7 juta ringgit.

Maklumat Tahun Taksiran 2021 belum dapat disediakan kerana Borang Nyata Cukai Pendapatan hanya akan dikemukakan mulai 1 Mac 2022.

Sekian, terima kasih.

**PEMBERITAHUAN PERTANYAAN JAWAB LISAN DEWAN
RAKYAT MESYUARAT PERTAMA, PENGGAL KELIMA
PARLIMEN KEEMPAT BELAS 2022**

PERTANYAAN : LISAN

**DARIPADA : TUAN HAJI WAN HASSAN BIN MOHD RAMLI
(DUNGUN)**

TARIKH : 21 MAC 2022 (ISNIN)

SOALAN

TUAN HAJI WAN HASSAN BIN MOHD RAMLI [DUNGUN] minta **MENTERI PENGAJIAN TINGGI** menyatakan perancangan Kementerian bagi membantu universiti awam seluruh negara agar mempunyai dana dan peruntukan kewangan yang secukupnya pada waktu ini.

JAWAPAN

Tan Sri Yang di-Pertua,

Kementerian Pengajian Tinggi (KPT) sentiasa komited dalam membantu Universiti Awam (UA) memiliki dana dan peruntukan kewangan yang mapan dalam usaha memastikan akses yang berterusan kepada pendidikan tinggi yang berkualiti selaras dengan piawai antarabangsa.

Justeru, lima (5) Universiti Penyelidikan (RU) iaitu Universiti Malaya (UM), Universiti Kebangsaan Malaysia (UKM), Universiti Sains Malaysia (USM), Universiti Putra Malaysia (UPM) dan Universiti Teknologi Malaysia (UTM) telah diberi kelulusan 100% peruntukan mengurus oleh Kementerian Kewangan berjumlah **RM2.657billion** untuk keperluan emolumen.

Bagi Universiti Bukan Penyelidikan (NON-RU) pula, peruntukan mengurus tahun 2022 sebanyak **RM4.304bilion** telah diluluskan bagi menampung 100% keperluan emolumen dan non-emolumen seperti amalan tahun-tahun sebelum ini. Keperluan emolumen dan non emolumen bagi UA ini akan diteliti secara terperinci setiap tahun bersama Kementerian Kewangan semasa Mesyuarat Pemeriksaan Bajet.

Selain itu, Kerajaan melalui Ucapan Bajet 2022 telah mengumumkan beberapa inisiatif bagi menyokong Pelan Pemulihan Negara (PPN) melalui pendekatan secara holistik bagi melindungi rakyat serta sektor ekonomi yang terjejas sepanjang tahun 2022. Dalam hal ini, Kementerian Kewangan telah meluluskan peruntukan sebanyak **RM 40 juta** kepada KPT bagi membaik pulih infrastruktur dan peralatan usang di UA, Politeknik dan Kolej Komuniti.

Bagi membantu UA agar mempunyai dana dan peruntukan kewangan yang mencukupi, KPT melalui Pelan Pembangunan Pendidikan Malaysia (Pendidikan Tinggi) di bawah Lonjakan ke 5 “Kemampanan Kewangan”, telah menggariskan beberapa strategi seperti menggalakkan UA memperkuuh kewangan sendiri, mewujudkan tabung

endowmen dan waqaf, mengoptimumkan kos dalam sistem pendidikan dan mempelbagaikan sumber pendapatan dalaman tanpa menjaskan kualiti pendidikan sedia ada. Semua strategi yang dinyatakan merupakan strategi yang dapat membantu UA untuk terus beroperasi secara optimum selari dengan hasrat Kerajaan untuk mengurangkan kebergantungan UA kepada dana Kerajaan.

Selain itu, KPT juga telah menyediakan buku garis panduan *University Transformation Programme, Purple Book (Enhancing University Income Generation, Endowment & Waqf)*. Buku panduan ini menawarkan panduan praktikal untuk membantu Universiti Awam dalam melaksanakan program transformasi melalui peningkatan amalan sedia ada dalam bidang kritikal terutamanya mempelbagaikan sumber pendapatan untuk meningkatkan kualiti program secara berterusan, lebih berhemat, inovatif dalam penggunaan sumber dan mewujudkan sumber penjanaan pendapatan alternatif seperti endowmen, wakaf, penggalangan dana (*fund raising*), perikatan korporat untuk perniagaan, program akademik dan penyelidikan, pengewangan aset, peruncitan dan perkhidmatan (*asset monetisation and retailing and services*) serta aktiviti pengurusan kewangan dan pelaburan.

Kementerian juga sentiasa memberi perhatian dalam memastikan peruntukan mengurus untuk pengoperasian UA adalah mencukupi dengan menyalurkan peruntukan tambahan kepada UA berdasarkan penjimatan dalaman akhir tahun Kementerian tertakluk kepada kelulusan Kementerian Kewangan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA,
PARLIMEN KEEMPAT BELAS TAHUN 2022**

PERTANYAAN : LISAN

**DARIPADA : Y.B. TUAN CHONG CHIENG JEN
[STAMPIN]**

TARIKH : 21 MAC 2022 (ISNIN)

SOALAN

TUAN CHONG CHIENG JEN [STAMPIN] minta **MENTERI KEWANGAN** menyatakan berapa jumlah faedah setahun atas keseluruhan pinjaman Kerajaan Persekutuan dan apakah jumlah peruntukan dalam Bajet 2020, 2021, 2022 adalah untuk pembayaran hutang Kerajaan Persekutuan.

JAWAPAN

Tan Sri Yang di-Pertua,

Bayaran faedah atau bayaran khidmat hutang merupakan salah satu perbelanjaan tanggungan yang diberi keutamaan terlebih dahulu daripada item-item perbelanjaan yang lain, seperti yang termaktub di bawah Perkara 98(1)(b) Perlembagaan Persekutuan iaitu segala caj hutang adalah di bawah tanggungan Kerajaan Persekutuan. Kesemua bayaran khidmat hutang ini dibiayai melalui peruntukan dalam perbelanjaan mengurus setiap tahun.

Di samping itu, bayaran faedah tahunan ditentukan dengan mengambil kira jumlah hutang yang masih belum matang, jumlah pinjaman untuk tahun semasa dan anggaran kadar faedah. Bayaran khidmat hutang Kerajaan adalah sebanyak RM34.5 bilion atau 15.3%

daripada jumlah hasil pada akhir tahun 2020 dan RM38.1 bilion atau 16.3% daripada jumlah hasil pada akhir tahun 2021. Bagi tahun 2022 pula, Kerajaan memperuntukkan sebanyak RM43.1 bilion bagi tujuan tersebut.

Untuk makluman Tuan Yang di-Pertua, sejak krisis kewangan Asia 1997/1998 negara telah berada dalam kedudukan defisit dan ini bermakna Kerajaan perlu membuat pinjaman bagi menampung defisit fiskal serta membiayai semula hutang yang akan matang dan perkara ini dibenarkan menerusi perundangan sedia ada iaitu Akta Pinjaman (Tempatan) 1959, Akta Pendanaan Kerajaan 1983, Akta Bil Perbendaharaan (Tempatan) 1946 dan Akta Pinjaman Luar Negeri 1963. Dalam hal ini, jumlah pinjaman kasar Kerajaan Persekutuan bagi tahun 2020 adalah sebanyak RM181.1 bilion dan RM210.1 bilion bagi tahun 2021. Jumlah pinjaman kasar Kerajaan Persekutuan bagi tahun 2022 pula dianggarkan sekitar 14 peratus kepada Keluaran Dalam Negeri Kasar (KDNK). Daripada jumlah tersebut, sebanyak 8 peratus adalah untuk pembiayaan semula hutang yang matang manakala baki sebanyak 6 peratus untuk membiayai defisit. Untuk makluman, pembiayaan semula hutang yang matang ini adalah merupakan pembiayaan semula pinjaman yang telah dilaksanakan oleh Kerajaan Persekutuan bagi membiayai defisit pada tahun-tahun terdahulu.

Walau bagaimanapun, bagi memastikan pengurusan hutang yang berhemah dan berdisiplin, Kerajaan sentiasa komited dalam membuat bayaran khidmat hutang menerusi hasil Kerajaan Persekutuan seperti yang diperuntukkan dalam bajet setiap tahun dan memenuhi obligasi pembayaran balik hutang yang matang dan bayaran khidmat hutang mengikut jadual yang ditetapkan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS 2022**

PERTANYAAN : LISAN

**DARIPADA : TUAN SABRI BIN AZIT
[JERAI]**

TARIKH : 21 MAC 2022 (ISNIN)

SOALAN

TUAN SABRI BIN AZIT (JERAI) minta **MENTERI PERTANIAN DAN INDUSTRI MAKANAN** menyatakan rancangan Kementerian untuk mengkaji semula penggunaan bubi naga yang diusahakan oleh nelayan pesisir pantai yang mampu menjana pendapatan mereka berbanding penangkapan secara tradisional.

JAWAPAN

Tuan Yang Di Pertua,

Untuk makluman Ahli Yang Berhormat, Kementerian Pertanian dan Industri Makanan (MAFI) melalui Jabatan Perikanan Malaysia (DOF) telah menghalang penggunaan bubu naga sejak 15 Ogos 2018. Ini adalah berdasarkan kepada hasil kajian penggunaan bubu (termasuk bubu naga) yang mendapati bahawa bubu naga yang dipasang/ditenggelamkan di kawasan perairan tepi pantai yang cetek secara berangkai dan panjang telah menyebabkan gangguan pelayaran kepada nelayan tradisi dan komersial.

Penggunaan bubu naga juga menyebabkan pukat hanyut tersangkut dan koyak seterusnya menimbulkan persengketaan di antara nelayan pukat hanyut dan nelayan bubu naga.

Bagi memastikan bubu naga tidak lagi digunakan oleh nelayan, antara inisiatif yang telah dan akan diambil termasuklah:

- i. menetapkan syarat lesen dengan spesifikasi yang menghalang penggunaan bubu naga;
- ii. penguatkuasaan oleh Agensi Penguatkuasa Maritim Malaysia (APMM), Jabatan Perikanan dan Polis Marin; dan
- iii. cadangan kerjasama dengan Kementerian Perdagangan Dalam Negeri dan Hal Ehwal Pengguna (KPDNHEP) serta Suruhanjaya Komunikasi dan Multimedia Malaysia (SKMM) bagi mengekang penjualan peralatan menangkap ikan yang dilarang termasuklah bubu naga, secara langsung atau dalam talian.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA,
PARLIMEN KEEMPAT BELAS 2022**

PERTANYAAN : LISAN

**DARIPADA : TENGKU ZULPURI BIN RAJA PUJI
[RAUB]**

TARIKH : 21 MAC 2022 (ISNIN)

SOALAN

TENGKU ZULPURI BIN RAJA PUJI [RAUB] minta **MENTERI KOMUNIKASI DAN MULTIMEDIA** menyatakan pembinaan menara telekomunikasi sangat penting untuk memberikan penembusan jalur lebar di kawasan terpencil, nyatakan tindakan yang diambil dalam menambahkan peratusan penembusan di kawasan pedalaman negeri Pahang khususnya perkampungan Orang Asli khasnya kawasan Parlimen Raub yang mana murid-murid sekolah terpaksa naik ke bukit yang tinggi untuk mendapatkan gelombang internet bagi menyiapkan kerja sekolah mereka.

JAWAPAN

Tuan Yang Dipertua,

Setakat suku keempat 2021, pihak Kementerian melalui Suruhanjaya Komunikasi dan Multimedia Malaysia (SKMM) telah membangunkan sebanyak 66 menara komunikasi yang memberikan liputan di kawasan perkampungan Orang Asli di seluruh negara termasuklah 10 di Pahang, manakala tiga menara masih dalam peringkat pelaksanaan termasuklah dua di Pahang yang dijangka siap secara berperingkat bermula suku pertama tahun 2022.

Daripada 24 penempatan Orang Asli di Raub, Pahang, sebanyak 15 penempatan telah menerima liputan 4G. Di bawah inisiatif JENDELA Fasa 1, sebanyak lapan penempatan Orang Asli akan mendapat liputan 4G setelah siap sepenuhnya menjelang suku kedua 2023. Manakala satu lagi penempatan sedang dalam penelitian lanjut bagi pelaksanaan di bawah JENDELA Fasa 2.

Peratusan liputan 4G di kawasan berpenduduk di Pahang juga telah meningkat kepada 92.56% pada suku keempat 2021 berbanding 89.1% sebelum pelaksanaan JENDELA pada suku kedua 2020. Di Parlimen Raub pula, liputan 4G telah meningkat kepada 87.59% pada suku keempat 2021 berbanding 73.12% sebelum pelaksanaan JENDELA pada suku kedua 2020.

Sebagai tambahan, kawasan perkampungan Orang Asli turut diberi keutamaan melalui penyediaan perkhidmatan jalur lebar menggunakan teknologi satelit. Sehingga suku keempat 2021, sebanyak 8 lokasi di perkampungan orang asli telah dilaksanakan di negeri Pahang, manakala 61 lokasi termasuk 2 lokasi di Parlimen Raub dalam peringkat pelaksanaan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS TAHUN 2022**

PERTANYAAN : LISAN

DARIPADA : TUAN AHMAD JOHNIE BIN ZAWAWI [IGAN]

TARIKH : 21 MAC 2022 (ISNIN)

SOALAN

TUAN AHMAD JOHNIE BIN ZAWAWI [IGAN] minta **MENTERI KANAN PENDIDIKAN** menyatakan sejauh manakah masalah kekurangan guru di Sarawak dan apakah langkah-langkah yang diambil oleh Kementerian untuk mengatasi masalah ini termasuk di kawasan Parliment Igan.

JAWAPAN

Tuan Yang di-Pertua,

Berdasarkan kepada rekod Kementerian Pendidikan Malaysia (KPM) sehingga 18 Januari 2022, keperluan guru di Sarawak adalah seramai 5,037 orang. Daripada jumlah tersebut, sebanyak 121 kekosongan guru dalam Parlimen Igan.

Bagi mengatasi masalah kekurangan guru seluruh negara, Kementerian Pendidikan Malaysia (KPM) telah mengumumkan Pengambilan Khas seramai 18,702 orang Pegawai Perkhidmatan Pendidikan (PPP) Gred DG41 secara *one-off* pada 20 Jun 2021 bagi mengisi kekosongan guru di sekolah KPM termasuk di Negeri Sarawak. Urusan pengambilan ini adalah di bawah bidang kuasa Suruhanjaya Perkhidmatan Pendidikan (SPP) selaku Pihak Berkuasa Melantik. Seramai 13,760 orang calon telah berjaya di dalam temu duga SPP dan telah ditawarkan lantikan tetap PPP DG41.

Melalui pengambilan *one-off* ini, KPM telah menempatkan seramai 1,674 guru mulai 1 Disember 2021 bagi mengisi kekosongan di Sarawak termasuk 30 orang guru bagi Parlimen Igan.

KPM komited untuk terus memastikan keperluan guru di Sarawak khususnya di Parlimen Igan dipenuhi.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KE-EMPAT BELAS**

PERTANYAAN : JAWAB LISAN

DARIPADA : YB TUAN OSCAR LING CHAI YEW [SIBU]

TARIKH : 21 MAC 2022 (ISNIN)

SOALAN

TUAN OSCAR LING CHAI YEW [SIBU] minta **MENTERI PENGANGKUTAN** menyatakan usaha-usaha yang dibuat oleh Kerajaan bagi membantu mewujudkan penerbangan terus dari Singapura ke Sibu. Adakah sekarang merupakan masa yang sesuai untuk melaksanakan penerbangan terus Singapura ke Sibu dan mengapa.

JAWAPAN:

Tuan Yang di-Pertua,

1. Kerajaan sentiasa menggalakkan mana-mana syarikat penerbangan negara atau asing untuk menyediakan perkhidmatan penerbangan antarabangsa secara terus dari luar negara termasuk daripada Singapura ke Sibu dengan mengambil langkah-langkah seperti berikut:
 - (i) rundingan dua hala dengan negara-negara asing pada setiap tahun bagi mewujudkan/meningkatkan hak-hak trafik penerbangan di antara Malaysia dan negara-negara tersebut;
 - (ii) memasukkan Sibu sebagai alah satu bandaruntuk diliberalisasikan di bawah perjanjian ASEAN *Multilateral Agreement on the Full Liberalisation of Passenger Services*. Melalui perjanjian yang telah ditandatangani dan diratifikasi oleh Malaysia ini, syarikat-syarikat penerbangan negara-negara ASEAN dibenarkan untuk mengadakan penerbangan di antara mana-mana destinasi ASEAN, tanpa had kekerapan, kapasiti dan jenis pesawat; dan
 - (iii) menawarkan pelbagai insentif kepada syarikat-syarikat penerbangan daripada luar negara yang beroperasi ke mana-mana lapangan terbang negara termasuk ke bandar-bandar utama Sarawak oleh Malaysia Airports Holdings Berhad (MAHB) menerusi *Airlines Incentives Programme*.
2. Selain daripada langkah-langkah yang telah dilaksanakan seperti di atas, terdapat juga keperluan untuk meningkatkan daya tarikan dan promosi produk-produk pelancongan dalam negara terutama di Sibu sebagai satu usaha berterusan bagi menggalakkan lagi perkhidmatan penerbangan dari pelbagai laluan ke Sibu.

SOALAN NO : 38

3. Pada masa ini, syarikat-syarikat penerbangan negara seperti Malaysia Airlines Berhad (MAB), MASwings dan AirAsia menyediakan perkhidmatan penerbangan domestik ke Sibu dengan kekerapan sebanyak 42 kali seminggu dari beberapa destinasi seperti Kuala Lumpur, Johor Bahru, Kuching dan Kota Kinabalu.
4. Bagi maksud rancangan untuk mewujudkan perkhidmatan penerbangan antarabangsa secara terus dari luar negara ke bandar-bandar utama di Malaysia khususnya di Sibu, ia adalah merupakan perancangan yang ditentukan oleh syarikat-syarikat penerbangan Malaysia dan asing berdasarkan kepada *commercial viability* sesuatu laluan.
5. Selain itu, cadangan untuk mewujudkan penerbangan terus dari Singapura ke Sibu juga adalah tertakluk kepada dasar Kerajaan berhubung pembukaan sempadan negara.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS TAHUN 2022**

PERTANYAAN : LISAN

DARIPADA : TUAN AHMAD JOHNIE BIN ZAWAWI [IGAN]

TARIKH : 21 MAC 2022 (ISNIN)

SOALAN

TUAN AHMAD JOHNIE BIN ZAWAWI [IGAN] minta **MENTERI KANAN PENDIDIKAN** menyatakan status guru interim atau guru sandaran khususnya di Sarawak yang berdepan kemungkinan kontrak tidak disambung walaupun mereka telah menamatkan program iktisas di Institut Pendidikan Guru (IPG) secara Kursus Dalam Cuti (KDC). Mengapa guru-guru interim ini tidak diserap sahaja sebagai guru tetap selepas tempoh kontrak tamat bagi menampung keperluan dan kekosongan sedia ada.

JAWAPAN

Tuan Yang di-Pertua,

Kementerian Pendidikan Malaysia (KPM) melaksanakan pengambilan guru interim bagi menampung kekosongan guru di sekolah-sekolah bawah KPM. Sebagai salah satu syarat untuk dipertimbangkan ke lantikan tetap, guru interim perlu mengikuti Program Diploma Pascasiswa Pendidikan (PDPP) yang dikendalikan oleh Institut Pendidikan Guru Malaysia (IPGM).

Untuk makluman Ahli Yang Berhormat, KPM telah memperakukan nama guru interim di Sarawak yang telah tamat PDPP ke Suruhanjaya Perkhidmatan Pendidikan (SPP) untuk ditemu duga. Guru interim yang berjaya temu duga tersebut akan ditawarkan sebagai Pegawai Perkhidmatan Pendidikan (PPP) Gred DG41 lantikan tetap.

Guru interim tidak boleh diserap sebagai guru tetap selepas tempoh kontrak kerana mereka perlu terlebih dahulu memenuhi syarat kelayakan lantikan tetap iaitu perlu menamatkan PDPP dan perlu lulus temu duga oleh SPP bagi memastikan kualiti perkhidmatan guru.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA,
PARLIMEN KEEMPAT BELAS TAHUN 2022**

PERTANYAAN : LISAN

**DARIPADA : Y.B. PUAN ISNARAISAH MUNIRAH BT
MAJILIS @ FAKHARUDY
[KOTA BELUD]**

TARIKH : 21 MAC 2022 (ISNIN)

SOALAN

PUAN ISNARAISAH MUNIRAH BT MAJILIS @ FAKHARUDY [KOTA BELUD] minta **MENTERI KEWANGAN** menyatakan pelan jangka pendek dan panjang Kumpulan Wang Amanah Pekerja (KWSP) bagi mengembalikan semula simpanan wang yang dikeluarkan pencarum B40 dan M40 melalui i-Lestari, i-Sinar dan i-Citra demi perlindungan ahli selepas persaraan.

JAWAPAN

Tan Sri Yang di-Pertua,

Seperti yang Ahli-ahli Yang Berhormat sedia maklum, i-Lestari, i-Sinar, dan i-Citra adalah tiga (3) program pengeluaran khas yang diperkenalkan oleh KWSP dan terbuka kepada ahli di bawah umur 55 tahun tertakluk kepada syarat-syarat kelayakan yang ditetapkan bagi membantu kelangsungan hidup ahli dalam menempuh cabaran dan impak Perintah Kawalan Pergerakan (PKP) akibat pandemic COVID-19.

Pengeluaran khas ini adalah pengeluaran pra-persaraan yang belum pernah dilaksanakan sebelum ini dan tidak termaktub di dalam Akta KWSP. Ianya hanya diperkenalkan sebagai langkah jangka masa pendek dan bersifat sementara disebabkan oleh keadaan dan situasi yang tidak pernah berlaku sebelum ini.

Secara keseluruhannya, di bawah ketiga-tiga pengeluaran ini, ahli KWSP telah mempunyai akses kepada dana persaraan mereka sehingga RM71,000, tertakluk kepada jumlah baki simpanan mereka. Seramai **7.3 juta ahli atau 58% daripada 12.7 juta ahli** yang berumur di bawah 55 tahun telah memanfaatkan sekurang-kurangnya salah satu daripada pengeluaran khas ini dengan jumlah amaun pengeluaran melebihi RM101 bilion dalam tempoh kurang daripada dua tahun.

Setakat 31 Disember 2021, impak daripada pengeluaran khas tersebut menyebabkan seramai **6.1 juta ahli atau 48% daripada jumlah ahli berumur bawah 55 tahun mempunyai simpanan kurang daripada RM10,000**. Golongan ini adalah berisiko tinggi untuk mempunyai pendapatan persaraan yang amat sedikit apabila mereka bersara kelak.

Dalam usaha mengembalikan semula simpanan ahli yang telah membuat pengeluaran i-Sinar dan i-Citra daripada Akaun 1, caruman baharu yang diterima daripada ahli-ahli yang terlibat akan dikreditkan ke dalam Akaun 1 sehingga keseluruhan amaun pengeluaran yang diambil daripada Akaun 1 diganti semula sepenuhnya. Setelah itu, pecahan

NO SOALAN :40

caruman akan kembali kepada 70 peratus untuk Akaun 1 dan 30 peratus untuk Akaun 2.

Selain itu, KWSP telah menyediakan pelbagai saluran untuk ahli menambah simpanan persaraan mereka. Bagi ahli yang bekerja dan mempunyai majikan, mereka boleh memilih untuk mencarum melebihi kadar caruman berkanun iaitu 11% pada bila-bila masa. Selain itu, mereka juga boleh mencarum sendiri pada bila-bila masa tertakluk kepada amaun maksimum RM60,000 setahun.

Bagi ahli yang bekerja sendiri, tiada pendapatan tetap atau tidak bekerja seperti pelajar dan suri rumah yang berumur di bawah 60 tahun turut boleh memilih mencarum secara sukarela pada bila-bila masa mengikut kemampuan di bawah Program i-Saraan sehingga RM60,000 setahun. Sebagai insentif untuk menggalakkan golongan ini menyimpan di bawah i-Saraan, Kerajaan telah memberi sumbangan sebanyak 15% daripada caruman tidak melebihi RM250 setahun.

Ahli juga boleh menambah simpanan persaraan pasangan (suami/ isteri), ibu bapa atau anak-anak mereka yang merupakan ahli KWSP pada bila-bila masa tertakluk kepada amaun maksimum RM60,000 setahun. Pada masa yang sama, pihak ketiga yang diluluskan juga boleh mencarum untuk ahli KWSP, namun, masih tertakluk kepada amaun maksimum yang sama iaitu RM60,000 setahun.

KWSP juga menyedari bahawa kesedaran dan pengetahuan mengenai perancangan kewangan dan persaraan adalah penting dalam pengurusan kewangan untuk hari ini dan masa hadapan. Oleh itu, KWSP telah memperkenalkan *Retirement Advisory Service* (RAS) sejak 2014 yang bertujuan memberi khidmat nasihat dan rundingan mengenai perancangan kewangan dan persaraan. Perkhidmatan ini diberi secara percuma dan terbuka kepada ahli dan bukan ahli KWSP. Sehingga kini, seramai lebih daripada 300,000 ahli telah mendapat khidmat nasihat daripada pegawai RAS KWSP di seluruh negara.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS 2022**

PERTANYAAN : LISAN

DARIPADA : TUAN CHE ALIAS BIN HAMID [KEMAMAN]

TARIKH : 21 MAC 2022 (ISNIN)

SOALAN

TUAN CHE ALIAS BIN HAMID (KEMAMAN) minta MENTERI PERTANIAN DAN INDUSTRI MAKANAN menyatakan inisiatif Kementerian dalam menggalakkan lebih ramai warga tempatan untuk menceburi sektor perikanan laut dalam.

JAWAPAN

Tuan Yang Di Pertua,

Untuk makluman Ahli Yang Berhormat, Kerajaan komited membangunkan perikanan laut dalam dan antara inisiatif yang sedang dilaksanakan oleh Kementerian Pertanian dan Industri Makanan (MAFI) bagi menggalakkan warga tempatan untuk menceburi sektor perikanan laut dalam adalah:

- i. perluasan skop Dana Jaminan Makanan (DJM) tahun 2021 di bawah Program Pemodenan Vesel dan Mekanisasi daripada nelayan/pemilik vesel zon A dan B kepada pengusaha vesel zon C dan C2 (laut dalam) sebanyak RM50juta;
- ii. membenarkan perolehan vesel moden dari luar negara terhad kepada negara dari Kesatuan Eropah (EU), Amerika Syarikat, Jepun dan Turki bagi merancakkan industri perikanan laut dalam;
- iii. membenarkan penggunaan kru bukan warganegara sehingga 100% bagi semua vesel Zon C2, vesel Zon C3 dan vesel jerut bilis zon A di Kedah dan Perak manakala 80% penggunaan kru bukan warganegara dibenarkan bagi Zon C;
- iv. melaksanakan Program Pemodenan Vesel dan Mekanisasi Tangkapan di mana aplikasi mekanisasi moden akan dapat mengurangkan kebergantungan kepada tenaga kerja, di samping untuk menarik minat tenaga kerja tempatan;
- v. Projek Rintis Latihan Tenaga Kerja Tempatan di atas Vesel Perikanan Tangkapan Zon A Pukat Jerut Bilis di Pulau Langkawi, Zon C dan C2 di negeri Kedah, Terengganu dan Sarawak; dan
- vi. Pembangunan Modal insan melalui Akademi Perikanan Malaysia (APM) dan Kolej Perikanan Sultan Nazrin Muizuddin Shah (KPSN) yang menawarkan Program Latihan Kemahiran Pertanian Kebangsaan (PLKPK) dan Program Sijil Perikanan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA,
PARLIMEN KEEMPAT BELAS TAHUN 2022**

PERTANYAAN : LISAN

**DARIPADA : Y.B. DATUK MOHD AZIS BIN JAMMAN
[SEPANGGAR]**

TARIKH : 21 MAC 2022 (ISNIN)

SOALAN

DATUK MOHD AZIS BIN JAMMAN [SEPANGGAR] minta **MENTERI KEWANGAN** menyatakan senarai peruntukan pembangunan tahunan kepada setiap negeri (mengikut negeri) dari tahun 2010 sehingga 2020. Perincian juga hasil cukai dan bukan cukai yang dikutip mengikut negeri bagi tempoh sama.

JAWAPAN

Tan Sri Yang Di Pertua,

Untuk makluman Yang Berhormat, secara keseluruhannya jumlah peruntukan perbelanjaan pembangunan (atau DE) untuk projek di peringkat negeri telah meningkat daripada 28.9 bilion ringgit pada tahun 2010 kepada 30.6 bilion ringgit pada tahun 2020. Jumlah ini tidak termasuk DE bagi projek yang merentas negeri-negeri. Belanjawan 2022 telah menyediakan peruntukan sebanyak 48.8 bilion ringgit untuk projek di peringkat negeri, iaitu satu peningkatan signifikan selaras dengan sasaran Rancangan Malaysia Kedua Belas.

Data perbelanjaan DE bagi setiap negeri dalam tempoh 2010 hingga 2020 secara puratanya menunjukkan arah aliran pelbagai berikutan faktor seperti prestasi pelaksanaan projek-projek pembangunan

NO SOALAN :42

negeri serta penetapan dan kelulusan bilangan projek-projek baharu dalam setiap *Rolling Plan*. *Perbelanjaan DE juga dipengaruhi oleh keperluan untuk pelaksanaan projek-projek berimpak tinggi dan berkeperluan segera kepada rakyat seperti projek Lebuhraya Pan Borneo di Sabah dan Sarawak, Projek Membina Lebuhraya Kota Bharu ke Kuala Krai di Kelantan, Central Spine Road di Pahang dan Kelantan serta Landasan Keretapi Berkembar Gemas-Johor Bahru.* Mengambil kira masa yang terhad untuk saya mengemukakan perincian perbelanjaan pembangunan bagi setiap negeri dalam tempoh berkenaan seperti mana soalan yang dikemukakan oleh Yang Berhormat, maka data perbelanjaan yang dimohon akan saya kemukakan secara bertulis kepada Yang Berhormat.

Mengenai persoalan Yang Berhormat untuk mendapatkan perincian mengenai jumlah hasil cukai dan bukan cukai yang dikutip mengikut negeri bagi tempoh 2010 hingga 2020, adalah dimaklumkan bahawa kutipan hasil cukai ini tidak menggambarkan ia dihasilkan oleh negeri berkenaan kerana kutipan dibuat berdasarkan alamat pembayar cukai yang terdapat dalam rekod Lembaga Hasil Dalam Negeri dan Jabatan Kastam Di Raja Malaysia. Misalnya terdapat syarikat yang beroperasi di sesebuah negeri tetapi membayar cukai di Kuala Lumpur atau di tempat lain kerana ibu pejabat berada di sana. Oleh yang demikian, kutipan hasil di peringkat negeri tidak menggambarkan bahawa cukai yang dihasilkan adalah daripada sumbangan sebenar aktiviti ekonomi di negeri berkenaan.

Sekian, terima kasih.

**PEMBERITAHUAN PERTANYAAN JAWAB LISAN DEWAN
RAKYAT MESYUARAT PERTAMA, PENGGAL KELIMA
PARLIMEN KEEMPAT BELAS 2022**

PERTANYAAN : LISAN

**DARIPADA : DR. MASZLEE BIN MALIK
(SIMPANG RENGAM)**

TARIKH : 21 MAC 2022 (ISNIN)

SOALAN

DR. MASZLEE BIN MALIK (SIMPANG RENGAM) minta **MENTERI PENGAJIAN TINGGI** menyatakan kriteria dan merit seseorang yang dilantik ke Ketua Pengarah Pendidikan Tinggi (KPT) yang telah dilantik semenjak Mac 2020 menepati kriteria-kriteria tersebut.

JAWAPAN

Tan Sri Yang di-Pertua,

Jawatan Ketua Pengarah Pendidikan Tinggi (KPPT) merupakan salah satu jawatan strategik Kementerian Pengajian Tinggi sebagaimana diperuntukkan di bawah Subseksyen 4C (1), Akta Universiti dan Kolej Universiti [Akta 30]. Jawatan ini juga merupakan jawatan terbuka yang diwujudkan untuk membolehkan KPT mendapatkan perkhidmatan pegawai berkelayakan dan sesuai untuk melaksanakan tugas yang dipertanggungjawabkan dalam sesuatu jangka masa serta pengisiannya tidak ditentukan untuk skim perkhidmatan yang khusus.

Berhubung perkara ini, pelantikan KPPT semenjak Mac 2020 adalah mematuhi tatacara pelantikan sebagaimana yang diperuntukkan di bawah Akta 30 dan Pekeliling Perkhidmatan Sumber Manusia, Ceraian-Dasar dan Prosedur Pelantikan Secara Peminjaman, Pertukaran

SOALAN NO : 43

Sementara dan Pertukaran Tetap. Di samping itu, pelantikan KPPT turut dibuat berdasarkan merit dan kriteria pegawai seperti berikut:

- (i) mempunyai kualiti kepimpinan yang tinggi serta mendapat pendedahan secukupnya dalam governan Institusi Pendidikan Tinggi termasuk pengalaman menjawat jawatan Naib Canselor atau jawatan pengurusan tertinggi yang lain;
- (ii) memiliki pengetahuan yang luas dalam lanskap pendidikan tinggi negara bagi merealisasikan aspirasi Kerajaan berhubung pelaksanaan dasar Kerajaan dan Kementerian termasuk Pelan Pembangunan Pendidikan Malaysia (Pendidikan Tinggi); dan
- (iii) mempunyai kesarjanaan/ akademik atau kepakaran dalam bidang tujuan Universiti dan penyelidikan serta berpengalaman menjalin kerjasama di peringkat antarabangsa.

Kementerian ini amat menekankan kepentingan pelantikan KPPT dan mana-mana jawatan strategik Kementerian yang lain dibuat dalam kalangan calon yang mempunyai daya tahan dan daya saing yang tinggi, pemikiran yang rasional, terbuka dan berpandangan jauh serta berketrampilan dan berkeyakinan.

Jawatan strategik Kementerian ini juga memerlukan calon yang mempunyai kredibiliti dengan kemahiran pengurusan yang tinggi dan berkebolehan untuk menggalas amanah Kerajaan dalam memperkasa pendidikan tinggi negara.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS 2022**

PERTANYAAN : LISAN

**DARIPADA : PUAN NOR AZRINA BINTI SURIP
[MERBOK]**

TARIKH : 21 MAC 2022 (ISNIN)

SOALAN

PUAN NOR AZRINA BINTI SURIP [MERBOK] minta **MENTERI PERTANIAN DAN INDUSTRI MAKANAN** menyatakan apakah usaha drastik atau insentif segera dari Kementerian untuk menolong para penternak yang berhadapan dengan kenaikan harga dedak dan makanan haiwan.

JAWAPAN

Tuan Yang di-Pertua,

Untuk makluman Ahli Yang Berhormat, purata keperluan ayam dalam negara adalah sebanyak 2.09 juta ekor sehari atau 62.9 juta ekor sebulan. Data pengeluaran ayam yang dikeluarkan oleh Jabatan Perkhidmatan Veterinar (DVS) pada bulan Oktober 2021 adalah sebanyak 52.05 juta ekor menurun kepada 51.4 juta ekor pada bulan November 2021. Manakala pengeluaran ayam pada bulan Disember 2021 adalah sebanyak 61.1 juta ekor berbanding 62.9 juta ekor mengikut keperluan sebenar. Ini menunjukkan terdapat kekurangan bekalan di pasaran. Antara faktor-faktor yang menyebabkan berlakunya penurunan bekalan ayam tersebut adalah seperti berikut:

- (i) pengurangan pengeluaran ayam oleh pihak industri bagi mengelakkan kerugian berikutan peningkatan kos operasi pengeluaran ayam. Kos makanan ternakan menyumbang kepada 70% daripada kos pengeluaran. Komposisi makanan ayam terdiri daripada bahan mentah utama iaitu jagung dan *soybean meal* (SBM). Pada bulan Mac 2022, harga jagung telah meningkat sebanyak 110.99% kepada RM1,920/tan, berbanding bulan RM910.00/tan pada Januari 2020. Manakala harga SBM telah meningkat sebanyak 83.45% kepada RM3,070/tan pada Mac 2022, berbanding RM1,673.50/tan pada bulan Januari 2020. Kenaikan harga import bahan mentah ini disebabkan oleh kenaikan harga pasaran dunia dan kadar tukaran matawang di luar kawalan pengimport. Faktor lain yang mempengaruhi kenaikan harga ayam adalah peningkatan kos operasi di sepanjang rantaian seperti kos logistik, kos pekerja dan kadar tukaran matawang asing;
- (ii) peningkatan permintaan yang mendadak berikutan pembukaan semula sektor ekonomi terutamanya perhotelan, restoran dan katering pasca Perintah Kawalan Pergerakan (PKP) mulai Oktober 2021;

- (iii) bencana banjir pada penghujung tahun 2021 yang menjelaskan industri ternakan ayam; dan
- (iv) pengurangan kemasukan anak ayam oleh pihak industri semasa musim hujan bagi mengurangkan risiko penyakit berjangkit seperti sampar ayam (*Newcastle Disease*).

Bagi memenuhi permintaan tempatan serta meringankan beban penternak, Kerajaan melaksanakan langkah jangka pendek dan jangka panjang seperti berikut:

(a) Jangka pendek

- (i) memberi kebenaran mengimport (*approved permit – AP*) kepada 36 buah syarikat untuk mengimport ayam sebanyak 36,030 tan metrik bagi tempoh Disember 2021 hingga Mei 2022 tertakluk kepada syarat-syarat yang ditetapkan;
- (ii) memberi subsidi sebanyak RM0.60/kg bagi ayam bulat dan RM0.05/biji bagi telur gred A, B dan C bermula dari 5 Februari hingga 5 Jun 2022. Usaha ini dijangka memberi manfaat kepada 2,061 penternak ayam pedaging dan 194 penternak ayam penelur. Rakyat pula dapat menikmati harga ayam bulat lebih rendah iaitu RM8.90/kg dan harga telur antara RM0.39 hingga RM0.43 sebiji mengikut gred. Jumlah keseluruhan subsidi yang ditanggung oleh Kerajaan ialah sebanyak RM528.52 juta. Permohonan subsidi telah dibuka mulai 28 Februari sehingga 6 Jun 2022 melalui DVS Negeri. Untuk mendapatkan bantuan subsidi tersebut, penternak perlu mengemukakan permohonan melalui borang yang boleh didapati di laman sesawang Jabatan Perkhidmatan Veterinar www.dvs.gov.my. Semua permohonan yang dikemukakan penternak akan dinilai di peringkat lapangan di negeri dan dipertimbangkan oleh Jawatankuasa di peringkat Putrajaya untuk kelulusan

tuntutan. Bagi permohonan yang berjaya, tuntutan subsidi akan dikreditkan ke dalam akaun penternak melalui Agrobank dalam tempoh satu (1) hingga tiga (3) hari.

(b) Jangka panjang

- (i) mengurangkan kebergantungan kepada sumber jagung import sebanyak 30% menerusi inisiatif penanaman jagung bijian dalam negara yang berkeluasan sehingga 80,000 hektar dengan sasaran pengeluaran jagung bijian tempatan sebanyak 1.44 juta tan metrik menjelang tahun 2033;
- (ii) menjalankan kajian bagi menghasilkan bahan mentah gantian Kek Isirung Sawit (PKC/PKE) dari sumber tempatan berdasarkan isirung sawit; dan
- (iii) menawarkan pinjaman mudah sebanyak RM200 juta kepada penternak melalui Agrobank bagi membantu penternak mengatasi masalah modal pusingan kewangan yang terjejas akibat kenaikan kos pengeluaran.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS TAHUN 2022**

PERTANYAAN : LISAN

DARIPADA : PUAN TERESA KOK SUH SIM [SEPUTEH]

TARIKH : 21 MAC 2022 (ISNIN)

SOALAN

PUAN TERESA KOK SUH SIM [SEPUTEH] minta **MENTERI KANAN PENDIDIKAN** menyatakan berapa orang pelajar tercicir sekolah sejak berlakunya pandemik COVID-19. Apakah rancangan Kementerian untuk membantu murid sekolah yang tercicir dan tidak mampu mengikuti kelas atas talian.

JAWAPAN

Tuan Yang di-Pertua,

Kementerian Pendidikan Malaysia (KPM) merujuk kepada definisi keciciran iaitu murid warganegara Malaysia yang berada dalam sistem pendidikan (bersekolah) tetapi keluar daripada sistem sebelum tamat tempoh pendidikan. Kadar keciciran murid pada peringkat sekolah rendah adalah 0.08 peratus manakala pada peringkat sekolah menengah pula adalah 1.11 peratus pada tahun 2021.

Semasa tempoh persekolahan bersemuka, KPM menggunakan Garis Panduan Mengurus Murid Berisiko Cicir di Sekolah (GPMBC) bagi membantu pihak sekolah melaksanakan intervensi kepada murid yang berisiko untuk cicir agar mereka kekal bersekolah hingga tamat Tingkatan 5. Objektif GPMBC adalah untuk memastikan pemantauan murid khususnya murid berisiko cicir dapat dibuat oleh pihak jabatan pendidikan negeri (JPN), pejabat pendidikan daerah (PPD) dan sekolah secara berterusan. Manakala bagi murid yang tercicir pula, KPM mengadakan

SOALAN NO : 45

kerjasama dengan pelbagai pihak, agensi dan komuniti setempat bagi membantu murid kembali meneruskan persekolahan sehingga tamat Tingkatan 5.

KPM menyedari bahawa pandemik COVID-19 memberi kesan kepada pembelajaran murid terutamanya apabila mereka tidak dapat hadir ke sekolah secara bersemuka. Oleh yang demikian, selain daripada keciran daripada sistem pendidikan, KPM turut melihat keciran dalam konteks penguasaan pembelajaran. Mengambil kira hal ini, KPM telah membangunkan satu kerangka yang holistik dalam memastikan pengajaran dan pembelajaran (PdP) dapat terus dilaksanakan dengan berkesan.

Untuk itu, KPM telah melaksanakan pengajaran dan pembelajaran di rumah (PdPR). PdPR dilaksanakan melalui tiga pendekatan iaitu secara dalam talian (online), di luar talian (off-line) dan *off-site* mengikut kesesuaian guru dan murid.

Bagi memantau penyertaan murid dalam PdPR, KPM telah membangunkan Sistem Pelaporan Pengajaran dan Pembelajaran di Rumah (SPdPR). Sistem ini membolehkan penyertaan murid dipantau secara masa sebenar (real-time). Hal ini membolehkan pihak sekolah melaksanakan intervensi yang bersesuaian bagi memastikan keterlibatan murid adalah secara optimum.

Selain daripada itu, sewaktu sesi persekolahan dibuka semula sebelum ini, guru telah membuat pengesanan terhadap tahap penguasaan kemahiran murid. Ini membolehkan guru merancang dan melaksanakan intervensi yang bersesuaian.

KPM juga telah melaksanakan penjajaran kandungan kurikulum mata pelajaran. Penjajaran kurikulum mata pelajaran difokuskan kepada Kandungan Asas (KA) supaya murid dapat disediakan untuk pembelajaran peringkat seterusnya. Kandungan Tambahan (KT) dan Kandungan Pelengkap (KP) pula boleh dilaksanakan mengikut keupayaan murid.

Bagi memperkasakan pelaksanaan kurikulum, KPM juga menambah baik sokongan pembelajaran dengan memperkenalkan Program Pemerkaaan Pelaksanaan Kurikulum (KPMPerkasaKU). Program KPMPerkasaKU dirangka dengan tujuan memastikan pembelajaran pemulihan bagi murid yang belum menguasai literasi dan numerasi. Di samping itu juga, program ini menyediakan pelbagai sokongan bagi mengukuh dan memperkayakan penguasaan kandungan mata pelajaran. Program ini melibatkan murid sekolah rendah dan sekolah menengah.

Selain itu, KPM juga telah memperkenalkan semula siaran TV Pendidikan. Murid boleh mengikuti pelbagai rancangan TV Pendidikan melalui saluran DidikTV KPM, TV Okey RTM dan Tutor TV Astro. Kandungan yang disediakan adalah berdasarkan kepada kurikulum peringkat prasekolah hingga ke tingkatan enam. Di samping itu, kandungan rancangan TV Pendidikan turut memuatkan slot yang berkaitan kokurikulum.

KPM menyedari bahawa sesi persekolahan secara bersemuka untuk tahun 2020 dan 2021 tidak dapat dilaksanakan sepetimana kebiasaan. Justeru, KPM telah membuat ketetapan untuk melanjutkan sesi persekolahan tahun 2021 sehingga bulan Mac 2022. Pelanjutan sesi ini membolehkan pihak sekolah merancang dan melaksanakan aktiviti pemulihan, pengukuhan dan pengayaan secara intensif bagi meningkatkan kesediaan murid untuk mengikuti tahun persekolahan berikutnya.

KPM yakin kerangka holistik yang dirancang dan dilaksanakan ini membolehkan murid mengikuti PdP secara berkesan, seterusnya dapat menangani isu keciciran murid dan memastikan mereka kekal dalam sistem pendidikan negara.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA,
PARLIMEN KEEMPAT BELAS 2022**

PERTANYAAN : JAWAB LISAN

**DARIPADA : YB PUAN NURUL IZZAH BINTI ANWAR
[PERMATANG PAUH]**

TARIKH : 21 MAC 2022 (ISNIN)

SOALAN

PUAN NURUL IZZAH BINTI ANWAR [PERMATANG PAUH] minta MENTERI PEMBANGUNAN WANITA, KELUARGA DAN MASYARAKAT menyatakan :-

- (a) usaha mengurangkan kerentah birokrasi yang menyekat perbelanjaan OKU dan penerima bantuan dalam projek rintis JKMPay; dan
- (b) kos keseluruhan pembangunan dan penyelenggaraan sistem JKMPay dan sistem-sistem lain di bawah Kementerian serta vendor yang di senarai pendek dalam aliran proses pemilihan pembangunan JKMPay.

JAWAPAN

Tuan Yang di-Pertua,

Kementerian Pembangunan Wanita, Keluarga Dan Masyarakat (KPWKM) melalui Jabatan Kebajikan Masyarakat (JKM) sedang melaksanakan satu inisiatif baru iaitu **projek Bayaran Bantuan Kewangan Tanpa Tunai (Cashless)** atau dikenali sebagai JKMPay. Projek ini berstatus **PROJEK RINTIS** dilaksanakan ke atas **penerima bantuan kelulusan baharu sahaja dan tidak melibatkan penerima**

bantuan sedia ada. Skim bantuan kewangan yang terlibat adalah semua skim bantuan bulanan Persekutuan.

Tuan Yang di-Pertua,

Projek ini dilaksanakan dengan tujuan berikut :

- i) **Memperluaskan mekanisme kaedah pembayaran** bantuan kewangan JKM melalui kaedah bayaran ke bank dan juga kaedah tanpa tunai;
- ii) **Membantu penerima bantuan untuk mengurus dan mengawal perbelanjaan** wang bantuan secara berhemah dan bermanfaat;
- iii) **Memastikan penerima bantuan dapat memenuhi keperluan asas harian** khususnya melibatkan keperluan makan, minum, ubat-ubatan asas dan keperluan harian rumah;
- iv) **Memperkuuhkan kolaborasi di antara Kerajaan dan pihak swasta** dalam meningkatkan perkhidmatan agensi di bawah kementerian;
- v) Menyokong ke arah **mewujudkan masyarakat digital selaras dengan Rangka Tindakan (*Blueprint*) Ekonomi Digital Malaysia 2021** dan Memacu Transformasi Perkhidmatan Digital Sektor Awam melalui kerjasama Sektor Korporat ;
- vi) **Memacu Transformasi Perkhidmatan Digital Sektor Awam** dalam menyediakan kaedah pembayaran tanpa tunai sebagai pilihan kaedah transaksi yang lebih berkesan dalam perkhidmatan yang ditawarkan; dan
- vii) **Menggalakkan penglibatan penerima bantuan dalam transaksi digital** agar tidak ketinggalan dalam era digital.

Di samping itu, projek ini juga sejajar dengan hala tuju baharu bantuan sosial di bawah Majlis Perlindungan Sosial Malaysia (MySPC) yang memfokuskan agar semua bantuan di masa hadapan hendaklah **bersyarat, mempunyai Dasar Pemisah (*Exit Policy*) yang jelas dan kesegeraan dalam pengagihan/pemprosesan bantuan.**

JKMPay telah dilaksanakan secara rintis mulai bulan Februari 2021. Setiap lokasi projek rintis dilaksanakan, Kementerian **telah melakukan**

kunjung hormat dan libat urus bersama Kerajaan Negeri bagi menjelaskan mengenai projek rintis ini. **Peserta-peserta juga telah diberikan taklimat** bagi penggunaan kad dan aplikasi agar mereka memahami konsep tanpa tunai dan bagi membimbing mereka dalam penggunaan JKMPay. **Sehingga Februari 2022 sejumlah 4,752 peserta dari 6 negeri dan 23 daerah** terlibat iaitu Perlis (693 peserta), Kedah (2,661 peserta/sempena daerah [12 daerah]), Melaka (924 peserta/sempena daerah [3 daerah]), Terengganu (255 peserta [3 daerah]), Kelantan (180 peserta [2 daerah]) dan Selangor (39 peserta [2 daerah]).

Tuan Yang di-Pertua,

Sebagaimana yang telah dinyatakan sebelum ini, projek rintis ini hanya dilaksanakan kepada **PENERIMA BAHARU** bantuan bulanan JKM sahaja manakala 519,409 penerima bantuan bulanan sedia ada masih kekal menerima bantuan bulanan melalui bayaran ke akaun bank. **Penerima baharu juga kekal menerima kesemua jumlah keseluruhan bantuan yang diluluskan secara 100%**. Sebagai contoh, bagi seorang OKU penerima Elaun Pekerja OKU (EPOKU) yang melepas syarat kelayakan bekerja dengan pendapatan di bawah RM1,500 sebulan, akan layak menerima bantuan EPOKU berjumlah RM450 sebulan. Sekiranya gaji penerima berjumlah RM1,300 dan ditambah EPOKU berjumlah RM450 yang dibayar 50% melalui bank atau RM225 dan 50% atau RM225 secara JKMPay, maka penerima masih mempunyai baki berjumlah RM1,525 secara tunai di bank dan masih boleh digunakan bagi tujuan kegunaan pelbagai seperti bayaran sewa rumah, tambang pengangkutan, pembelian secara atas talian dan lain-lain.

Manakala 50% (RM225) bayaran secara tanpa tunai di Kad JKMPay ini boleh digunakan oleh penerima untuk melaksanakan pelbagai transaksi seperti berikut:

1. Membuat transaksi tanpa tunai di mana-mana kedai runcit, kedai farmasi, kedai makan yang menyertai program tanpa tunai. Semua barang di dalam kedai berkenaan boleh dibeli seperti:

SOALAN NO. : 46

- i) Semua jenis keperluan bahan makan dan minuman seperti beras, gula, sayuran, minyak, ikan, ayam, sardin dan lain-lain;
 - ii) Barang keperluan kegunaan harian seperti lampin bayi, tuala wanita, bahan pencuci dan lain-lain; dan
 - iii) Keperluan ubat-ubatan dan alatan berkaitan ubatan.
2. Melaksanakan transaksi bagi pembayaran semua bil dan utiliti berkaitan;
 3. Membuat pembelian tambah nilai (*top-up*) perkhidmatan telefon; dan
 4. Hanya transaksi bagi pembelian rokok dan minuman beralkohol adalah dilarang bagi mengelakkan pengambilan barang yang tidak sihat menggunakan JKMPay.

Malahan baki atau lebihan duit yang ada dalam akaun JKMPay juga **tidak akan luput**, dan akan dibawa ke bulan berikutnya. Bagi peserta program yang mahir menggunakan aplikasi telefon di **jkmpay.my**, pelbagai menu aplikasi secara atas talian boleh digunakan seperti memantau perbelanjaan harian, membuat semakan baki, membayar bil dan utiliti, membeli *top-up* tanpa perlu keluar ke kedai dan melihat senarai kedai berdekatan yang boleh diakses pandu arah melalui Maps. Kementerian amat sedar mengenai keperluan asas penerima khususnya golongan OKU untuk menggunakan duit bantuan yang diperolehi setiap bulan. JKMPay tidak bertujuan untuk menyekat mana-mana hak kebebasan OKU untuk berbelanja. Apa yang diwujudkan adalah **mekanisme atau kaedah berbelanja ditambah atau diperluaskan lagi** di mana selain daripada perbelanjaan tunai, penerima boleh melaksanakan perbelanjaan secara tanpa tunai. Malahan melalui kaedah tanpa tunai ini, **tiada caj tambahan atau fi transaksi dikenakan** berbanding sebagaimana caj RM1 boleh dikenakan jika mengeluarkan duit melalui mesin ATM.

Tuan Yang di-Pertua,

Sehingga **Februari 2022**, terdapat **sejumlah 397** kedai aktif dalam projek ini manakala **250 kedai (baharu) lain** telah memohon dan berminat untuk terlibat dalam projek ini. Kementerian sedang berusaha

memperbanyakkan kedai-kedai untuk memberi kemudahan kepada penerima bantuan. **Malahan penerima bantuan juga boleh mencadangkan kedai/premis bersesuaian bagi mengikuti program ini.** Cadangan ini boleh disalurkan oleh peserta melalui 4 kaedah iaitu Telegram *group* peserta, Call-Centre 1-300-88-7977, aplikasi telefon Me12Pay dan juga melalui e-mel info@me12pay.com.

Tuan Yang di-Pertua,

Kementerian mendapati bahawa melalui projek JKMPay ini, telah digunakan oleh penerima bantuan dengan sebaiknya bagi memenuhi keperluan asas mereka. Sehingga **Februari 2022, sebanyak RM4.18 juta** telah dibelanjakan oleh peserta bagi tujuan pembelian **keperluan makan/minum iaitu 80.8% atau RM3.37 juta; 16.2% atau RM678 ribu bagi pembelian keperluan rumah** seperti lampin bayi, tuala wanita, sabun pencuci dan lain-lain. **2.3% atau RM96 ribu bagi keperluan lain** seperti pembayaran bil & utiliti, *top-up* dan **0.7% atau RM29 ribu dibelanjakan bagi tujuan pembelian ubat-ubatan.** Ini menunjukkan bahawa program ini memberi impak yang baik dan manfaat kepada peserta dalam memenuhi keperluan asas mereka.

Projek ini bukan sahaja membantu penerima bantuan malahan ia dapat mewujudkan prasarana ekonomi yang baik di kalangan pekedai runcit dan kedai-kedai kecil di seluruh negara. Antara manfaat yang diperolehi adalah :

- 1) Membantu penerima bantuan mengurus dan mengawal perbelanjaan wang bantuan secara berhemah;
- 2) Menjamin peruntukan perbelanjaan keperluan makan minum dan keperluan asas penerima bantuan dah ahli isi rumah tersedia pada setiap bulan;
- 3) Kaedah perbelanjaan tanpa tunai lebih selamat berbanding perbelanjaan secara tunai dan sesuai dengan situasi semasa;
- 4) Lokasi kedai yang berdekatan dengan penerima bantuan.;
- 5) Baki bantuan tidak lupsus dan boleh dibawa ke bulan seterusnya; dan
- 6) Program ini fleksibel dan boleh diubah dari masa ke semasa berdasarkan keperluan Jabatan dan penerima bantuan.

Usaha-usaha penambahbaikan juga telah mula dilaksanakan oleh Kementerian melalui pendekatan berikut:

- 1) **Sesi Libat Urus bersama Pertubuhan Sukarela Kebajikan (PSK) telah diadakan pada 24 dan 25 Februari 2022** di Dewan Perdana Nur, KPWKM bagi memberi maklumat yang lebih jelas mengenai JKMPay;
- 2) **Mempelbagaikan platform pembayaran digital** (pembelian secara *online*, pembayaran bil, tambah nilai kad prabayar);
- 3) **Menyediakan senarai Direktori Pekedai di setiap Daerah Rintis** dan dipaparkan di laman *web*, Sosial media KPWKM dan JKM serta di aplikasi ME12PAY; dan
- 4) **Menambah bilangan pekedai termasuk farmasi, klinik, kedai makan dan perkhidmatan penghantaran dari masa ke semasa.**

Memandangkan pendigitalan penyampaian perkhidmatan ini merupakan agenda masa depan negara, Kementerian akan memastikan usaha penambahbaikan projek rintis ini sentiasa dilaksanakan dari masa ke semasa. Satu kajian menyeluruh akan diadakan bagi memastikan suatu hala tuju dan dasar berkaitan projek ini dapat ditentukan. Dalam tempoh tersebut, projek ini **akan kekal berstatus projek rintis** di lokasi sedia ada dan belum diperluaskan ke negeri/daerah lain sehingga laporan kajian dinyatakan dibentangkan. Kementerian sentiasa mengalu-alukan dan membuka peluang kepada semua pihak untuk memberikan pandangan dan juga cadangan dalam menambahbaik pelaksanaan program ini.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL KEEMPAT
PARLIMEN KEEMPAT BELAS TAHUN 2022**

PERTANYAAN : LISAN

**DARIPADA : DATO' DR. MOHD KHAIRUDDIN BIN AMAN
RAZALI [KUALA NERUS]**

TARIKH : 21 MAC 2022 (ISNIN)

SOALAN

DATO' DR. MOHD KHAIRUDDIN BIN AMAN RAZALI [KUALA NERUS]
minta **MENTERI KANAN PENDIDIKAN** menyatakan pendirian Kementerian terhadap semakan kurikulum murid tahap satu yang tidak sepadan dengan aras pemikiran murid pada tahap tersebut.

JAWAPAN

Tuan Yang di-Pertua,

Kementerian Pendidikan Malaysia (KPM) sentiasa melaksanakan perubahan dalam kurikulum dari semasa ke semasa bagi semua peringkat persekolahan. Kurikulum baharu yang diperkenalkan pada tahun 2017 iaitu Kurikulum Standard Sekolah Rendah (KSSR) (Semakan 2017) digubal dengan mengambil kira perkembangan pendidikan semasa di seluruh dunia. Penggubalan kurikulum melibatkan panel yang terdiri daripada pensyarah pendidikan dalam bidang berkaitan dari universiti awam, institut pendidikan guru, guru pakar dan guru cemerlang bagi setiap mata pelajaran.

KPM sentiasa berusaha untuk memastikan kurikulum yang dilaksanakan adalah sesuai dan sepadan dengan peringkat umur serta aras pemikiran murid. KPM juga ingin memastikan murid disediakan dengan pengetahuan, kemahiran dan nilai yang relevan mengikut keperluan pada masa kini dan masa depan. Kemahiran-kemahiran seperti kemahiran berfikir, kemahiran berkomunikasi, keusahawanan, inovasi dan kreativiti perlu diperkuuhkan dalam kalangan murid sebagai usaha melahirkan generasi yang berpengetahuan, berkemahiran dan bersedia untuk bersaing di peringkat global.

Untuk makluman Ahli Yang Berhormat, kitaran pelaksanaan Kurikulum Standard Sekolah Rendah (Semakan 2017) yang sedang dilaksanakan akan berakhir dengan kohort Tahun 6 tahun 2022. Sehubungan dengan itu, pada masa ini KPM sedang melaksanakan tinjauan penilaian kurikulum bagi mendapatkan data untuk tujuan semakan kurikulum.

KPM komited untuk memastikan kurikulum yang dilaksanakan di sekolah khususnya untuk murid tahap satu menepati standard yang ditetapkan dan selari dengan Pelan Pembangunan Pendidikan 2013-2025.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS 2022**

PERTANYAAN : LISAN

**DARIPADA : DATO' SERI HAJI IDRIS BIN JUSOH
[BESUT]**

TARIKH : 21 MAC 2022 (ISNIN)

SOALAN

DATO' SERI HAJI IDRIS BIN JUSOH [BESUT] minta **MENTERI PERTANIAN DAN INDUSTRI MAKANAN** menyatakan langkah-langkah Kementerian dalam merealisasikan cadangan membangunkan ladang mega ternakan lembu dengan menggunakan kaedah dan konsep Pusat Fidlot Nasional (NFC) bagi memenuhi keperluan bekalan daging makanan dan eksport.

JAWAPAN

Tuan Yang di-Pertua,

Untuk makluman Ahli Yang Berhormat, Kementerian sentiasa komited sentiasa berusaha untuk meningkatkan pengeluaran daging dalam negara. Ini selari dengan Dasar Agromakanan Negara 2021 – 2030 (DAN 2.0) untuk mencapai sasaran tahap sara diri (*self-sufficiency level* – SSL) bagi daging lembu/kerbau sebanyak 50% pada tahun 2030.

Bagi merealisasikan hasrat tersebut, Kementerian telah meneliti dan menambahbaik konsep perlaksanaan Pusat Fidlot Nasional NFC dengan melaksanakan langkah-langkah seperti berikut:

- (i) mewujudkan Program Peningkatan Ruminan di bawah Rancangan Malaysia Kedua Belas (RMK-12) - Projek ini bertujuan meningkatkan populasi lembu di kawasan ladang sawit secara penternakan integrasi menerusi Program Peningkatan Ruminan di bawah Rancangan Malaysia Kedua Belas (RMK-12). Insentif berbentuk geran padanan ini ditawarkan kepada penternak lembu integrasi berskala komersil menerusi konsep kerjasama pintar 50% kerajaan: 50% penternak dengan jumlah peruntukan sebanyak RM40 juta untuk tempoh lima (5) tahun. Program ini dijangka dapat meningkatkan sebanyak 10,400 ekor ternakan di 13 kawasan integrasi meliputi 13 buah syarikat peneraju dan 65 orang penternak yang bernaung di bawah syarikat-syarikat peneraju tersebut;
- (ii) membangunkan kemudahan infrastruktur di Taman Kekal Pengeluaran Makanan (TKPM) dan Taman Kekal Pengeluaran Ruminan (TKPR) - Melalui program ini, MAFI membangunkan sebanyak 72 unit kandang lembu fidlot di Taman Kekal Pengeluaran Makanan (TKPM) dan 15 unit kandang lembu tenusu di Taman Kekal Pengeluaran Ruminan (TKPR) di tujuh (7) buah negeri iaitu di Kedah, Terengganu, Kelantan, Pahang, Perak, Negeri Sembilan dan Johor. Semua

kandang yang dibina sejak RMK-11 hingga RMK-12 yang bernilai RM188.6 juta ini dilengkapi dengan kemudahan infrastuktur asas dan kawasan untuk penanaman pastura. Ini adalah usaha Kementerian untuk menggalakkan penglibatan pemain-pemain industri supaya menceburi bidang penternakan ruminan dengan kos awal operasi yang minima. Dijangkakan inisiatif ini dapat menampung pengeluaran sebanyak 44,600 ekor ternakan setahun;

- (iii) pengeluaran daging melalui kaedah "*Beef in Dairy Line*" menerusi Program Peningkatan Tenusu Negara - MAFI menggalakkan penglibatan penternak tenusu dalam pengeluaran daging melalui kaedah "*Beef in Dairy Line*" di mana anak jantan akan dihasilkan secara bersistematis dan digemukkan bagi tujuan penyembelihan. Menerusi program ini, sejumlah RM42 juta diperuntukkan di bawah RMK-12 dengan sasaran pembangunan seramai 300 orang penternak berskala kecil dan 20 buah syarikat tenusu berskala besar menjelang 2025. Sebanyak lapan (8) buah Lembah Tenusu juga sedang dibangunkan di seluruh negara yang bakal memberikan manfaat kepada penternak tenusu dan masyarakat setempat; dan
- (iv) Perkhidmatan nasihat teknikal veterinar - DVS melalui Pusat Pengembangan Veterinar (VetEC) dan Pejabat Perkhidmatan Veterinar Daerah memberikan perkhidmatan teknikal seperti aspek pemakanan ternakan, pемbiakbaaan, pengurusan kesihatan, pengurusan ladang, dan ekonomi ladang.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS 2022**

PERTANYAAN : LISAN

DARIPADA : TUAN AHMAD BIN HASSAN [PAPAR]

TARIKH : 21 MAC 2022 (ISNIN)

SOALAN

TUAN AHMAD BIN HASSAN [PAPAR] minta **MENTERI PERTANIAN DAN INDUSTRI MAKANAN** menyatakan usaha Kementerian bagi meningkatkan kadar pengeluaran beras di Sabah yang jatuh ke paras terendah sejak tahun 1980 iaitu 74,000 tan metrik berbanding keperluan sebenar 400,000 tan metrik.

JAWAPAN

Tuan Yang Di Pertua,

Untuk makluman Ahli Yang Berhormat, program berkaitan penanaman padi di Negeri Sabah adalah di bawah seliaan Kerajaan Negeri. Walau bagaimanapun, Kementerian Pertanian dan Industri Makanan (MAFI) sentiasa komited bersama Kerajaan Negeri Sabah dalam membangunkan industri padi dan beras bagi meningkatkan pengeluaran padi dan pendapatan pesawah.

Usaha Kementerian Pertanian dan Industri Makanan (MAFI) adalah tertumpu kepada peningkatan hasil padi domestik. Ini adalah penting bagi memperkuatkan sekuriti bekalan makanan dan meningkatkan tahap sara diri beras negara selaras dengan dasar utama negara iaitu Rancangan Malaysia Kedua Belas (RMKe-12) dan Dasar Agromakanan Negara 2.0 (DAN 2.0) masing-masing pada kadar 75% dan 80%.

Bagi merealisasikan hasrat ini, MAFI telah mengambil pendekatan proaktif dengan memperkenalkan Program SMART Sawah Berskala Besar (SMART SBB) yang turut melibatkan negeri Sabah. Program ini bertujuan untuk meningkatkan pengeluaran padi dan beras negara menerusi pengurusan sawah dan input pertanian secara yang lebih teratur serta cekap di samping meningkatkan pendapatan pesawah padi melalui kerjasama pintar dengan pemain industri secara pertanian kontrak. Dengan pelaksanaan program ini, purata hasil padi nasional dijangka dapat ditingkatkan kepada 7.0 tan metrik sehektar dalam tempoh RMKe-12.

Sehingga Oktober 2021, seramai 45 orang pesawah di negeri Sabah telah mendapat manfaat daripada pelaksanaan program SMART SBB yang melibatkan kawasan penanaman padi seluas 50 hektar di Kota Belud, Sabah yang diterajui oleh Padiberas Nasional Berhad (BERNAS) selaku syarikat peneraju SMART SBB. Menjelang tahun 2023, MAFI menyasarkan kawasan bertanam seluas 200 hektar setahun untuk dibangunkan melibatkan pesawah seramai 149 orang pesawah di Kota Belud, Sabah.

MAFI meyakini bahawa program ini bukan sahaja dapat meningkatkan hasil, malah dapat menyelesaikan pelbagai masalah atau isu utama di lapangan seperti pendapatan pengeluar padi yang rendah, kos pengeluaran yang tinggi, kekurangan mekanisasi dan automasi, persekitaran perniagaan yang tidak kondusif dan kerugian pascatuaui dapat diatasi melalui pelaksanaan program SMART SBB.

Perkara ini tidak mustahil sekiranya kesemua pihak berkepentingan berganding bahu dan bekerjasama rapat dalam memastikan sasaran tersebut dicapai. Selain itu, peranan Kerajaan-Kerajaan Negeri, para pemain industri, Badan Bukan Kerajaan (NGO) dan para pesawah juga penting bagi menjadikan industri padi dan beras negara berdaya saing dan meningkatkan sekuriti bekalan makanan negara. Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL KEEMPAT
PARLIMEN KEEMPAT BELAS TAHUN 2022**

PERTANYAAN : LISAN

**DARIPADA : DATUK IGNATIUS DARELL LEIKING
[PENAMPANG]**

TARIKH : 21 MAC 2022 (ISNIN)

SOALAN

DATUK IGNATIUS DARELL LEIKING [PENAMPANG] minta **MENTERI KANAN PENDIDIKAN** menyatakan pelan perancangan Kementerian memperbaiki mutu pendidikan, pemberian kerosakan bangunan sekolah dan meningkatkan capaian internet bagi murid di kawasan pedalaman yang menjalani Pengajaran dan Pembelajaran di Rumah (PdPR) di Sabah.

JAWAPAN

Tuan Yang di-Pertua,

KPM sentiasa komited untuk memastikan murid dapat meneruskan pembelajaran dalam keadaan yang selamat dan mendapat akses kepada pembelajaran yang berkualiti pada setiap masa. KPM telah menyediakan akses pembelajaran kepada murid melalui kaedah PdPR. PdPR boleh dilaksanakan melalui tiga pendekatan iaitu secara dalam talian (online), luar talian (off-line) dan off-site mengikut kesesuaian guru dan murid.

Bagi menjamin mutu pendidikan tidak terjejas semasa PdPR, KPM telah menyediakan latihan kepada guru untuk memastikan mereka berupaya melaksanakan PdPR secara berkesan. Dalam aspek latihan guru, perancangan peningkatan kompetensi guru dilaksana berdasarkan Pelan Pembangunan Profesionalisme Berterusan (PPB) dan Pelan Induk

Pembangunan Profesionalisme Keguruan (PIPPK). Mengambil kira keperluan PdPR, kedua-dua pelan ini telah diselaras semula untuk memantapkan ilmu, kemahiran dan sikap guru dalam melaksanakan PdPR.

Berdasarkan statistik dalam Sistem Pengurusan Latihan Kementerian Pendidikan Malaysia (SPLKPM), sehingga September 2021, sebanyak 1,949 aktiviti PPB berkaitan Digital/ICT telah dilaksanakan untuk guru di seluruh negara termasuk guru di Sabah. Selain itu KPM juga melalui Institut Pendidikan Guru Malaysia (IPGM), telah menyediakan pelbagai latihan berkaitan teknologi digital untuk memperkasakan kemahiran guru dalam pengintegrasian teknologi pendidikan. Dalam usaha menyokong keperluan pengajaran dan memantapkan kemahiran guru, KPM juga menyediakan sumber pendidikan melalui pelantar DELIMa dan KMPPerkasaKU.

Bagi membantu murid yang tidak mempunyai akses internet atau peranti yang sesuai terutama di kawasan pedalaman Sabah, guru mengambil inisiatif untuk melaksanakan PdP secara luar talian melalui penggunaan buku teks dan modul pembelajaran. Buku aktiviti pula boleh digunakan untuk membuat latihan ulangkaji. Guru juga mentaksir murid secara berterusan mengikut kesesuaian dan melaksanakan intervensi mengikut tahap dan keupayaan murid.

Selain itu, bagi meningkatkan akses sumber pembelajaran murid terutama di kawasan pedalaman Sabah, KPM masih meneruskan siaran TV Pendidikan secara terestrial. Murid boleh mengikuti pelbagai rancangan TV Pendidikan melalui saluran DidikTV KPM, TV Okey RTM dan Tutor TV Astro. Kandungan yang disediakan adalah berdasarkan kepada kurikulum peringkat prasekolah hingga ke tingkatan enam.

Bagi meningkatkan lagi akses PdPR, KPM telah menyediakan capaian Internet untuk 1,295 sekolah di Sabah. Daripada jumlah ini, sebanyak 287 sekolah di kawasan pedalaman telah disediakan dengan capaian Internet yang menggunakan teknologi talian jalur lebar tanpa

SOALAN NO : 50

wayar dan talian satelit *Very Small Aperture Terminal* (VSAT). Dalam usaha untuk memastikan capaian Internet di sekolah KPM terus dipertingkatkan, KPM sedang bekerjasama dengan Unit Pemodenan Tadbiran dan Perancangan Pengurusan Malaysia (MAMPU) bagi mengenal pasti pendekatan terbaik.

Untuk makluman Ahli Yang Berhormat, bagi menambah baik infrastruktur digital di Sabah terutama bagi pelaksanaan PdPR, inisiatif melalui Pelan Jalinan Digital Negara (JENDELA) terus dipertingkatkan. Kementerian Komunikasi dan Multimedia Malaysia (KKMM) telah meningkatkan peratusan liputan 4G di kawasan berpenduduk di Sabah kepada 85.7% pada suku ketiga 2021 berbanding 73.41% sebelum pelaksanaan JENDELA pada suku kedua 2020. Usaha penambahbaikan rangkaian akan diteruskan untuk memberikan kualiti liputan yang lebih baik kepada pengguna termasuklah murid.

Berhubung pertanyaan Ahli Yang Berhormat tentang perancangan pemberian kerosakan bangunan, KPM sentiasa komited untuk menyediakan infrastruktur pendidikan yang selamat dan kondusif untuk kegunaan murid dan warga sekolah. Dalam hal ini, KPM telah menyediakan peruntukan bagi tujuan penyelenggaraan untuk sekolah kerajaan dan sekolah bantuan kerajaan. Peruntukan untuk tujuan tersebut akan disalurkan berdasarkan kepada permohonan dan susunan keutamaan mengikut tahap kerosakan yang perlu dibaiki. KPM telah menyalurkan peruntukan sejumlah RM118.1 juta bagi menyelenggara sekolah-sekolah di negeri Sabah dari tahun 2018 hingga 2021.

KPM yakin perancangan holistik ini dapat memastikan mutu pendidikan terjamin bagi membolehkan murid mengikuti PdPR secara lebih berkesan.

Sekian, terima kasih.

**PEMBERITAHUAN PERTANYAAN JAWAB LISAN DEWAN
RAKYAT MESYUARAT PERTAMA, PENGGAL KELIMA
PARLIMEN KEEMPAT BELAS 2022**

PERTANYAAN : LISAN

**DARIPADA : TUAN YUSUF BIN ABD. WAHAB
[TANJONG MANIS]**

TARIKH : 21 MAC 2022 (ISNIN)

SOALAN

TUAN YUSUF BIN ABD. WAHAB [TANJONG MANIS] minta **MENTERI PENGAJIAN TINGGI** menyatakan adakah perancangan untuk membina sebuah Kolej Komuniti di Pulau Bruit yang menjadi keperluan kepada penduduk di kawasan tersebut.

JAWAPAN

Tan Sri Yang di-Pertua,

Untuk makluman Yang Berhormat, penubuhan kolej komuniti adalah selaras dengan perenggan 34(1)(d) Akta Pendidikan 1996 [Akta 550] dan Memorandum Jemaah Menteri berkenaan Penubuhan Kolej Komuniti pada 5 Julai 2000.

Mesyuarat Jemaah Menteri pada ketika itu bersetuju dengan pandangan bahawa keutamaan penubuhan kolej komuniti hendaklah diberi kepada kawasan-kawasan yang tiada institusi-institusi latihan lain seperti Pusat Giat MARA, Institut Kemahiran MARA dan sebagainya. Mesyuarat Jemaah Menteri pada 8 September 2004 juga telah bersetuju supaya cadangan penubuhan kolej komuniti baharu adalah berdasarkan keperluan di sesebuah kawasan.

Sehingga November 2021, terdapat tiga (3) buah politeknik dan tujuh (7) buah kolej komuniti yang sedang beroperasi di Sarawak. Institusi-institusi ini menawarkan pelbagai program pengajian dalam bidang Pendidikan dan Latihan Teknikal dan Vokasional (TVET). Program-program yang ditawarkan ini dapat menyokong keperluan tenaga kerja mahir dan profesional bagi pembangunan ekonomi setempat dan negara.

Oleh itu, penubuhan kolej komuniti adalah bergantung kepada kajian keperluan semasa dan kriteria-kriteria lain antaranya peruntukan kewangan, dasar perjawatan kejat yang sedang berkuatkuasa, kehendak industri dan unjuran guna tenaga negara serta keperluan-keperluan lain.

Pihak Kementerian juga akan terus berusaha memperluas akses TVET bagi menyumbang kepada kemajuan sosio-ekonomi melibatkan masyarakat setempat melalui pendidikan yang relevan pada masa akan datang.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS TAHUN 2022**

PERTANYAAN : LISAN

**DARIPADA : TUAN KESAVAN A/L SUBRAMANIAM
[SUNGAI SIPUT]**

TARIKH : 21 MAC 2022 (ISNIN)

SOALAN

TUAN KESAVAN A/L SUBRAMANIAM [SUNGAI SIPUT] minta **MENTERI KANAN PENDIDIKAN** menyatakan status terkini Bangunan Baru SJK (T) Ladang Sungai Reyla yang masih belum disiapkan walaupun baki kerja Cuma 5% sahaja.

JAWAPAN

Tuan Yang di-Pertua,

Kementerian Pendidikan Malaysia (KPM) ingin memaklumkan bahawa kelewatan untuk menyiapkan bangunan baru SJK (T) Ladang Sungai Reyla disebabkan kegagalan kontraktor menyiapkan baki kerja. Ini termasuk kerja bekalan elektrik, kerja-kerja penurapan jalan dan pematuhan syarat-syarat kebenaran merancang daripada Pihak Berkuasa Tempatan. Oleh sebab kelewatan kontraktor dalam menyiapkan baki kerja ini, kelulusan pembekalan elektrik oleh pihak Tenaga Nasional Berhad juga telah terbatal pada 6 Disember 2019. KPM telah mengeluarkan arahan kepada kontraktor pada 12 Februari 2020 supaya mendapatkan semula kelulusan TNB dan menyiapkan baki kerja di tapak. Menjadi tanggungjawab kontraktor untuk mematuhi syarat-syarat PBT dan pembekal utiliti seperti mana yang ditetapkan di dalam dokumen kontrak.

Untuk makluman Ahli Yang Berhormat juga, KPM telah menghubungi dan mengemukakan surat sokongan kepada pihak TNB pada 22 Oktober 2020 untuk mempercepatkan kelulusan bekalan tenaga elektrik ini. Bagi memastikan pihak kontraktor dapat menyelesaikan isu yang tertangguh ini, KPM telah mengadakan sesi libat urus dengan pihak kontraktor pada 30 Ogos 2021. Berdasarkan laporan kemajuan serta baki kerja semasa, dijangkakan projek dapat disiapkan pada 19 Julai 2022.

KPM akan terus memantau dengan rapi pelaksanaan baki kerja bagi memastikan ia dapat disiapkan mengikut tempoh yang telah ditetapkan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA,
PARLIMEN KEEMPAT BELAS 2022**

PERTANYAAN : JAWAB LISAN

DARIPADA : YB TUAN AHMAD FAHMI BIN MOHAMED FADZIL [LEMBAH PANTAI]

TARIKH : 21 MAC 2022 (ISNIN)

SOALAN

Tuan Ahmad Fahmi bin Mohamed Fadzil [Lembah Pantai] minta MENTERI PEMBANGUNAN WANITA, KELUARGA DAN MASYARAKAT menyatakan rasional mengubah sistem pembayaran bantuan Jabatan Kebajikan Masyarakat dari sepenuhnya tunai ke sistem JKMPay, dan apakah perancangan untuk menambah baik sistem tersebut.

JAWAPAN

Tuan Yang di-Pertua,

Kementerian Pembangunan Wanita, Keluarga Dan Masyarakat (KPWKM) melalui Jabatan Kebajikan Masyarakat (JKM) sedang melaksanakan satu inisiatif baru iaitu **projek Bayaran Bantuan Kewangan Tanpa Tunai (Cashless)** atau dikenali sebagai JKMPay. Projek ini berstatus **PROJEK RINTIS** dilaksanakan ke atas **penerima bantuan kelulusan baharu sahaja dan tidak melibatkan penerima bantuan sedia ada**. Skim bantuan kewangan yang terlibat adalah semua skim bantuan bulanan Persekutuan.

Tuan Yang di-Pertua,

Projek ini dilaksanakan dengan tujuan berikut :

- i) **Memperluaskan mekanisme kaedah pembayaran** bantuan kewangan JKM melalui kaedah bayaran ke bank dan juga kaedah tanpa tunai;
- ii) **Membantu penerima bantuan untuk mengurus dan mengawal perbelanjaan** wang bantuan secara berhemah dan bermanfaat;
- iii) **Memastikan penerima bantuan dapat memenuhi keperluan asas harian** khususnya melibatkan keperluan makan, minum, ubat-ubatan asas dan keperluan harian rumah;
- iv) **Memperkuuhkan kolaborasi di antara Kerajaan dan pihak swasta** dalam meningkatkan perkhidmatan agensi di bawah kementerian;
- v) Menyokong ke arah **mewujudkan masyarakat digital selaras dengan Rangka Tindakan (Blueprint) Ekonomi Digital Malaysia 2021** dan Memacu Transformasi Perkhidmatan Digital Sektor Awam melalui kerjasama Sektor Korporat :
- vi) **Memacu Transformasi Perkhidmatan Digital Sektor Awam** dalam menyediakan kaedah pembayaran tanpa tunai sebagai pilihan kaedah transaksi yang lebih berkesan dalam perkhidmatan yang di tawarkan; dan

- vii) **Menggalakkan penglibatan penerima bantuan dalam transaksi digital** agar tidak ketinggalan dalam era digital.

Di samping itu, projek ini juga sejajar dengan hala tuju baharu bantuan sosial di bawah Majlis Perlindungan Sosial Malaysia (MySPC) yang memfokuskan agar semua bantuan di masa hadapan hendaklah **bersyarat, mempunyai Dasar Pemisah (*Exit Policy*) yang jelas dan kesegeraan dalam pengagihan/pemprosesan bantuan**.

JKMPay telah dilaksanakan secara rintis mulai bulan Februari 2021. Setiap lokasi projek rintis dilaksanakan, Kementerian telah melakukan **kunjung hormat dan libat urus bersama Kerajaan Negeri** bagi menjelaskan mengenai projek rintis ini. **Peserta-peserta juga telah diberikan taklimat** bagi penggunaan kad dan aplikasi agar mereka memahami konsep tanpa tunai dan bagi membimbing mereka dalam penggunaan JKMPay. **Sehingga Februari 2022 sejumlah 4,752 peserta dari 6 negeri dan 23 daerah** terlibat iaitu Perlis (693 peserta), Kedah (2,661 peserta/sempena daerah [12 daerah]), Melaka (924 peserta/sempena daerah [3 daerah]), Terengganu (255 peserta [3 daerah]), Kelantan (180 peserta [2 daerah]) dan Selangor (39 peserta [2 daerah]).

Tuan Yang di-Pertua,

Sebagaimana yang telah dinyatakan sebelum ini, projek rintis ini hanya dilaksanakan kepada **PENERIMA BAHARU** bantuan bulanan JKM sahaja manakala 519,409 penerima bantuan bulanan sedia ada masih kekal menerima bantuan bulanan melalui bayaran ke akaun bank. **Penerima baharu juga kekal menerima kesemua jumlah keseluruhan bantuan yang diluluskan secara 100%**. Sebagai contoh, bagi seorang OKU penerima Elaun Pekerja OKU (EPOKU) yang melepas syarat kelayakan bekerja dengan pendapatan di bawah RM1,500 sebulan, akan layak menerima bantuan EPOKU berjumlah RM450 sebulan. Sekiranya gaji penerima berjumlah RM1,300 dan ditambah EPOKU berjumlah RM450 yang dibayar 50% melalui bank atau RM225 dan 50% atau RM225 secara JKMPay, maka penerima masih mempunyai baki berjumlah RM1,525 secara tunai di bank dan masih boleh digunakan bagi

tujuan kegunaan pelbagai seperti bayaran sewa rumah, tambang pengangkutan, pembelian secara atas talian dan lain-lain.

Manakala 50% (RM225) bayaran secara tanpa tunai di Kad JKMPay ini boleh digunakan oleh penerima untuk melaksanakan pelbagai transaksi seperti berikut:

1. Membuat transaksi tanpa tunai di mana-mana kedai runcit, kedai farmasi, kedai makan yang menyertai program tanpa tunai. Semua barang di dalam kedai berkenaan boleh dibeli seperti:
 - i) Semua jenis keperluan bahan makan dan minuman seperti beras, gula, sayuran, minyak, ikan, ayam, sardin dan lain-lain;
 - ii) Barang keperluan kegunaan harian seperti lampin bayi, tuala wanita, bahan pencuci dan lain-lain; dan
 - iii) Keperluan ubat-ubatan dan alatan berkaitan ubatan.
2. Melaksanakan transaksi bagi pembayaran semua bil dan utiliti berkaitan;
3. Membuat pembelian tambah nilai (*top-up*) perkhidmatan telefon; dan
4. Hanya transaksi bagi pembelian rokok dan minuman beralkohol adalah dilarang bagi mengelakkan pengambilan barang yang tidak sihat menggunakan JKMPay.

Malahan baki atau lebihan duit yang ada dalam akaun JKMPay juga **tidak akan lput**, dan akan dibawa ke bulan berikutnya. Bagi peserta program yang mahir menggunakan aplikasi telefon di **jkmpay.my**, pelbagai menu aplikasi secara atas talian boleh digunakan seperti memantau perbelanjaan harian, membuat semakan baki, membayar bil dan utiliti, membeli *top-up* tanpa perlu keluar ke kedai dan melihat senarai kedai berdekatan yang boleh diakses pandu arah melalui Maps. Kementerian amat sedar mengenai keperluan asas penerima khususnya golongan OKU untuk menggunakan duit bantuan yang diperolehi setiap bulan. JKMPay tidak bertujuan untuk menyekat mana-mana hak kebebasan OKU untuk berbelanja. Apa yang diwujudkan adalah **mekanisme atau kaedah berbelanja ditambah atau diperluaskan** lagi di mana selain daripada perbelanjaan tunai, penerima boleh melaksanakan perbelanjaan secara tanpa tunai. Malahan melalui kaedah tanpa tunai ini, **tiada caj**

tambahan atau fi transaksi dikenakan berbanding sebagaimana caj RM1 boleh dikenakan jika mengeluarkan duit melalui mesin ATM.

Tuan Yang di-Pertua,

Sehingga **Februari 2022**, terdapat sejumlah 397 kedai aktif dalam projek ini manakala 250 kedai (baharu) lain telah memohon dan berminat untuk terlibat dalam projek ini. Kementerian sedang berusaha memperbanyakkan kedai-kedai untuk memberi kemudahan kepada penerima bantuan. **Malahan penerima bantuan juga boleh mencadangkan kedai/premis bersesuaian bagi mengikuti program ini.** Cadangan ini boleh disalurkan oleh peserta melalui 4 kaedah iaitu Telegram group peserta, Call-Centre 1-300-88-7977, aplikasi telefon Me12Pay dan juga melalui e-mel info@me12pay.com.

Tuan Yang di-Pertua,

Kementerian mendapati bahawa melalui projek JKMPay ini, telah digunakan oleh penerima bantuan dengan sebaiknya bagi memenuhi keperluan asas mereka. Sehingga **Februari 2022, sebanyak RM4.18 juta** telah dibelanjakan oleh peserta bagi tujuan pembelian **keperluan makan/minum iaitu 80.8% atau RM3.37 juta; 16.2% atau RM678 ribu bagi pembelian keperluan rumah** seperti lampin bayi, tuala wanita, sabun pencuci dan lain-lain. **2.3% atau RM96 ribu bagi keperluan lain** seperti pembayaran bil & utiliti, *top-up* dan **0.7% atau RM29 ribu dibelanjakan bagi tujuan pembelian ubat-ubatan.** Ini menunjukkan bahawa program ini memberi impak yang baik dan manfaat kepada peserta dalam memenuhi keperluan asas mereka.

Projek ini bukan sahaja membantu penerima bantuan malahan ia dapat mewujudkan prasarana ekonomi yang baik di kalangan pekedai runcit dan kedai-kedai kecil di seluruh negara. Antara manfaat yang diperolehi adalah :

- 1) Membantu penerima bantuan mengurus dan mengawal perbelanjaan wang bantuan secara berhemah;

- 2) Menjamin peruntukan perbelanjaan keperluan makan minum dan keperluan asas penerima bantuan dah ahli isi rumah tersedia pada setiap bulan;
- 3) Kaedah perbelanjaan tanpa tunai lebih selamat berbanding perbelanjaan secara tunai dan sesuai dengan situasi semasa;
- 4) Lokasi kedai yang berdekatan dengan penerima bantuan.;
- 5) Baki bantuan tidak lupsus dan boleh dibawa ke bulan seterusnya; dan
- 6) Program ini fleksibel dan boleh diubah dari masa ke semasa berdasarkan keperluan Jabatan dan penerima bantuan.

Usaha-usaha penambahbaikan juga telah mula dilaksanakan oleh Kementerian melalui pendekatan berikut:

- 1) **Sesi Libat Urus bersama Pertubuhan Sukarela Kebajikan (PSK) telah diadakan pada 24 dan 25 Februari 2022** di Dewan Perdana Nur, KPWKM bagi memberi maklumat yang lebih jelas mengenai JKMPay;
- 2) **Mempelbagaikan platform pembayaran digital** (pembelian secara *online*, pembayaran bil, tambah nilai kad prabayar);
- 3) **Menyediakan senarai Direktori Pekedai di setiap Daerah Rintis** dan dipaparkan di laman web, Sosial media KPWKM dan JKM serta di aplikasi ME12PAY; dan
- 4) **Menambah bilangan pekedai termasuk farmasi, klinik, kedai makan dan perkhidmatan penghantaran dari masa ke semasa.**

Memandangkan pendigitalan penyampaian perkhidmatan ini merupakan agenda masa depan negara, Kementerian akan memastikan usaha penambahbaikan projek rintis ini sentiasa dilaksanakan dari masa ke semasa. Satu kajian menyeluruh akan diadakan bagi memastikan suatu hala tuju dan dasar berkaitan projek ini dapat ditentukan. Dalam tempoh tersebut, projek ini **akan kekal berstatus projek rintis** di lokasi sedia ada dan belum diperluaskan ke negeri/daerah lain sehingga laporan kajian dinyatakan dibentangkan. Kementerian sentiasa mengalu-alukan dan membuka peluang kepada semua pihak untuk memberikan pandangan dan juga cadangan dalam menambahbaik pelaksanaan program ini. Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA,
PARLIMEN KEEMPAT BELAS**

PERTANYAAN : LISAN

**DARIPADA : DATUK SERI PANGLIMA MADIUS
TANGAU [TUARAN]**

TARIKH : 21 MAC 2022 (ISNIN)

SOALAN

DATUK SERI PANGLIMA MADIUS TANGAU [TUARAN] minta **MENTERI KOMUNIKASI DAN MULTIMEDIA** menyatakan mengapa Kementerian tidak menggunakan Satelit Komunikasi untuk menyelesaikan masalah talian jalur lebar khususnya di kawasan yang terpencil sebaliknya Kementerian masih terikat dengan pembinaan menara komunikasi.

JAWAPAN

Tuan Yang Dipertua,

Menyedari keperluan untuk menyediakan liputan di kawasan yang terpencil dan sukar dicapai oleh jaringan gentian optik ataupun gelombang mikro, melalui Pelan Jalinan Digital Negara (JENDELA), kawasan-kawasan terpencil seperti di perkampungan Orang Asli di Semenanjung serta pedalaman di Sabah dan Sarawak turut diberi keutamaan melalui penyediaan perkhidmatan jalur lebar menggunakan teknologi satelit.

Bagi tujuan ini, sebanyak 839 lokasi di seluruh negara telah dikenal pasti bagi memberikan liputan jalur lebar di kawasan-kawasan yang sukar dicapai dengan teknologi gentian optik dan mudah alih. Sehingga 31 Januari 2022, sebanyak 585 lokasi telah siap dipasang dengan jalur lebar satelit di seluruh negara.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL KELIMA
PARLIMEN KEEMPAT BELAS 2022**

PERTANYAAN : LISAN

DARIPADA : DATO' JOHARI BIN ABDUL [SUNGAI PETANI]

TARIKH : 21 MAC 2022 (ISNIN)

SOALAN

DATO' JOHARI BIN ABDUL [SUNGAI PETANI] minta **MENTERI PERTANIAN DAN INDUSTRI MAKANAN** menyatakan kenaikan harga ayam dan kurangnya jumlah telur ayam di pasaran baru-baru ini disebabkan tindakan peniaga-peniaga atau kegagalan Kementerian mengwujudkan program bagi memastikan penternak ayam tempatan terbela mendapat bantuan sepenuhnya dari Kerajaan dari sudut *Research and Development* agar negara mengurangkan pergantungan kepada pengimportan dari negara luar.

JAWAPAN

Tuan Yang di-Pertua,

Untuk makluman Ahli Yang Berhormat, kenaikan harga dan kekurangan bekalan ayam serta telur yang berlaku di pasaran sejak akhir-akhir ini berlaku disebabkan banyak faktor. Antara faktor yang menyumbang kepada senario tersebut adalah seperti berikut:

- (i) pengurangan pengeluaran ayam oleh pihak industri bagi mengelakkan kerugian berikutan peningkatan kos operasi pengeluaran ayam harga yang mana sebahagian besarnya berpunca daripada peningkatan kos makanan ternakan (70%) di samping kos logistik, kos pekerja dan kadar tukaran matawang asing.
- (ii) peningkatan permintaan yang mendadak berikutan pembukaan semula sektor ekonomi terutamanya perhotelan, restoran dan katering pasca Perintah Kawalan Pergerakan (PKP) mulai Oktober 2021;
- (iii) bencana banjir pada penghujung tahun 2021 yang menjelaskan industri ternakan ayam; dan
- (iv) pengurangan kemasukan anak ayam oleh pihak industri semasa musim hujan bagi mengurangkan risiko penyakit berjangkit seperti sampar ayam (*Newcastle Disease*).

Bagi membela nasib dan membantu para penternak yang terkesan, Kementerian mengambil langkah jangka pendek dan jangka panjang seperti berikut:

- (a) Jangka pendek
 - (i) memberi kebenaran mengimport (*approved permit – AP*) kepada 36 buah syarikat untuk mengimport ayam sebanyak 36,030 tan metrik bagi tempoh Disember 2021

hingga Mei 2022 tertakluk kepada syarat-syarat yang ditetapkan;

- (ii) memberi subsidi sebanyak RM0.60/kg pada harga borong ayam hidup di ladang dan RM0.05/biji bagi telur gred A, B dan C bermula dari 5 Februari hingga 5 Jun 2022 dengan jumlah keseluruhan peruntukan subsidi sebanyak RM528.52 juta;

(b) Jangka panjang

- (i) mengurangkan kebergantungan kepada sumber jagung import sebanyak 30% menerusi inisiatif penanaman jagung bijian dalam negara yang berkeluasan sehingga 80,000 hektar dengan sasaran pengeluaran jagung bijian tempatan sebanyak 1.44 juta tan metrik menjelang tahun 2033;
- (ii) menjalankan kajian bagi menghasilkan bahan mentah gantian dari sumber tempatan berdasarkan isirung sawit; dan
- (iii) menawarkan pinjaman mudah sebanyak RM200 juta kepada penternak melalui Agrobank bagi membantu penternak mengatasi masalah modal pusingan kewangan yang terjejas akibat kenaikan kos pengeluaran.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA,
PARLIMEN KEEMPAT BELAS TAHUN 2022**

PERTANYAAN : LISAN

**DARIPADA : Y.B. TUAN NOOR AMIN BIN AHMAD
[KANGAR]**

TARIKH : 21 MAC 2022 (ISNIN)

SOALAN

TUAN NOOR AMIN BIN AHMAD [KANGAR] minta **MENTERI KEWANGAN** menyatakan berapa jumlah projek dan perbelanjaan (dalam angka dan peratus) pelaksanaan pakej rangsangan ekonomi yang diumumkan telah dilaksanakan sejak ia diluluskan.

JAWAPAN

Tan Sri Yang Di pertua,

Untuk makluman ahli Yang Berhormat, pandemik COVID-19 yang melanda negara daripada tahun 2020 sehingga kini telah memberi impak yang buruk terhadap kesejahteraan hidup rakyat, kelangsungan perniagaan serta perkembangan ekonomi negara.

Sebagai langkah tindak balas Kerajaan bagi menangani isu ini, beberapa pakej rangsangan ekonomi dengan nilai keseluruhan sebanyak RM530 bilion telah diperkenalkan seawal Mac 2020 sehingga Jun tahun lalu iaitu pakej PRIHATIN, PENJANA, KITA PRIHATIN, PERMAI, PEMERKASA, PEMERKASA+ dan PEMULIH. Pelaksanaan pakej-pakej ini bertujuan melindungi rakyat, melonjakkan kembali perniagaan dan memulihkan semula ekonomi yang terkesan akibat COVID-19.

Bagi pakej-pakej yang diumumkan pada tahun 2020 iaitu PRIHATIN, PENJANA dan KITA PRIHATIN, Kerajaan telah memperkenalkan sebanyak 76 inisiatif di mana setakat 25 Februari 2022, jumlah penyaluran bagi PRIHATIN adalah sebanyak **RM168.5 bilion** atau **65 peratus** telah disalurkan manakala bagi PENJANA pula adalah sebanyak **RM20.05 bilion** atau **57.3 peratus** telah disalurkan kepada penerima manfaat yang layak. Bagi pakej KITA PRIHATIN yang merangkumi inisiatif BPN 2.0, GKP 2.0 dan PSU 2.0, Kerajaan telah menyalurkan sebanyak **RM9.56 bilion** atau **92.8 peratus** telah disalurkan melalui pakej ini.

Pada tahun 2021 pula, Kerajaan telah mengumumkan empat lagi pakej iaitu PERMAI, PEMERKASA, PEMERKASA+ dan PEMULIH merangkumi 133 inisiatif yang memfokuskan terhadap pemerkasaan sistem kesihatan awam dan vaksinasi COVID-19 bagi menangani ancaman varian Delta serta pemulihan ekonomi negara setelah perintah kawalan pergerakan ditamatkan. Setakat 25 Februari 2022, jumlah penyaluran bagi PERMAI adalah sebanyak **RM11 bilion** atau **73.3 peratus** telah disalurkan, manakala bagi PEMERKASA, Kerajaan telah menyalurkan sebanyak **RM7.64 bilion** atau **38.2 peratus** kepada penerima manfaat yang layak. Seterusnya di bawah PEMERKASA+, sebanyak **RM34.98 bilion** atau **87.5 peratus** telah disalurkan dan yang terakhir iaitu PEMULIH, sebanyak **RM113.02 bilion** atau **75.3 peratus** telah disalurkan di bawah pakej ini.

Kerajaan kekal komited dalam memastikan agenda kesejahteraan seluruh Keluarga Malaysia diteruskan melalui pelaksanaan Bajet 2022 pada tahun ini. Sehubungan itu, segala aspek pemantauan dan pelaporan akan diteruskan supaya bantuan-bantuan yang disediakan oleh Kerajaan sampai kepada mereka yang benar-benar memerlukan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS TAHUN 2022**

PERTANYAAN : LISAN

**DARIPADA : DATIN PADUKA DR. TAN YEE KEW
[WANGSA MAJU]**

TARIKH : 21 MAC 2022 (ISNIN)

SOALAN

DATIN PADUKA DR. TAN YEE KEW [WANGSA MAJU] minta **MENTERI KANAN PENDIDIKAN** menyatakan usaha Kementerian untuk memastikan pelajar-pelajar tidak tercincir daripada pelajaran akibat pandemik, khususnya kumpulan pelajar yang kekurangan komputer atau gajet untuk mengikuti pelajaran secara atas talian, dan nyatakan adakah satu kajian impak terhadap proses pembelajaran akan dilakukan terhadap pelajar-pelajar akibat COVID-19.

JAWAPAN

Tuan Yang di-Pertua,

Kementerian Pendidikan Malaysia (KPM) menyedari bahawa pandemik COVID-19 telah memberi kesan kepada sistem persekolahan. Sesi pengajaran dan pembelajaran (PdP) secara bersemuka menjadi lebih singkat apabila sekolah ditutup bagi membendung penularan COVID-19. Dalam tempoh tersebut, KPM telah menyediakan akses pembelajaran kepada murid melalui kaedah pengajaran dan pembelajaran di rumah (PdPR) mengikut kesesuaian guru dan murid. PdPR boleh dilaksanakan melalui tiga pendekatan iaitu secara dalam talian (online), luar talian (off-line) dan *off-site* mengikut kesesuaian guru dan murid.

Bagi membantu murid yang tidak mempunyai akses internet atau peranti yang sesuai, guru mengambil inisiatif untuk melaksanakan PdP secara luar talian melalui penggunaan buku teks. Buku aktiviti pula boleh digunakan untuk membuat latihan ulangkaji. Guru menyediakan modul pembelajaran dan membuat serahan bahan tersebut kepada murid. Guru juga mentaksir murid secara berterusan mengikut kesesuaian dan melaksanakan intervensi mengikut tahap dan keupayaan murid.

Selain itu, KPM telah memperkenalkan semula siaran TV Pendidikan. Murid boleh mengikuti pelbagai rancangan TV Pendidikan melalui saluran DidikTV KPM, TV Okey RTM dan Tutor TV Astro. Kandungan yang disediakan adalah berdasarkan kepada kurikulum peringkat prasekolah hingga tingkatan enam. Di samping itu, kandungan rancangan TV Pendidikan turut memuatkan slot yang berkaitan kokurikulum.

KPM turut melaksanakan penjajaran kandungan kurikulum mata pelajaran. Penjajaran kurikulum mata pelajaran difokuskan kepada Kandungan Asas (KA) supaya murid dapat disediakan untuk pembelajaran peringkat seterusnya. Kandungan Tambahan (KT) dan Kandungan Pelengkap (KP) pula boleh dilaksanakan mengikut keupayaan murid.

Bagi memperkasakan pelaksanaan kurikulum, KPM telah memperkenalkan program pemerkasaan pelaksanaan kurikulum iaitu KMPPerkasaKU. Program ini adalah salah satu usaha untuk membantu memperkuuh kemahiran asas literasi dan numerasi serta memperkasa penguasaan murid dalam mata pelajaran lain berdasarkan kurikulum kebangsaan. Program KMPPerkasaKU dilaksanakan dari peringkat sekolah rendah hingga sekolah menengah sebagai *catch-up plan* yang bertujuan untuk:

- i. meningkatkan penguasaan murid bagi kandungan kurikulum tahun semasa secara optimum;
- ii. merapatkan jurang pembelajaran murid yang wujud semasa krisis;
- iii. menyediakan bahan sokongan kurikulum kepada guru bagi melaksanakan pengajaran dan pembelajaran; dan
- iv. memastikan murid bersedia mengikuti kurikulum tahun persekolahan 2022.

Selain itu, KPM telah membuat ketetapan untuk melanjutkan sesi persekolahan tahun 2021 sehingga 20 Mac 2022. Pelanjutan sesi ini membolehkan pihak sekolah merancang dan melaksanakan aktiviti pemulihan, pengukuhan serta pengayaan secara intensif bagi meningkatkan kesediaan murid untuk mengikuti tahun persekolahan berikutnya.

Untuk makluman Ahli Yang Berhormat, bagi menilai tahap keberkesanan pelaksanaan PdPR, KPM telah menjalankan Tinjauan Pelaksanaan PdPR pada suku tahun pertama 2021. Tinjauan ini melibatkan 500 buah sekolah melalui pemerhatian terhadap PdPR yang dilaksanakan dalam talian atau gabungan dalam dan luar talian. Pemerhatian dilaksanakan melalui kehadiran Nazir Sekolah dalam kelas PdPR secara dalam talian. Pemerhatian ini dimaklumkan lebih awal kepada guru yang terlibat.

Sebanyak 1,053 pemerhatian dilaksanakan ke atas PdP guru. Tinjauan mendapati 98.7 peratus guru dapat mengelola isi pelajaran yang

diajar mengikut peruntukan masa yang ditetapkan. Sebanyak 97.4 peratus guru berjaya membimbing murid untuk memahami dan menguasai isi, konsep dan fakta berkaitan pelajaran. Sementara itu, 96.7 peratus guru berjaya menarik perhatian murid untuk memberi respons terhadap pembelajaran dan memastikan keterlibatan murid semasa PdPR secara *real-time*.

Hasil tinjauan juga mendapati murid memberi respons positif terhadap tugas yang diberikan oleh guru dalam 97.5 peratus PdPR yang diperhatikan. Murid juga dapat melengkap dan menghantar tugas dengan pelbagai cara antaranya, melalui rakaman video, slaid pembentangan dan *voice call*.

Rumusan daripada tinjauan ini menunjukkan bahawa guru berupaya merangsang murid berfikir dan berkomunikasi dalam PdPR. Guru juga dapat melaksanakan aktiviti pembelajaran yang menyeronokkan dan menarik minat murid untuk belajar.

Kini, sekolah telah dibuka secara berfasa setelah ditutup untuk satu tempoh yang panjang. Pembukaan semula sekolah ini membolehkan murid yang telah lama renggang dengan persekitaran persekolahan kembali semula ke sekolah. KPM akan terus memastikan pembelajaran murid diberi perhatian dan hak mereka untuk belajar sentiasa diberi keutamaan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA,
PARLIMEN KEEMPAT BELAS 2022**

PERTANYAAN : JAWAB LISAN

**DARIPADA : YB PUAN MARIA CHIN BINTI ABDULLAH
[PETALING JAYA]**

TARIKH : 21 MAC 2022 (ISNIN)

SOALAN

PUAN MARIA CHIN BINTI ABDULLAH [PETALING JAYA] minta **MENTERI PEMBANGUNAN WANITA, KELUARGA DAN MASYARAKAT** menyatakan menerangkan mengapa 50% elaun bulanan OKU (EPOKU) dimasukkan secara paksa ke dalam kad nilai tunai JKMPay yang menyekat kebebasan kerana hanya boleh digunakan untuk membeli keperluan asas.

JAWAPAN

Tuan Yang di-Pertua,

Kementerian Pembangunan Wanita, Keluarga Dan Masyarakat (KPWKM) melalui Jabatan Kebajikan Masyarakat (JKM) sedang melaksanakan satu inisiatif baru iaitu **projek Bayaran Bantuan Kewangan Tanpa Tunai (Cashless)** atau dikenali sebagai JKMPay. Projek ini berstatus **PROJEK RINTIS** dilaksanakan ke atas **penerima bantuan kelulusan baharu sahaja dan tidak melibatkan penerima bantuan sedia ada**. Skim bantuan kewangan yang terlibat adalah semua skim bantuan bulanan Persekutuan.

Tuan Yang di-Pertua,

Projek ini dilaksanakan dengan tujuan berikut :

- i) **Memperluaskan mekanisme kaedah pembayaran** bantuan kewangan JKM melalui kaedah bayaran ke bank dan juga kaedah tanpa tunai;
- ii) **Membantu penerima bantuan untuk mengurus dan mengawal perbelanjaan** wang bantuan secara berhemah dan bermanfaat;
- iii) **Memastikan penerima bantuan dapat memenuhi keperluan asas harian** khususnya melibatkan keperluan makan, minum, ubat-ubatan asas dan keperluan harian rumah;
- iv) **Memperkuuhkan kolaborasi di antara Kerajaan dan pihak swasta** dalam meningkatkan perkhidmatan agensi di bawah kementerian;
- v) Menyokong ke arah **mewujudkan masyarakat digital selaras dengan Rangka Tindakan (Blueprint) Ekonomi Digital Malaysia 2021** dan Memacu Transformasi Perkhidmatan Digital Sektor Awam melalui kerjasama Sektor Korporat :
- vi) **Memacu Transformasi Perkhidmatan Digital Sektor Awam** dalam menyediakan kaedah pembayaran tanpa tunai sebagai pilihan kaedah transaksi yang lebih berkesan dalam perkhidmatan yang di tawarkan; dan

- vii) **Menggalakkan penglibatan penerima bantuan dalam transaksi digital** agar tidak ketinggalan dalam era digital.

Di samping itu, projek ini juga sejajar dengan hala tuju baharu bantuan sosial di bawah Majlis Perlindungan Sosial Malaysia (MySPC) yang memfokuskan agar semua bantuan di masa hadapan hendaklah **bersyarat, mempunyai Dasar Pemisah (*Exit Policy*) yang jelas dan kesegeraan dalam pengagihan/pemprosesan bantuan.**

JKMPay telah dilaksanakan secara rintis mulai bulan Februari 2021. Setiap lokasi projek rintis dilaksanakan, Kementerian telah melakukan **kunjung hormat dan libat urus bersama Kerajaan Negeri** bagi menjelaskan mengenai projek rintis ini. **Peserta-peserta juga telah diberikan taklimat** bagi penggunaan kad dan aplikasi agar mereka memahami konsep tanpa tunai dan bagi membimbing mereka dalam penggunaan JKMPay. **Sehingga Februari 2022 sejumlah 4,752 peserta dari 6 negeri dan 23 daerah** terlibat iaitu Perlis (693 peserta), Kedah (2,661 peserta/sempena daerah [12 daerah]), Melaka (924 peserta/sempena daerah [3 daerah]), Terengganu (255 peserta [3 daerah]), Kelantan (180 peserta [2 daerah]) dan Selangor (39 peserta [2 daerah]).

Tuan Yang di-Pertua,

Sebagaimana yang telah dinyatakan sebelum ini, projek rintis ini hanya dilaksanakan kepada **PENERIMA BAHARU** bantuan bulanan JKM sahaja manakala 519,409 penerima bantuan bulanan sedia ada masih kekal menerima bantuan bulanan melalui bayaran ke akaun bank. **Penerima baharu juga kekal menerima kesemua jumlah keseluruhan bantuan yang diluluskan secara 100%**. Sebagai contoh, bagi seorang OKU penerima Elaun Pekerja OKU (EPOKU) yang melepas syarat kelayakan bekerja dengan pendapatan di bawah RM1,500 sebulan, akan layak menerima bantuan EPOKU berjumlah RM450 sebulan. Sekiranya gaji penerima berjumlah RM1,300 dan ditambah EPOKU berjumlah RM450 yang dibayar 50% melalui bank atau RM225 dan 50% atau RM225 secara JKMPay, maka penerima masih mempunyai baki berjumlah RM1,525 secara tunai di bank dan masih boleh digunakan bagi

tujuan kegunaan pelbagai seperti bayaran sewa rumah, tambang pengangkutan, pembelian secara atas talian dan lain-lain.

Manakala 50% (RM225) bayaran secara tanpa tunai di Kad JKMPay ini boleh digunakan oleh penerima untuk melaksanakan pelbagai transaksi seperti berikut:

1. Membuat transaksi tanpa tunai di mana-mana kedai runcit, kedai farmasi, kedai makan yang menyertai program tanpa tunai. Semua barang di dalam kedai berkenaan boleh dibeli seperti:
 - i) Semua jenis keperluan bahan makan dan minuman seperti beras, gula, sayuran, minyak, ikan, ayam, sardin dan lain-lain;
 - ii) Barang keperluan kegunaan harian seperti lampin bayi, tuala wanita, bahan pencuci dan lain-lain; dan
 - iii) Keperluan ubat-ubatan dan alatan berkaitan ubatan.
2. Melaksanakan transaksi bagi pembayaran semua bil dan utiliti berkaitan;
3. Membuat pembelian tambah nilai (*top-up*) perkhidmatan telefon; dan
4. Hanya transaksi bagi pembelian rokok dan minuman beralkohol adalah dilarang bagi mengelakkan pengambilan barang yang tidak sihat menggunakan JKMPay.

Malahan baki atau lebihan duit yang ada dalam akaun JKMPay juga **tidak akan lput**, dan akan dibawa ke bulan berikutnya. Bagi peserta program yang mahir menggunakan aplikasi telefon di **jkmpay.my**, pelbagai menu aplikasi secara atas talian boleh digunakan seperti memantau perbelanjaan harian, membuat semakan baki, membayar bil dan utiliti, membeli *top-up* tanpa perlu keluar ke kedai dan melihat senarai kedai berdekatan yang boleh diakses pandu arah melalui Maps. Kementerian amat sedar mengenai keperluan asas penerima khususnya golongan OKU untuk menggunakan duit bantuan yang diperolehi setiap bulan. JKMPay tidak bertujuan untuk menyekat mana-mana hak kebebasan OKU untuk berbelanja. Apa yang diwujudkan adalah **mekanisme atau kaedah berbelanja ditambah atau diperluaskan** lagi di mana selain daripada perbelanjaan tunai, penerima boleh melaksanakan perbelanjaan secara tanpa tunai. Malahan melalui kaedah tanpa tunai ini, **tiada caj tambahan atau fi transaksi dikenakan** berbanding sebagaimana caj RM1 boleh dikenakan jika mengeluarkan duit melalui mesin ATM.

Tuan Yang di-Pertua,

Sehingga **Februari 2022**, terdapat sejumlah 397 kedai aktif dalam projek ini manakala **250 kedai (baharu) lain** telah memohon dan berminat untuk terlibat dalam projek ini. Kementerian sedang berusaha memperbanyakkan kedai-kedai untuk memberi kemudahan kepada penerima bantuan. **Malahan penerima bantuan juga boleh mencadangkan kedai/premis bersesuaian bagi mengikuti program ini.** Cadangan ini boleh disalurkan oleh peserta melalui 4 kaedah iaitu Telegram *group* peserta, Call-Centre 1-300-88-7977, aplikasi telefon Me12Pay dan juga melalui e-mel info@me12pay.com.

Tuan Yang di-Pertua,

Kementerian mendapati bahawa melalui projek JKMPay ini, telah digunakan oleh penerima bantuan dengan sebaiknya bagi memenuhi keperluan asas mereka. Sehingga **Februari 2022, sebanyak RM4.18 juta** telah dibelanjakan oleh peserta bagi tujuan pembelian **keperluan makan/minum iaitu 80.8% atau RM3.37 juta; 16.2% atau RM678 ribu bagi pembelian keperluan rumah** seperti lampin bayi, tuala wanita, sabun pencuci dan lain-lain. **2.3% atau RM96 ribu bagi keperluan lain** seperti pembayaran bil & utiliti, *top-up* dan **0.7% atau RM29 ribu dibelanjakan bagi tujuan pembelian ubat-ubatan.** Ini menunjukkan bahawa program ini memberi impak yang baik dan manfaat kepada peserta dalam memenuhi keperluan asas mereka.

Projek ini bukan sahaja membantu penerima bantuan malahan ia dapat mewujudkan prasarana ekonomi yang baik di kalangan pekedai runcit dan kedai-kedai kecil di seluruh negara. Antara manfaat yang diperolehi adalah :

- 1) Membantu penerima bantuan mengurus dan mengawal perbelanjaan wang bantuan secara berhemah;
- 2) Menjamin peruntukan perbelanjaan keperluan makan minum dan keperluan asas penerima bantuan dah ahli isi rumah tersedia pada setiap bulan;
- 3) Kaedah perbelanjaan tanpa tunai lebih selamat berbanding perbelanjaan secara tunai dan sesuai dengan situasi semasa;

- 4) Lokasi kedai yang berdekatan dengan penerima bantuan.;
- 5) Baki bantuan tidak lopus dan boleh dibawa ke bulan seterusnya; dan
- 6) Program ini fleksibel dan boleh diubah dari masa ke semasa berdasarkan keperluan Jabatan dan penerima bantuan.

Usaha-usaha penambahbaikan juga telah mula dilaksanakan oleh Kementerian melalui pendekatan berikut:

- 1) **Sesi Libat Urus bersama Pertubuhan Sukarela Kebajikan (PSK) telah diadakan pada 24 dan 25 Februari 2022** di Dewan Perdana Nur, KPWKM bagi memberi maklumat yang lebih jelas mengenai JKMPay;
- 2) **Mempelbagaikan platform pembayaran digital** (pembelian secara *online*, pembayaran bil, tambah nilai kad prabayar);
- 3) **Menyediakan senarai Direktori Pekedai di setiap Daerah Rintis** dan dipaparkan di laman *web*, Sosial media KPWKM dan JKM serta di aplikasi ME12PAY; dan
- 4) **Menambah bilangan pekedai termasuk farmasi, klinik, kedai makan dan perkhidmatan penghantaran dari masa ke semasa.**

Memandangkan pendigitalan penyampaian perkhidmatan ini merupakan agenda masa depan negara, Kementerian akan memastikan usaha penambahbaikan projek rintis ini sentiasa dilaksanakan dari masa ke semasa. Satu kajian menyeluruh akan diadakan bagi memastikan suatu hala tuju dan dasar berkaitan projek ini dapat ditentukan. Dalam tempoh tersebut, projek ini **akan kekal berstatus projek rintis** di lokasi sedia ada dan belum diperluaskan ke negeri/daerah lain sehingga laporan kajian dinyatakan dibentangkan. Kementerian sentiasa mengalu-alukan dan membuka peluang kepada semua pihak untuk memberikan pandangan dan juga cadangan dalam menambahbaik pelaksanaan program ini.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS TAHUN 2022**

PERTANYAAN : LISAN

DARIPADA : PUAN TEO NIE CHING [KULAI]

TARIKH : 21 MAC 2022 (ISNIN)

SOALAN

PUAN TEO NIE CHING [KULAI] minta **MENTERI KANAN PENDIDIKAN** menyatakan rancangan untuk memberikan akses kepada bantuan sekolah seperti Skim Pinjaman Buku Teks dan Rancangan Makanan Tambahan untuk anak-anak bukan warganegara yang belajar di sekolah kebangsaan dan sekolah jenis kebangsaan di mana ibu atau bapanya merupakan warganegara Malaysia.

JAWAPAN

Tuan Yang di-Pertua,

Untuk makluman Ahli Yang Berhormat, pemberian bantuan yang disediakan oleh Kementerian Pendidikan Malaysia (KPM) termasuk Skim Pinjaman Buku Teks dan Rancangan Makanan Tambahan adalah khusus kepada murid yang layak dan mengikut kriteria yang ditetapkan. Perkara ini adalah tertakluk kepada dasar semasa selaras dengan peruntukan di bawah Akta Pendidikan 1996 dan pekeliling semasa yang berkuatkuasa.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS TAHUN 2022**

PERTANYAAN : LISAN

DARIPADA : PUAN TERESA KOK SUH SIM [SEPUTEH]

TARIKH : 21 MAC 2022 (ISNIN)

SOALAN

PUAN TERESA KOK SUH SIM [SEPUTEH] minta **MENTERI KANAN PENDIDIKAN** menyatakan apakah status terkini bangunan sekolah terbengkalai Sekolah Kebangsaan Danau Perdana di Taman Desa, Kuala Lumpur. Apakah Kementerian mempunyai rancangan untuk membangunkan semula sekolah terbengkalai tersebut.

JAWAPAN

Tuan Yang di-Pertua,

Pada April 2015, pihak Jabatan Kerja Raya (JKR) telah mengadakan lawatan pemeriksaan di tapak dan telah membuat analisa bagi menyediakan laporan kajian keretakan bangunan bagi melihat halatuju dan penyelesaian bagi isu ini. Laporan lengkap telah diperolehi daripada pihak JKR pada 30 Jun 2015. Berdasarkan hasil laporan tersebut, didapati bahawa:

- i. mendapan tanah dijangka masih berlaku dan boleh menyebabkan kerosakan yang lebih serius;
- ii. terdapat kerosakan dan keretakan ditemui di bangunan akademik dan bangunan pentadbiran dan memerlukan penyiasatan struktur terperinci dan pelaksanaan ujian bahan;
- iii. keseluruhan sistem mekanikal tidak boleh digunakan dan perlu direka bentuk semula serta dibuat pemasangan baharu;
- iv. pendawaian semula perlu dibuat kerana pendawaian asal telah rosak dan hilang; dan

SOALAN NO : 60

- v. pihak JKR juga turut mengesyorkan agar bangunan yang terlibat dirobohkan dan digantikan dengan bangunan baharu.

Berdasarkan laporan tersebut dan keperluan semasa, pihak Kementerian Pendidikan Malaysia (KPM) berpandangan bahawa bangunan tersebut tidak sesuai untuk dibangunkan semula kerana mengalami kerosakan yang teruk serta struktur tanah yang mendap. Satu kajian yang menyeluruh dan terperinci perlu dilakukan untuk melihat semula keselamatan tapak tersebut. Sebuah sekolah baharu iaitu Sekolah Kebangsaan Desa Perdana telah dibina pada tahun 2005 bagi menggantikan Sekolah Kebangsaan Danau Perdana di mana jarak antara kedua-dua sekolah tersebut hanya lebih kurang 2.0 km.

Untuk makluman Ahli Yang Berhormat, sebelum sebarang cadangan pembangunan atau pemberian boleh diadakan di tapak sekolah tersebut, KPM perlu mengadakan rundingan penyelesaian kes dengan pihak Dewan Perniagaan Melayu Malaysia Kuala Lumpur (DPMMKL) mengenai jumlah ganti rugi munasabah yang akan dituntut oleh KPM dan satu perjanjian *Settlement Agreement* oleh KPM dan DPMMKL bagi menyelesaikan kes di luar Tribunal Timbang Tara. Pra jawatankuasa rundingan telah diadakan pada 23 November 2021 dan KPM sedang melengkapkan dokumentasi dan persediaan sebelum jawatankuasa rundingan yang dijangka akan bersidang pada April 2022. Sebarang perancangan untuk membangunkan semula sekolah tersebut bergantung kepada penyelesaian rundingan di antara KPM dan DPMMKL.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS TAHUN 2022**

PERTANYAAN : LISAN

DARIPADA : DATUK DR. HASAN BIN BAHROM [TAMPIN]

TARIKH : 21 MAC 2022 (ISNIN)

SOALAN

DATUK DR. HASAN BIN BAHROM [TAMPIN] minta **MENTERI KANAN PENDIDIKAN** menyatakan bagaimana Kementerian dapat memanfaatkan bangunan sekolah yang tidak diguna pakai disebabkan kekurangan murid, berapa banyak sekolah berhadapan dengan masalah itu, dan apakah perancangan Kementerian bagi mengatasi masalah ini.

JAWAPAN

Tuan Yang di-Pertua,

Kementerian Pendidikan Malaysia (KPM) mendefinisikan sekolah kurang murid (SKM) sebagai sekolah yang berenrolmen 150 murid dan ke bawah. Data seperti pada 31 Disember 2021 menunjukkan terdapat 3,009 buah SKM di seluruh negara.

KPM turut mengambil maklum dan menyedari akan kewujudan ruang dan bangunan sekolah yang tidak dioptimumkan penggunaannya disebabkan isu kekurangan murid. Untuk makluman Ahli Yang Berhormat, KPM telah merangka beberapa strategi bagi menangani isu SKM di bawah inisiatif Pelaksanaan Pelan Hala Tuju SKM. Strategi tersebut adalah:

- i. pelaksanaan kelas bercantum dengan pengajaran dan pembelajaran pelbagai gred;
- ii. penggabungan SKM;
- iii. pemindahan atau penempatan semula SKM; dan
- iv. pengekalan SKM atas keperluan.

Untuk makluman Ahli Yang Berhormat juga, strategi pelaksanaan kelas bercantum dengan pengajaran dan pembelajaran pelbagai gred dilaksanakan dengan melibatkan percantuman kelas bagi Tahun 2 dengan Tahun 3 dan Tahun 4 dengan Tahun 5 di sekolah berenrolmen 30 murid dan ke bawah. Sehingga kini, sebanyak 367 SKM melaksanakan kelas bercantum dengan pengajaran dan pembelajaran pelbagai gred.

Strategi penggabungan sekolah pula dilaksanakan dengan menggabungkan dua atau lebih sekolah yang sama jenis dalam lingkungan 5 kilometer. Walau bagaimanapun, penggabungan SKM dalam kawasan penempatan yang sama ini tertakluk kepada persetujuan bertulis ibu bapa atau penjaga secara majoriti. Bagi SKM yang tidak boleh digabungkan atau dipindahkan seperti SKM di kawasan pedalaman dan pulau, sekolah berkenaan akan dikenalkan demi memastikan kelangsungan pendidikan kepada murid yang tinggal di lokasi berkenaan.

SOALAN NO : 61

Strategi pemindahan atau penempatan semula SKM ke lokasi baharu di kawasan yang mempunyai bilangan penduduk yang tinggi dilaksanakan bagi membantu untuk meningkatkan enrolmen SKM. Strategi ini dilaksanakan sekiranya SKM memenuhi kriteria seperti tapak baharu telah dikenal pasti dan persetujuan semua ibu bapa atau penjaga murid diperoleh. Bagi tempoh 2011 hingga 2020, KPM telah meluluskan sebanyak 50 permohonan pindah lokasi SKM.

KPM berkeyakinan bahawa menerusi strategi yang telah digariskan dan dilaksanakan di bawah Pelan Hala Tuju SKM tersebut, isu SKM akan dapat ditangani dan sumber pendidikan yang dibekalkan oleh KPM termasuklah penggunaan bangunan dan ruang di sekolah dapat dioptimumkan serta dapat dimanfaatkan oleh murid. KPM akan terus meneliti pendekatan terbaik bagi memastikan kapasiti sekolah dan sumber pendidikan di seluruh negara dapat dioptimumkan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS 2022**

PERTANYAAN : LISAN

DARIPADA : DATO' NGEH KOO HAM [BERUAS]

TARIKH : 21 MAC 2022 (ISNIN)

SOALAN

DATO' NGEH KOO HAM [BERUAS] minta **MENTERI PERTANIAN DAN INDUSTRI MAKANAN** menyatakan mengapa harga gula dan beras yang dijual di Malaysia kepada rakyat jauh lebih tinggi daripada harga pasaran antarabangsa sungguhpun sebahagian besar daripada kedua-dua barang ini adalah diimpot daripada luar negara. Adakah keuntungan daripada perbezaan harga yang besar ini diambil oleh Kerajaan sebagai cukai atau diambil oleh pihak swasta.

JAWAPAN

Tuan Yang Di Pertua,

Untuk makluman Ahli Yang Berhormat, Malaysia mengimport kira-kira 700,000 hingga 900,000 tan metrik beras setiap tahun dari negara luar bagi menampung 30% keperluan negara serta memenuhi permintaan terhadap beras-beras premium dan istimewa. Pada masa ini harga beras putih tempatan dengan kandungan hancur 5% dikawal tidak melebihi RM2.60 bagi setiap kilogram manakala beras putih import digunakan dengan purata harga di pasaran adalah sekitar RM2.80 hingga RM3.00 bagi setiap kilogram.

Harga siling beras tempatan ini lazimnya akan menjadi penanda aras (*benchmark*) kepada harga jualan beras putih import yang mewakili hampir 85% daripada jumlah keseluruhan import bekalan beras dalam negara. Kebiasaannya harga jualan bagi beras putih import akan lebih tinggi sedikit berbanding harga jualan beras tempatan disebabkan kualitinya yang hampir setara.

Kerajaan sentiasa memastikan harga jualan beras dalam negara terkawal bagi memenuhi keperluan rakyat. Sebagai contoh, harga jualan beras putih tempatan di peringkat pengguna kekal antara RM2.50 hingga ke RM2.60 sekilogram untuk tempoh 10 tahun kebelakangan manakala harga jualan bagi beras putih import turut kekal antara RM2.80 ke RM3.00 sekilogram.

Bagi gred beras istimewa import (*specialty rice*) seperti basmathi, wangi dan sebagainya pula yang merangkumi baki 5% hingga 6% daripada keperluan beras negara, harga jualan adalah ditentukan sepenuhnya oleh pasaran atau bergantung kepada faktor permintaan dan penawaran (*demand & supply*).

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA,
PARLIMEN KEEMPAT BELAS TAHUN 2022**

PERTANYAAN : LISAN

**DARIPADA : Y.B. TUAN SU KEONG SIONG
[KAMPAR]**

TARIKH : 21 MAC 2022 (ISNIN)

SOALAN

TUAN SU KEONG SIONG [KAMPAR] minta **MENTERI KEWANGAN** menyatakan secara terperinci jumlah kutipan hasil Cukai Jualan dan Perkhidmatan (*Sales and Service Tax*) untuk tahun 2020 ke 2021. Adakah Kerajaan berhasrat untuk kembalikan perlaksanaan Cukai Barang dan Perkhidmatan (GST).

JAWAPAN

Tan Sri Yang di-Pertua,

Untuk makluman Ahli Yang Berhormat, kutipan hasil Cukai Jualan dan Perkhidmatan (*Sales and Service Tax*) Kerajaan Persekutuan bagi tahun 2020 adalah berjumlah RM25.25 bilion iaitu merangkumi RM13.24 bilion daripada Cukai Jualan dan RM12.01 bilion daripada Cukai Perkhidmatan. Bagi tahun 2021 pula, sebanyak RM25.48 bilion telah dikutip bagi hasil Cukai Jualan dan Perkhidmatan iaitu RM13.49 bilion daripada Cukai Jualan dan RM11.99 bilion daripada Cukai Perkhidmatan.

Untuk makluman Ahli Yang Berhormat juga, Kerajaan masih mengkaji kesesuaian melaksanakan Cukai Barang dan Perkhidmatan (atau GST) dan model-model cukai kepenggunaan yang lain dengan mengambil kira semua aspek, termasuklah kelemahan sistem cukai jualan dan cukai perkhidmatan sedia ada serta kelemahan sistem GST yang dilaksanakan pada tahun 2015. Kajian yang dijalankan turut meliputi kesan ke atas ekonomi, kos sara hidup, kesan cukai ke atas harga barang serta keupayaan menangani kegiatan ekonomi gelap. Cukai baharu tersebut, jika dilaksanakan, juga perlu bersifat mudah ditadbir dan tidak meningkatkan kos perniagaan di samping dapat mengukuhkan kedudukan fiskal negara.

Sepertimana Ahli Yang Berhormat sedia maklum, ekonomi negara sedang dalam fasa pemulihan. Sehubungan itu, pelaksanaan sebarang bentuk cukai kepenggunaan baharu perlu mengambil kira senario semasa. Di samping itu, ia juga memberi ruang bagi persiapan dan persediaan yang rapi di kedua-dua pihak Kerajaan dan pembayar cukai.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS TAHUN 2022**

PERTANYAAN : LISAN

**DARIPADA : TUAN NIK NAZMI BIN NIK AHMAD
[SETIAWANGSA]**

TARIKH : 21 MAC 2022 (ISNIN)

SOALAN

TUAN NIK NAZMI BIN NIK AHMAD [SETIAWANGSA] minta **MENTERI KANAN PENDIDIKAN** menyatakan tentang perancangan peralihan sekolah daripada operasi sewaktu pandemik COVID-19 kepada keadaan biasa.

JAWAPAN

Tuan Yang di-Pertua,

Sesi persekolahan tahun 2021 dimulakan pada 20 Januari secara Pengajaran dan Pembelajaran di Rumah (PdPR). Pembukaan sekolah untuk sesi pembelajaran bersemuka adalah secara berperingkat mulai 1 Mac 2021. Keputusan pembukaan sekolah ini dibuat dengan mengambil kira keadaan pada ketika itu, termasuk penilaian risiko oleh Kementerian Kesihatan Malaysia (KKM) dan Majlis Keselamatan Negara (MKN). Namun, sekolah kemudiannya terpaksa ditutup semula dan tiada sesi PdP secara bersemuka mulai Mei 2021.

KPM menyedari bahawa penutupan sekolah menyebabkan murid mengikuti pembelajaran dalam persekitaran yang bukan semula jadi untuk satu tempoh yang amat panjang. Keadaan ini menyebabkan murid terus renggang daripada persekitaran sekolah bersemuka.

Bagi memastikan pembukaan sekolah dapat beroperasi secara berterusan, KPM telah merangka satu pelan komprehensif pembukaan semula sekolah bagi memastikan murid dapat kembali belajar secara bersemuka di sekolah dalam keadaan selamat.

Seperti Ahli Yang Berhormat sedia maklum, KPM telah membuat keputusan untuk membuka semula sekolah secara berperingkat mengikut Fasa Pelan Pemulihan Negara (PPN) mulai 3 Oktober 2021 bagi negeri kumpulan A dan 4 Oktober 2021 bagi negeri kumpulan B. KPM telah menetapkan supaya kapasiti murid di sekolah dihadkan pada kadar 50 peratus enrolmen keseluruhan. Bagi tujuan tersebut, kaedah yang digunakan adalah dengan mengehadkan kapasiti murid dalam kelas kepada 50 peratus daripada jumlah murid dalam kelas tersebut. Justeru, sistem penggiliran murid hadir ke sekolah mengikut minggu dilaksanakan. KPM menetapkan sekolah yang mempunyai enrolmen keseluruhan kurang 150 murid dibenarkan beroperasi sepenuhnya tanpa penggiliran.

Dalam merancang pengoperasian sekolah secara progresif dan berdasarkan pandangan serta nasihat KKM, pengoperasian sekolah khususnya bagi penggal 3, sesi 2021/2022 dilaksana dengan kaedah kehadiran secara bersemuka tanpa penggiliran, kehadiran secara penggiliran mengikut minggu dan juga melaksana pengajaran dan pembelajaran di Rumah (PdPR) bagi kumpulan murid tertentu di sekolah rendah dan sekolah menengah. Kehadiran murid bersemuka sepenuhnya tanpa penggiliran ditingkatkan dengan mengambil kira pelaksanaan ujian kendiri COVID-19 secara rawak (10 peratus bilangan murid) setiap minggu bagi murid sekolah rendah dan berdasarkan kadar vaksinasi murid bagi sekolah menengah. Enrolmen keseluruhan murid untuk sekolah dibenarkan beroperasi sepenuhnya tanpa penggiliran turut ditingkatkan kepada 300 murid.

Untuk makluman Ahli Yang Berhormat, KPM akan terus bekerjasama dengan pihak KKM bagi memastikan pelaksanaan Program Imunisasi COVID-19 Kebangsaan Remaja (PICK Remaja) bagi murid berumur 12 hingga 18 tahun dan Program Imunisasi COVID-19 Kebangsaan Kanak-Kanak (PICKids) bagi murid berumur 5 hingga 11 tahun. Kadar vaksinasi murid ini sentiasa dipantau dan dianalisis bagi tujuan menyediakan perancangan pengoperasian sekolah yang lebih komprehensif dan terbaik bagi sesi persekolahan seterusnya.

KPM akan terus meneliti kesesuaian untuk melaksanakan pengoperasian sekolah berdasarkan kepada penilaian risiko serta nasihat daripada pihak KKM dan MKN berkaitan situasi semasa tahap penularan COVID-19 dan kadar vaksinasi murid di seluruh negara.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS TAHUN 2022**

PERTANYAAN : LISAN

**DARIPADA : TUAN MA'MUN BIN SULAIMAN
[KALABAカン]**

TARIKH : 21 MAC 2022 (ISNIN)

SOALAN

TUAN MA'MUN BIN SULAIMAN [KALABAカン] minta **MENTERI KANAN PENDIDIKAN** menyatakan kesediaan dan usaha tuntas Kementerian untuk mengenal pasti pewujudan sekolah-sekolah rendah yang sangat diperlukan di Kg. Serudung Laut Kalabakan dan PPRT Kalabakan di mana tiada akses pendidikan yang pernah disediakan oleh Kerajaan walaupun penempatan-penempatan penduduk ini telah lama wujud dan mempunyai jumlah penduduk di kalangan warganegara Malaysia yang ramai.

JAWAPAN

Tuan Yang di-Pertua,

Kementerian Pendidikan Malaysia (KPM) sentiasa komited dalam usaha untuk menyediakan prasarana dan kemudahan infrastruktur pendidikan kepada semua murid di seluruh negara, termasuk di kawasan Kalabakan, Sabah.

Untuk makluman Ahli Yang Berhormat, KPM sentiasa mendapat input dan cadangan daripada jabatan pendidikan negeri (JPN) bagi pembinaan sekolah baharu. Seterusnya, KPM akan melaksanakan analisis keperluan secara terperinci. Selain daripada kesediaan tapak atau tanah, antara perkara lain yang diambil kira adalah bilangan dan kapasiti sekolah sedia ada yang berhampiran, kepadatan penduduk di kawasan sekitar, liputan kawasan tadahan penduduk (catchment area) serta perancangan pembangunan kawasan tersebut berdasarkan perbincangan bersama pihak berkuasa tempatan (PBT).

Untuk makluman Ahli Yang Berhormat, berhubung pertanyaan tentang keperluan pewujudan sekolah rendah baharu di kawasan Serudung Laut dan PPRT Kalabakan, semakan KPM mendapati bahawa terdapat keperluan untuk membina sekolah baharu berhampiran di kawasan tersebut. Ini kerana perkampungan di Serundung Laut dan kawasan sekitar belum mempunyai kemudahan sekolah.

Pada masa ini, KPM sedang meneliti lokasi dan tapak tanah yang bersesuaian. Permohonan pembinaan sekolah baharu tersebut akan diangkat setelah urusan pindah milik tapak tersebut selesai, tertakluk kepada pertimbangan dan kelulusan agensi pusat serta kedudukan semasa kewangan kerajaan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA,
PARLIMEN KEEMPAT BELAS TAHUN 2022**

PERTANYAAN : LISAN

**DARIPADA : Y.B. TUAN SIM TZE TZIN
[BAYAN BARU]**

TARIKH : 21 MAC 2022 (ISNIN)

SOALAN

TUAN SIM TZE TZIN [BAYAN BARU] minta **MENTERI KEWANGAN** menyatakan sama ada Kontrak Membekal dan Mengurus Fleet Kerajaan Malaysia adalah *direct negotiation* atau tender terbuka. Senaraikan syarikat-syarikat yang memasuki tender dengan kadar kontrak yang ditawarkan oleh syarikat masing-masing.

JAWAPAN

Tan Sri Yang di-Pertua,

Kerajaan telah melaksanakan tender secara *Request for Proposal* (RFP) pada November 2017. Walau bagaimanapun, tender ini tidak dapat diteruskan berikutan spesifikasi model kenderaan yang dikemukakan oleh pembida-pembida adalah tidak setara dan tidak boleh dibuat perbandingan. Seterusnya, tender RFP kali kedua telah dilaksanakan pada Mei 2018, namun begitu tender ini juga dibatalkan disebabkan perubahan dasar semasa kerajaan. Seterusnya, pada Januari 2019, Kerajaan telah melaksanakan tender terbuka secara *Request for Proposal* (RFP). Sebanyak tujuh (7) pembida telah menyertai RFP tersebut.

Sekian, terima kasih.

**PEMBERITAHUAN PERTANYAAN LISAN PM 22(5) DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS TAHUN 2022**

PERTANYAAN : LISAN

DARIPADA : DATUK ABD RAHIM BIN BAKRI [KUDAT]

TARIKH : 21 MAC 2022 (ISNIN)

SOALAN

DATUK ABD RAHIM BIN BAKRI [KUDAT] minta **MENTERI KANAN PENDIDIKAN** menyatakan status pelaksanaan projek bangunan gantian akademik SMK Kanibongan Pitas yang telah terbengkalai lebih 10 tahun akan disiapkan dan apakah perancangan Kementerian dalam melaksanakan projek pembinaan asrama SMK Kanibongan Pitas dan apakah peruntukan bagi kedua-dua projek ini masih tersedia ataupun telah ditarik balik atau dibatalkan oleh Kementerian.

JAWAPAN

Tuan Yang di-Pertua,

Untuk makluman Ahli Yang Berhormat, projek pembinaan SMK Kanibongan Pitas telah diluluskan pada Rancangan Malaysia Ke-10 dengan skop meliputi pembinaan bangunan baru gantian 24 bilik darjah dan lain-lain kemudahan. Sehingga 28 Februari 2022, projek ini telah mencapai penyiapan kerja sebanyak 96.49% dengan baki kerja sebanyak 3.51%. Tarikh jangkaan siap bagi projek ini adalah pada 30 April 2022. Kementerian Pendidikan Malaysia (KPM) memantau rapi pelaksanaan projek ini dan lawatan tapak pada 28 Februari 2022 mendapati pelaksanaan kerja-kerja berjalan lancar dan pihak kontraktor sedang menyiapkan baki kerja meliputi kerja-kerja penyambungan, *rectification* dan *house keeping*.

Bagi pembinaan Asrama SMK Kanibongan pula, projek telah diluluskan dalam Rancangan Malaysia Ke-11 dengan skop meliputi pembinaan asrama 400 pelajar, 8 unit rumah guru dan lain-lain kemudahan. Status semasa projek adalah di peringkat penyediaan dokumen tender dan dijangka akan diiklankan pada April 2022.

Berdasarkan status semasa, kedua-dua projek masih dalam peringkat pelaksanaan dan peruntukan masih tersedia sehingga projek selesai. KPM akan memastikan projek dilaksanakan mengikut jadual yang telah ditetapkan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS**

PERTANYAAN : JAWAB LISAN

**DARIPADA : YB TUAN SYED IBRAHIM BIN SYED NOH
[LEDANG]**

TARIKH : 21 MAC 2022 (ISNIN)

SOALAN NO. 68

TUAN SYED IBRAHIM BIN SYED NOH [LEDANG] minta **MENTERI PENGANGKUTAN** menyatakan langkah yang diambil Kerajaan bagi mengurus dakwaan :-

- (a) monopoli syarikat-syarikat besar dalam sektor logistik sehingga wujud persaingan tidak sihat yang membawa kesan buruk kepada pengusaha persendirian; dan
- (b) tindakan sesetengah syarikat logistik tidak mematuhi pelaksanaan standard gaji minimum yang ditetapkan Kerajaan kepada pekerja dan pemandu.

JAWAPAN

Tuan Yang Dipertua,

1. Pihak Kerajaan memandang berat dakwaan berkenaan monopoli syarikat-syarikat besar di dalam sektor logistik sehingga mewujudkan persaingan tidak sihat yang memberi kesan buruk kepada pengusaha persendirian.
2. Malahan mengikut laporan kajian *Market Review* berhubung *Selected Transportation Sectors in Malaysia under Competition Act 2010* oleh Suruhanjaya Persaingan Malaysia (MyCC) yang diterbitkan pada 25 Januari 2021, didapati terdapat persaingan yang tinggi bagi bidang *freight forwarders, shipping liners*, dan operator gudang di Malaysia.
3. Malah bagi mewujudkan *ease of trade* serta meningkatkan persaingan syarikat logistik di persada antarabangsa, pemain industri di dalam sektor logistik digalakkan untuk membentuk pakatan menerusi M&A (*merger and acquisition*) sebagai penyedia logistik pihak keempat (4PL) seperti yang digariskan di dalam Rancangan Malaysia ke-12 (RMKe-12).
4. Ini dirancang bagi menggiatkan usaha menjadikan Malaysia sebagai hab serantau di samping meningkatkan daya saing pemain industri dan memperluas pasaran di rantau ini.
5. Berdasarkan pendaftaran di dalam Sistem Maklumat Industri Logistik (SMILE) yang dibangunkan oleh MOT, terdapat sebanyak 83,201 syarikat logistik yang diluluskan permohonan untuk pergerakan ketika Perintah Kawalan Pergerakan (PKP) yang meliputi industri-industri berikut:
 - i) pengangkutan perdagangan darat/udara/maritim;
 - ii) pergudangan;
 - iii) freight forwarder;
 - iv) ejen perkapalan;

- v) ejen kastam; dan
 - vi) perkhidmatan *ancillary* kepada pelabuhan dan lapangan terbang.
6. Pada masa yang sama, Kerajaan turut memandang berat dakwaan bahawa tindakan sesetengah syarikat logistik tidak mematuhi pelaksanaan standard gaji minimum yang ditetapkan Kerajaan kepada pekerja dan pemandu.
7. Sebagaimana yang diketahui umum, Kerajaan telah mewartakan Perintah Gaji Minimum (PGM 2020) (P.U. (A) 5/2020) pada 10 Januari 2020 yang berkuatkuasa mulai 1 Februari 2020. Kadar gaji minimum ditetapkan sebanyak RM1,200 sebulan bagi pekerja yang bekerja dalam mana-mana 56 kawasan Majlis Bandaraya dan Majlis Perbandaran yang dinyatakan dalam Jadual PGM 2020. Bagi kawasan selainnya, kadar gaji minimum ialah RM1,100 sebulan. Perintah ini terpakai kepada semua pekerja kecuali pekhidmat domestik.
8. Selaras Seksyen 43 Akta Majlis Perundingan Gaji Negara (MPGN) [Akta 732], majikan yang tidak membayar gaji pokok sebagaimana yang dinyatakan dalam perintah gaji minimum kepada pekerjanya melakukan suatu kesalahan dan boleh, apabila disabitkan, didenda tidak melebihi RM10,000 bagi setiap pekerja.
9. Dalam hal ini, Akta 732 telah memberikan kuasa kepada Jabatan Tenaga Kerja (JTK) Semenanjung Malaysia, JTK Sabah dan JTK Sarawak untuk menjalankan penguatkuasaan dan penyiasatan berhubung pelaksanaan gaji minimum.
10. Mekanisme yang digunakan oleh pihak JTK bagi pemantauan dan penguatkuasaan gaji minimum yang lebih berkesan adalah seperti yang berikut:

- (i) pemeriksaan berkanun, yang merupakan suatu aktiviti rutin iaitu lawatan ke tempat kerja oleh pegawai-pegawai JTK bagi memeriksa aspek pematuhan undang-undang buruh oleh majikan. Bilangan majikan di bawah sektor pengangkutan

dan penyimpanan yang telah dijalankan pemeriksaan berkanun pada tahun 2021 adalah sebanyak 400 majikan dan 105 majikan pada tahun 2022;

- (ii) pengendalian tuntutan kes buruh di Mahkamah Buruh yang difaiklan berhubung kegagalan majikan membayar gaji minimum. Terdapat 5 kes buruh telah difaiklan oleh pekerja atas tuntutan gaji minima pada tahun 2021. Manakala tiada sebarang kes buruh diterima Pejabat Tenaga Kerja bagi tuntutan yang sama pada tahun 2022 terhadap majikan di bawah sektor pengangkutan dan penyimpanan ;
- (iii) penyiasatan aduan berhubung kegagalan majikan membayar gaji minimum yang difaiklan oleh pekerja di JTK. Sebanyak 6 aduan diterima Pejabat Tenaga Kerja pada tahun 2021 berhubung gaji minima dan 1 aduan telah difaiklan berkaitan isu yang sama terhadap majikan di bawah sektor pengangkutan dan penyimpanan ; dan
- (iv) pendakwaan terhadap majikan-majikan yang masih berdegil untuk membayar kadar gaji minimum kepada pekerja. Bagi tahun 2021 dan 2022, tiada kertas siasatan dibuka dan tindakan pendakwaan dijalankan terhadap majikan di bawah sektor pengangkutan dan penyimpanan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS 2022**

PERTANYAAN : LISAN

**DARIPADA : DATUK DR. SHAHRUDDIN BIN MD. SALLEH
[SRI GADING]**

TARIKH : 21 MAC 2022

SOALAN

DATUK DR. SHAHRUDDIN BIN MD. SALLEH [SRI GADING] minta **MENTERI PERTANIAN DAN INDUSTRI MAKANAN** menyatakan bagaimana program dan insentif Taman Kekal Pengeluaran Makanan (TKPM) dapat memberikan manfaat kepada pengusaha B40 dan belia.

JAWAPAN

Tuan Yang di-Pertua,

Untuk makluman Ahli Yang Berhormat, program Taman Kekal Pengeluaran Makanan (TKPM) merupakan salah satu strategi di bawah Dasar Pertanian Negara Ketiga (DPN3) untuk menggalakkan pelaksanaan projek pertanian secara berskala besar, komersil dan berteknologi tinggi oleh usahawan individu termasuk pemain industri dalam sektor swasta. Konsep Pembangunan TKPM melibatkan kerjasama Kerajaan Persekutuan, Kerajaan Negeri dan pengusaha. Kerajaan Negeri menyediakan tanah dan digazetkan sebagai projek TKPM manakala Kerajaan Persekutuan menyediakan infrastruktur asas dan memantau pengurusan TKPM.

Projek TKPM diwujudkan bagi tujuan:

- i. Mewujudkan zon kekal bagi pengeluaran tanaman makanan;
- ii. Menggalakkan penglibatan usahawan dan sektor swasta dalam pengeluaran tanaman makanan;
- iii. Meningkat dan menyumbang pengeluaran makanan negara yang mencukupi, berkualiti dan mapan dalam konteks mengurangkan defisit imbalan perdagangan;
- iv. Menggalakkan pembangunan rantaian bekalan makanan bersepadu; dan
- v. Mensasarkan pendapatan bersih peserta kepada sekurang-kurangnya RM 3,000/bulan.

Kerajaan Persekutuan melalui Kementerian Pertanian dan Industri Makanan (MAFI) menyediakan peruntukan untuk pembangunan infrastruktur ladang seperti jalan (jalan masuk dan jalan ladang), sistem perparitan dan saliran, sistem pengairan utama, pusat pengumpulan hasil, bekalan elektrik dan bekalan air.

Sepanjang RMK-8 hingga RMK-11, Kerajaan telah membangunkan sebanyak 68 TKPM untuk aktiviti tanaman di seluruh negara dengan kos pembangunan sebanyak RM376.8 juta dan nilai pengeluaran sebanyak RM1.4 bilion. Keluasan tanah yang telah dibangunkan adalah 9,507 hektar dan jumlah peserta terlibat adalah seramai 1,344 orang.

Daripada 68 TKPM tanaman di seluruh negara, lapan (8) TKPM dibangunkan di atas tanah milik Kerajaan Persekutuan manakala baki 60 TKPM adalah diatas tanah Kerajaan Negeri. Lot-lot tanah yang dibangunkan ini kemudian disewakan kepada usahawan tani pada satu kadar yang berpatutan sebagai insentif kerajaan untuk membantu mengurangkan kos operasi yang perlu ditanggung oleh pengusaha.

Projek TKPM ini memberi fokus kepada tanaman yang merupakan keperluan harian rakyat seperti berikut:

- i. Buah-buahan tidak bermusim antaranya seperti:
 - a. Betik;
 - b. Belimbing;
 - c. Pisang;
 - d. Nangka;
 - e. Jambu Batu;
 - f. Nanas;
 - g. Tembikai; dan
 - h. Melon.

- ii. Sayur-sayuran dan tanaman kontan seperti:
 - a. Sayuran buah seperti cili, bendi, terung dan lain-lain;
 - b. Sayuran daun seperti sawi, kangkung, bayam dan lain-lain;
 - c. Sayuran umbisi seperti keledek, sengkuang, ubi kayu dan lain-lain; dan
 - d. Tanaman Kontan seperti jagung manis.

Projek TKPM memberi tumpuan kepada pembangunan peserta dalam kalangan belia dan golongan B40 yang mempunyai minat dan potensi dalam sektor agro makanan. Melalui inisiatif TKPM ini, belia dan golongan B40 dapat memanfaatkan peluang untuk mengusahakan tanaman-tanaman di lot-lot TKPM yang disediakan sebagai platform untuk meningkatkan kemahiran, menimba pengalaman dan membina jaringan pemasaran dengan bimbingan dan seliaan Jabatan dan Agensi dibawah MAFI.

Untuk membantu peserta-peserta TKPM khususnya golongan B40 dan belia yang baharu menceburi bidang pertanian, MAFI juga menyediakan pembiayaan dalam bentuk Geran Agropreneur Muda dan pinjaman mudah melalui program yang disediakan oleh Agrobank. Penyertaan syarikat swasta dalam TKPM juga dapat membantu

mewujudkan peluang pekerjaan kepada golongan belia dan B40 untuk terlibat sama disepanjang rantaian pengeluaran di TKPM.

MAFI juga menggalakkan peserta-peserta TKPM untuk mendapatkan Pensijilan Skim Amalan Pertanian Baik Malaysia (MyGAP) bagi membudayakan kaedah pertanian yang sihat dan selamat supaya produk yang dihasilkan boleh dieksport ke luar negara. Kerajaan menyediakan insentif dan bantuan bagi peserta untuk mendapatkan pensijilan MyGAP. Disamping itu MAFI melalui Lembaga Pemasaran Pertanian Persekutuan (FAMA) juga menawarkan harga yang lebih tinggi bagi hasil-hasil pengeluaran dari ladang yang mempunyai sijil MyGAP.

53% peserta TKPM yang menjalankan aktiviti tanaman kini telah berjaya memperolehi pendapatan purata bersih bulanan melebihi RM3,000. Secara keseluruhan, pelaksanaan program TKPM ini telah mencapai sebahagian besar objektif penubuhannya dalam meningkatkan pendapatan golongan sasar khususnya golongan B40. MAFI sentiasa menggalakkan peserta TKPM untuk meningkatkan hasil pengeluaran melalui pemantauan dan khidmat nasihat serta bantuan teknikal yang berterusan. Peserta-peserta TKPM sentiasa dipantau dari semasa ke semasa dari segi prestasi pengeluaran bagi memastikan objektif pembangunan TKPM tercapai. MAFI melalui Jabatan dan Agensi sentiasa bersama dengan peserta-peserta TKPM ini untuk memastikan golongan ini mendapat bimbingan yang sewajarnya untuk memastikan projek yang dijalankan berjaya dilaksanakan dan meningkatkan pendapatan golongan B40 dan belia seterusnya meningkatkan taraf hidup mereka.

Sekian, terima kasih.

**PEMBERITAHUAN PERTANYAAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS 2022**

PERTANYAAN : LISAN

DARIPADA : DATUK SERI HAJI SALAHUDDIN BIN AYUB [PULAI]

TARIKH : 21 MAC 2022 (ISNIN)

SOALAN

DATUK SERI HAJI SALAHUDDIN BIN AYUB [PULAI] minta **MENTERI PERTANIAN DAN INDUSTRI MAKANAN** menyatakan apakah langkah Kementerian bagi meningkatkan sekuriti makanan negara pada masa hadapan serta langkah pemberdayaan terhadap kegiatan pertanian.

JAWAPAN

Tuan Yang di-Pertua,

Untuk makluman Ahli Yang Berhormat, Kementerian Pertanian dan Industri Makanan (MAFI) komited dalam memastikan kesinambungan bekalan makanan yang mencukupi, selamat dan berkhasiat secara berterusan kepada rakyat.

Dalam hal ini, satu pelan tindakan khusus bagi sekuriti makanan iaitu Pelan Tindakan Dasar Sekuriti Makanan Negara (Pelan Tindakan DSMN) 2021-2025 telah dibangunkan secara kerjasama dengan agensi dan kementerian lain. Antara strategi utama yang digariskan ini termasuklah usaha-usaha untuk:

SOALAN NO : 70

- (i) memperluaskan adaptasi teknologi dalam sistem makanan sebagai langkah pragmatik untuk meningkatkan kecekapan dan produktiviti sistem ini, berteraskan skala ekonomikal dan pertanian mampan;
- (ii) memperkasa penyelidikan dan pembangunan berteraskan sekuriti makanan ke arah meningkatkan kapasiti pengeluaran makanan dan input pertanian seperti makanan ternakan, baka dan benih berkualiti secara domestik;
- (iii) memperkasa ketersediaan data sekuriti makanan bagi mengenal pasti dan memantau tahap sekuriti makanan penduduk Malaysia berdasarkan lokaliti;
- (iv) menterjemah aspirasi "*Food Security as A Shared Responsibility*" dengan memfokuskan usaha untuk memperluas kolaborasi strategik berteraskan sekuriti makanan antara kementerian, kerajaan-kerajaan negeri dan juga sektor swasta; dan
- (v) memperkuuh tadbir urus merentas Jabatan dan Agensi untuk merapatkan jurang dalam sistem makanan bagi meningkatkan kecekapan pemantauan sekuriti makanan negara.

Seiring dengan usaha-usaha tersebut, beberapa inisiatif berteraskan peningkatan produktiviti sektor agromakanan juga telah dikenal pasti bagi memenuhi permintaan pasaran tempatan. Inisiatif-inisiatif tersebut dijangka akan menyumbang kepada pemberdayaan kegiatan pertanian dari konteks kecukupan makanan dan harga makanan dalam menjamin kebolehcapaian makanan oleh rakyat, antaranya:

- (i) pelaksanaan Program *Smart* Sawah Berskala Besar (SMART SBB) yang menyasarkan peningkatan purata hasil per hektar daripada 3.5 tan metrik kepada 7.0 tan metrik dalam tempoh Rancangan Malaysia Kedua Belas (RMKe-12) melalui pelbagai kaedah pelaksanaan seperti pertanian kontrak, sewaan dan sebagainya;

- (ii) pembangunan dan pemerkasaan platform pemasaran produk agromakanan secara e-dagang bagi mengurangkan peranan orang tengah menerusi FAMA dan LKIM seperti *Agrobazaar Online* dan *NekmatBiz* serta kerjasama strategik dengan platform swasta; dan
- (iii) pembangunan makanan ternakan alternatif dan pemerkasaan industri benih tempatan bagi mengurangkan kebergantungan negara kepada import input pertanian selain menyumbang kepada kestabilan harga makanan.

Untuk makluman Ahli Yang Berhormat jua, pemberian insentif berteraskan pengeluaran makanan merupakan salah satu langkah pemberdayaan terhadap kegiatan pertanian dalam menangani kesan kenaikan harga bahan mentah global. Antara insentif yang telah ditawarkan merangkumi:

- (i) bantuan subsidi racun untuk pesawah daripada RM200 kepada RM300 sehektar yang merupakan sebahagian daripada usaha Kerajaan di bawah suntikan ekonomi sebanyak RM262 juta untuk mengatasi kenaikan harga input pertanian;
- (ii) subsidi ayam dan telur dengan kos sebanyak RM528.52 juta dalam usaha mengurangkan beban kepada penternak ayam serta menstabilkan bekalan dan harga; dan
- (iii) Skim Harga Bersubsidi Dedak Isi Rong Sawit di bawah Bajet 2022 yang membolehkan penternak kecil ruminan mendapatkan bekalan makanan ternakan dengan harga lebih murah selaras dengan konsep ekonomi kitaran.

MAFI yakin strategi dan usaha yang sedang dan bakal dilaksanakan ini dapat merancakkan lagi aktiviti pertanian, seterusnya memperkuuh sekuriti makanan melalui pemerkasaan sistem makanan negara agar kekal berdaya tahan dalam mengharungi apa jua keadaan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA,
PARLIMEN KEEMPAT BELAS TAHUN 2022**

PERTANYAAN : LISAN

**DARIPADA : Y.B. TUAN CHOW KON YEOW
[TANJONG]**

TARIKH : 21 MAC 2022 (ISNIN)

SOALAN

TUAN CHOW KON YEOW [TANJONG] minta **MENTERI KEWANGAN** menyatakan peratusan hutang sektor isi rumah berbanding GDP bagi tempoh sebelum dan selepas pandemik COVID-19 (2017 - 2021). Apakah pendekatan yang diambil bagi membantu isi rumah yang menghadapi masalah kewangan dihadapi.

JAWAPAN

Tan Sri Yang di-Pertua,

Sebelum pandemik COVID-19, peratusan hutang isi rumah berbanding KDNK pada akhir tahun 2017 adalah 82.6%, manakala peratusan bagi tahun 2018 adalah 82% dan 2019 adalah 82.7%. **Selepas** pandemik, peratusan hutang isi rumah berbanding KDNK pada akhir tahun 2020 adalah 93.2%. Pada akhir Disember 2021, secara agregatnya, nisbah hutang isi rumah kepada KDNK berada pada paras 89%. Nisbah ini masih lebih tinggi berbanding nisbah dalam tempoh sebelum pandemik disebabkan purata pertumbuhan tahunan KDNK nominal bagi tempoh tahun 2020-2021 (1.3%) yang turun mendadak sebanyak 5.3 mata peratusan berbanding bagi tempoh tahun 2017-2019 (6.6%).

Pertumbuhan hutang pada akhir Disember 2021 didorong terutamanya oleh pinjaman kenderaan dan perumahan, susulan daripada insentif cukai jualan dan perkhidmatan (SST) bagi pembelian kenderaan bermotor dan pelbagai insentif pemilikan rumah yang ditawarkan oleh pihak Kerajaan dan sektor swasta.

Kerajaan sedar bahawa terdapat segmen peminjam isi rumah yang terus menghadapi kesukaran kewangan berikutan pandemik COVID-19 khususnya susulan daripada sekatan pergerakan sebelum ini dan ketidaktentuan ekonomi yang masih berlarutan. Sehubungan itu, pelbagai langkah telah dilaksanakan oleh Kerajaan, terutamanya melalui Bank Negara Malaysia, dan oleh industri perbankan bagi mengurangkan tekanan kewangan ke atas peminjam isi rumah serta menjamin kemampuan pembayaran hutang jangka panjang mereka. Langkah-langkah yang masih dilaksanakan termasuk:

- **Pertama**, bantuan kewangan khas di bawah pelbagai pakej rangsangan ekonomi, subsidi upah dan Bantuan Prihatin Rakyat;

- **Kedua**, kemudahan kepada peminjam untuk menstrukturkan semula hutang supaya ansuran pinjaman mereka lebih bersesuaian dalam jangka masa panjang;
- **Ketiga**, Skim Pengurusan dan Ketahanan Kewangan (URUS) untuk membantu peminjam daripada golongan B50 yang masih terkesan secara menyeluruh, seterusnya mengekalkan daya tahan kewangan jangka panjang mereka. Perkara ini membolehkan peminjam membayar balik pinjaman mengikut kemampuan mereka dan menerima nasihat tentang pengurusan kewangan seterusnya mempertingkatkan daya tahan kewangan peminjam. Di bawah program ini, peminjam golongan B50 yang memenuhi syarat tertentu akan mendapat pengecualian faedah selama tiga bulan dan juga pilihan untuk mengurangkan ansuran pinjaman sehingga 24 bulan keseluruhannya;
- **Keempat**, lain-lain program nasihat dan bantuan menerusi Agensi Kaunseling dan Pengurusan Kredit atau AKPK untuk individu bagi membantu peminjam yang masih menghadapi masalah kewangan; dan
- **Kelima**, khusus untuk mangsa banjir, inisiatif yang dilancarkan oleh agensi Kerajaan dan sektor perbankan antara lain termasuk bantuan tunai, bantuan pembayaran balik pinjaman dan pembiayaan baharu. Langkah-langkah ini dapat memberikan bantuan tambahan yang sangat diperlukan serta dapat meringankan beban kewangan peminjam isi rumah yang terjejas akibat banjir.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS 2022**

PERTANYAAN : LISAN

DARIPADA : TUAN SIM TZE TZIN [BAYAN BARU]

TARIKH : 21 MAC 2022 (ISNIN)

SOALAN

TUAN SIM TZE TZIN [BAYAN BARU] minta **MENTERI PERTANIAN DAN INDUSTRI MAKANAN** menyatakan apakah tindakan Kementerian membantu penternak-penternak khinzir yang mengalami kerugian akibat jangkitan African Swine Fever. Adakah Kementerian bercadang memberi sedikit pampasan kepada penternak untuk menggalakkan laporan kes ASF oleh penternak dan membendung jualan babi sakit ke pasaran.

JAWAPAN

Tuan Yang di-Pertua,

Untuk makluman Ahli Yang Berhormat, Kementerian Pertanian dan Industri Makanan (MAFI) sentiasa berusaha untuk membantu para penternak termasuk dalam menangani pemerebakan penyakit yang boleh membawa kerugian ekonomi. Ini termasuk penyakit *African Swine Fever* (ASF), penyakit demam berdarah akut yang disebabkan oleh virus dari famili *Asfarviridae* yang menyerang ternakan babi.

Setiap tahun Kementerian menerima peruntukan sebanyak RM1 juta bagi tujuan bayaran pampasan penyakit haiwan (penyakit zoonotik dan berkepentingan ekonomi) yang merangkumi pelbagai spesis ternakan termasuk babi. Sehingga 15 Mac 2022, sebanyak 31,844 ternakan telah dijangkiti ASF, melibatkan 91 orang penternak di lima (5) buah negeri iaitu Sabah, Perak, Pahang, Johor dan Melaka. Berdasarkan pengiraan oleh Jabatan Perkhidmatan Veterinar (DVS), anggaran pampasan mencecah sehingga RM12 juta dan peruntukan sedia ada tidak mencukupi.

Kementerian juga telah mengemukakan permohonan peruntukan tambahan sebanyak RM3.8 juta kepada Kementerian Kewangan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS 2022**

PERTANYAAN : LISAN

**DARIPADA : DATO' HAJI MAHFUZ BIN HAJI OMAR
[POKOK SENA]**

TARIKH : 21 MAC 2022 (ISNIN)

SOALAN

**DATO' HAJI MAHFUZ BIN HAJI OMAR [POKOK SENA] minta
MENTERI PERTANIAN DAN INDUSTRI MAKANAN menyatakan :-**

- (a) apakah kesan jangka panjang terhadap industri ternakan ayam dan pengguna akibat daripada kenaikan kos penternakan dan pengeluaran ayam ; dan
- (b) apakah bantuan dan sistem sokongan Kementerian untuk membantu para penternak ayam dalam menghadapi kesan kenaikan harga makanan ayam global bagi menjamin bekalan yang mencukupi serta harga yang tidak membebankan pengguna selepas tamat tempoh empat bulan pada 4 Jun 2022 program subsidi 60 sen per/kilogram.

JAWAPAN

Tuan Yang di-Pertua,

Untuk makluman Ahli Yang Berhormat, purata keperluan ayam dalam negara adalah sebanyak 2.09 juta ekor sehari atau 62.9 juta ekor sebulan. Data pengeluaran ayam yang dikeluarkan oleh Jabatan Perkhidmatan Veterinar (DVS) pada bulan Oktober 2021 adalah sebanyak 52.05 juta ekor menurun kepada 51.4 juta ekor pada bulan November 2021. Manakala pengeluaran ayam pada bulan Disember 2021 adalah sebanyak 61.1 juta ekor berbanding 62.9 juta ekor mengikut keperluan sebenar. Ini menunjukkan terdapat kekurangan bekalan di pasaran. Antara faktor-faktor yang menyebabkan berlakunya penurunan bekalan ayam tersebut adalah seperti berikut:

- (i) pengurangan pengeluaran ayam oleh pihak industri bagi mengelakkan kerugian berikutan peningkatan kos operasi pengeluaran ayam. Kos makanan ternakan menyumbang kepada 70% daripada kos pengeluaran. Komposisi makanan ayam terdiri daripada bahan mentah utama iaitu jagung dan *soybean meal* (SBM). Pada bulan Mac 2022, harga jagung telah meningkat sebanyak 110.99% kepada RM1,920/tan, berbanding bulan RM910.00/tan pada Januari 2020. Manakala harga SBM telah meningkat sebanyak 83.45% kepada RM3,070/tan pada Mac 2022, berbanding RM1,673.50/tan pada bulan Januari 2020. Kenaikan harga import bahan mentah ini disebabkan oleh kenaikan harga pasaran dunia dan kadar tukaran matawang di luar kawalan pengimport. Faktor lain yang mempengaruhi kenaikan harga ayam adalah peningkatan kos operasi di sepanjang rantaian seperti kos logistik, kos pekerja dan kadar tukaran matawang asing;
- (ii) peningkatan permintaan yang mendadak berikutan pembukaan semula sektor ekonomi terutamanya perhotelan, restoran dan katering pasca Perintah Kawalan Pergerakan (PKP) mulai Oktober 2021;

- (iii) bencana banjir pada penghujung tahun 2021 yang menjelaskan industri ternakan ayam; dan
- (iv) pengurangan kemasukan anak ayam oleh pihak industri semasa musim hujan bagi mengurangkan risiko penyakit berjangkit seperti sampar ayam (*Newcastle Disease*).

Bagi memenuhi permintaan tempatan serta meringankan beban penternak, Kerajaan melaksanakan langkah jangka pendek dan jangka panjang seperti berikut:

(a) Jangka pendek

- (i) memberi kebenaran mengimport (*approved permit – AP*) kepada 36 buah syarikat untuk mengimport ayam sebanyak 36,030 tan metrik bagi tempoh Disember 2021 hingga Mei 2022 tertakluk kepada syarat-syarat yang ditetapkan;
- (ii) memberi subsidi sebanyak RM0.60/kg bagi ayam bulat dan RM0.05/biji bagi telur gred A, B dan C bermula dari 5 Februari hingga 5 Jun 2022. Usaha ini dijangka memberi manfaat kepada 2,061 penternak ayam pedaging dan 194 penternak ayam penelur. Rakyat pula dapat menikmati harga ayam bulat lebih rendah iaitu RM8.90/kg dan harga telur antara RM0.39 hingga RM0.43 sebiji mengikut gred. Jumlah keseluruhan subsidi yang ditanggung oleh Kerajaan ialah sebanyak RM528.52 juta. Permohonan subsidi telah dibuka mulai 28 Februari sehingga 6 Jun 2022 melalui DVS Negeri. Untuk mendapatkan bantuan subsidi tersebut, penternak perlu mengemukakan permohonan melalui borang yang boleh didapati di laman sesawang Jabatan Perkhidmatan Veterinar www.dvs.gov.my. Semua permohonan yang dikemukakan penternak akan dinilai di peringkat lapangan di negeri dan dipertimbangkan oleh Jawatankuasa di peringkat Putrajaya untuk kelulusan

tuntutan. Bagi permohonan yang berjaya, tuntutan subsidi akan dikreditkan ke dalam akaun penternak melalui Agrobank dalam tempoh satu (1) hingga tiga (3) hari.

(b) Jangka panjang

- (i) mengurangkan kebergantungan kepada sumber jagung import sebanyak 30% menerusi inisiatif penanaman jagung bijian dalam negara yang berkeluasan sehingga 80,000 hektar dengan sasaran pengeluaran jagung bijian tempatan sebanyak 1.44 juta tan metrik menjelang tahun 2033;
- (ii) menjalankan kajian bagi menghasilkan bahan mentah gantian Kek Isirung Sawit (PKC/PKE) dari sumber tempatan berdasarkan isirung sawit; dan
- (iii) menawarkan pinjaman mudah sebanyak RM200 juta kepada penternak melalui Agrobank bagi membantu penternak mengatasi masalah modal pusingan kewangan yang terjejas akibat kenaikan kos pengeluaran.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS 2022**

PERTANYAAN : LISAN

DARIPADA : TUAN AHMAD BIN HASSAN [PAPAR]

TARIKH : 21 MAC 2022 (ISNIN)

SOALAN

TUAN AHMAD BIN HASSAN [PAPAR] minta **MENTERI PERTANIAN DAN INDUSTRI MAKANAN** menyatakan sejauh manakah langkah intervensi Kementerian menetapkan harga runcit bagi ayam standard dapat membantu penternak ayam tempatan daripada mengalami kerugian.

JAWAPAN

Tuan Yang di-Pertua,

Untuk makluman Ahli Yang Berhormat, purata keperluan ayam dalam negara adalah sebanyak 2.09 juta ekor sehari atau 62.9 juta ekor sebulan. Data pengeluaran ayam yang dikeluarkan oleh Jabatan Perkhidmatan Veterinar (DVS) pada bulan Oktober 2021 adalah sebanyak 52.05 juta ekor menurun kepada 51.4 juta ekor pada bulan November 2021. Manakala pengeluaran ayam pada bulan Disember 2021 adalah sebanyak 61.1 juta ekor berbanding 62.9 juta ekor mengikut keperluan sebenar. Ini menunjukkan terdapat kekurangan bekalan di pasaran. Antara faktor-faktor yang menyebabkan berlakunya penurunan bekalan ayam tersebut adalah seperti berikut:

- (i) pengurangan pengeluaran ayam oleh pihak industri bagi mengelakkan kerugian berikutan peningkatan kos operasi pengeluaran ayam. Kos makanan ternakan menyumbang kepada 70% daripada kos pengeluaran. Komposisi makanan ayam terdiri daripada bahan mentah utama iaitu jagung dan *soybean meal* (SBM). Pada bulan Mac 2022, harga jagung telah meningkat sebanyak 110.99% kepada RM1,920/tan, berbanding bulan RM910.00/tan pada Januari 2020. Manakala harga SBM telah meningkat sebanyak 83.45% kepada RM3,070/tan pada Mac 2022, berbanding RM1,673.50/tan pada bulan Januari 2020. Kenaikan harga import bahan mentah ini disebabkan oleh kenaikan harga pasaran dunia dan kadar tukaran matawang di luar kawalan pengimport. Faktor lain yang mempengaruhi kenaikan harga ayam adalah peningkatan kos operasi di sepanjang rantaian seperti kos logistik, kos pekerja dan kadar tukaran matawang asing;
- (ii) peningkatan permintaan yang mendadak berikutan pembukaan semula sektor ekonomi terutamanya perhotelan, restoran dan katering pasca Perintah Kawalan Pergerakan (PKP) mulai Oktober 2021;

- (iii) bencana banjir pada penghujung tahun 2021 yang menjelaskan industri ternakan ayam; dan
- (iv) pengurangan kemasukan anak ayam oleh pihak industri semasa musim hujan bagi mengurangkan risiko penyakit berjangkit seperti sampar ayam (*Newcastle Disease*).

Bagi memenuhi permintaan tempatan serta meringankan beban penternak, Kerajaan melaksanakan langkah jangka pendek dan jangka panjang seperti berikut:

(a) Jangka pendek

- (i) memberi kebenaran mengimport (*approved permit – AP*) kepada 36 buah syarikat untuk mengimport ayam sebanyak 36,030 tan metrik bagi tempoh Disember 2021 hingga Mei 2022 tertakluk kepada syarat-syarat yang ditetapkan;
- (ii) memberi subsidi sebanyak RM0.60/kg bagi ayam bulat dan RM0.05/biji bagi telur gred A, B dan C bermula dari 5 Februari hingga 5 Jun 2022. Usaha ini dijangka memberi manfaat kepada 2,061 penternak ayam pedaging dan 194 penternak ayam penelur. Rakyat pula dapat menikmati harga ayam bulat lebih rendah iaitu RM8.90/kg dan harga telur antara RM0.39 hingga RM0.43 sebiji mengikut gred. Jumlah keseluruhan subsidi yang ditanggung oleh Kerajaan ialah sebanyak RM528.52 juta. Permohonan subsidi telah dibuka mulai 28 Februari sehingga 6 Jun 2022 melalui DVS Negeri. Untuk mendapatkan bantuan subsidi tersebut, penternak perlu mengemukakan permohonan melalui borang yang boleh didapati di laman sesawang Jabatan Perkhidmatan Veterinar www.dvs.gov.my. Semua permohonan yang dikemukakan penternak akan dinilai di peringkat lapangan di negeri dan dipertimbangkan oleh Jawatankuasa di peringkat Putrajaya untuk kelulusan

tuntutan. Bagi permohonan yang berjaya, tuntutan subsidi akan dikreditkan ke dalam akaun penternak melalui Agrobank dalam tempoh satu (1) hingga tiga (3) hari.

(b) Jangka panjang

- (i) mengurangkan kebergantungan kepada sumber jagung import sebanyak 30% menerusi inisiatif penanaman jagung bijian dalam negara yang berkeluasan sehingga 80,000 hektar dengan sasaran pengeluaran jagung bijian tempatan sebanyak 1.44 juta tan metrik menjelang tahun 2033;
- (ii) menjalankan kajian bagi menghasilkan bahan mentah gantian Kek Isirung Sawit (PKC/PKE) dari sumber tempatan berdasarkan isirung sawit; dan
- (iii) menawarkan pinjaman mudah sebanyak RM200 juta kepada penternak melalui Agrobank bagi membantu penternak mengatasi masalah modal pusingan kewangan yang terjejas akibat kenaikan kos pengeluaran.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS TAHUN 2022**

PERTANYAAN : LISAN

**DARIPADA : DATUK SERI SHAMSUL ISKANDAR @ YUSRE
BIN MOHD AKIN [HANG TUAH JAYA]**

TARIKH : 21 MAC 2022 (ISNIN)

SOALAN

DATUK SERI SHAMSUL ISKANDAR @ YUSRE BIN MOHD AKIN [HANG TUAH JAYA] minta **MENTERI KANAN PENDIDIKAN** menyatakan sama ada Kementerian mempunyai perancangan untuk menyelaraskan pembelajaran secara fizikal dan pelaksanaan pembelajaran atas talian agar pelajar-pelajar dan guru-guru sentiasa bersiap siaga sekiranya terdapat kekangan dalam menjalankan mana-mana jenis pembelajaran.

JAWAPAN

Tuan Yang di-Pertua,

Kementerian Pendidikan Malaysia (KPM) telah merangka satu pelan komprehensif pembukaan semula sekolah bagi memastikan murid dapat kembali belajar secara bersemuka di sekolah dalam keadaan selamat.

Berdasarkan pandangan dan nasihat Kementerian Kesihatan Malaysia, pengoperasian sekolah khususnya bagi penggal 3, sesi 2021/2022 dilaksana dengan kaedah kehadiran secara bersemuka tanpa penggiliran, kehadiran secara penggiliran mengikut minggu dan juga melaksana Pengajaran dan Pembelajaran di Rumah (PdPR) bagi kumpulan murid tertentu di sekolah rendah dan sekolah menengah.

SOALAN NO : 75

Bagi tujuan tersebut, KPM juga telah menyediakan Manual Pengoperasian Pengajaran dan Pembelajaran Secara Penggiliran dan Manual Pengajaran dan Pembelajaran di Rumah sebagai panduan kepada pengetua/guru besar, guru, murid dan ibu bapa/penjaga dalam memastikan pembelajaran murid secara optimum. Kedua-dua manual ini membolehkan pembelajaran secara fizikal dan dalam talian dapat dilaksanakan oleh guru dan murid walaupun terdapat kekangan dalam pelaksanaan pengajaran dan pembelajaran (PdP).

Untuk makluman Ahli Yang Berhormat, KPM telah menyediakan pelantar *Digital Educational Learning Initiative Malaysia* (DELIMa) yang lengkap dengan fitur baharu bagi meningkatkan pengalaman pengguna, analitis data, kandungan dan pembelajaran diperibadikan. Pelantar DELIMa telah mendapat tahap penerimaan yang tinggi daripada guru dan murid. Berdasarkan data penggunaan DELIMa pada 20 Februari 2022, bilangan kekerapan daftar masuk guru ke pelantar DELIMa adalah sebanyak 441,471 kali, manakala bilangan kekerapan daftar masuk murid pula adalah sebanyak 3.5 juta kali. Bilangan daftar masuk yang tinggi ini menunjukkan PdP dalam talian turut dilaksanakan secara aktif oleh guru dan murid.

KPM sentiasa komited bagi memastikan pembelajaran murid tidak terjejas dan dapat dilaksanakan dengan efektif.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA,
PARLIMEN KEEMPAT BELAS**

PERTANYAAN : LISAN

DARIPADA : DR LEE BOON CHYE [GOPENG]

TARIKH : 21 MAC 2022 (ISNIN)

SOALAN

DR. LEE BOON CHYE [GOPENG] minta **MENTERI KOMUNIKASI DAN MULTIMEDIA** menyatakan setakat manakah pelaksanaan 5G di negara ini.

JAWAPAN

Tuan Yang Dipertua,

Pelaksanaan rangkaian 5G oleh Digital Nasional Berhad (DNB) sedang berjalan mengikut perancangan yang telah dibuat. DNB telah mencapai sasaran-sasaran bagi Fasa 1A pada tahun 2021 iaitu menyiapkan 500 tapak 5G meliputi kawasan sekitar Putrajaya, Cyberjaya dan Kuala Lumpur, dan memulakan akses kepada perkhidmatan rangkaian borong mereka pada 15 Disember 2021 lalu.

Peluasan rangkaian 5G diteruskan dalam Fasa 1B dengan sasaran 3,518 tapak bagi tahun 2022, yang akan melibatkan kawasan Lembah Klang dan bandar-bandar utama di Johor, Melaka, Negeri Sembilan, Perak, Pulau Pinang, Sabah dan Sarawak.

Dari segi perkhidmatan kepada pengguna, YTL Communications (YTLC) dan Telekom Malaysia (TM) telah mendapatkan akses daripada DNB. Mereka turut sedang bekerjasama rapat dengan DNB mengoptimumkan kualiti perkhidmatan 5G kepada pengguna.

YTLC telah membenarkan pelanggan mereka menikmati perkhidmatan 5G. Sehingga 11 Februari 2022, terdapat 2,457 orang bilangan pengguna aktif yang direkodkan dan purata kelajuan muat turun perkhidmatan 5G berada pada tahap 588 Mbps. Manakala bagi pihak TM pula, mereka masih menjalani fasa ujian.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KE-EMPAT BELAS**

PERTANYAAN : JAWAB LISAN

DARIPADA : YB TUAN LOKE SIEW FOOK (SEREMBAN)

TARIKH : 21 MAC 2022 (ISNIN)

SOALAN NO. 77

TUAN LOKE SIEW FOKK [SEREMBAN] minta **MENTERI PENGANGKUTAN** menyatakan secara terperinci mekanisma pelaksanaan subsidi pembelian kerusi keselamatan kanak-kanak seperti yang diumumkan dalam Bajet 2022 dan agensi mana yang akan melaksanakan program ini.

JAWAPAN

Tuan Yang di-Pertua,

1. Kerajaan di bawah Bajet 2022 telah mengumumkan pemberian subsidi 50 peratus atau sehingga RM150 untuk pembelian kerusi keselamatan kanak-kanak (CRS) oleh keluarga B40. Bagi tujuan pemberian subsidi ini, peruntukan berjumlah RM30 juta telah disediakan untuk tahun 2022 dan bakal memanfaatkan lebih 188 ribu keluarga B40.
2. Dalam hubungan ini, Kementerian Pengangkutan Malaysia (MOT) telah melantik Institut Penyelidikan Keselamatan Jalan Raya Malaysia (MIROS) sebagai agensi pelaksana bagi program tersebut. Bagi tujuan pengenalannya, program ini akan diberi nama "Program Subsidi Pembelian Kerusi Keselamatan Kanak-Kanak Keluarga Malaysia (MyCRS)".

3. Perincian mekanisma pelaksanaan Subsidi MyCRS adalah seperti berikut:

- (i) Kerajaan akan memberi subsidi 50% bagi pembelian produk CRS yang berharga RM300 ke bawah dan RM150 bagi produk CRS berharga RM301 ke atas;
- (ii) Kumpulan sasar iaitu wakil keluarga B40 akan membuat pembelian dan tuntutan di kedai-kedai menjual produk CRS yang terpilih (yang berdaftar bagi program ini dengan pihak MIROS). Produk CRS yang boleh dijual atau dibeli hanyalah yang mematuhi standard dan peraturan yang telah ditetapkan sahaja. Pembeli akan terus menerima subsidi semasa membuat pembelian CRS daripada kedai berkenaan, iaitu hanya membayar perbezaan harga CRS apabila telah ditolak dengan subsidi yang ditetapkan. Data keluarga B40 ini sedang disemak oleh pihak MIROS dengan rekod dan database keluarga B40 daripada agensi-agensi Kerajaan berkaitan yang mempunyai data seperti pihak Kementerian Kewangan dan Jabatan Kebajikan Masyarakat; dan
- (iii) Pihak kedai atau penjual akan seterusnya mengemukakan tuntutan subsidi daripada Kerajaan melalui MIROS. Pihak MIROS akan memproses setiap tuntutan bagi memastikan kesahihannya dan seterusnya membuat pembayaran subsidi kepada pihak kedai atau penjual.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA,
PARLIMEN KEEMPAT BELAS TAHUN 2022**

PERTANYAAN

LISAN

DARIPADA

**Y.B. DATO' HAJI MOHD FASIAH BIN HAJI
MOHD FAKEH
[SABAK BERNAM]**

TARIKH

21 MAC 2022 (ISNIN)

SOALAN

DATO' HAJI MOHD FASIAH BIN HAJI MOHD FAKEH [SABAK BERNAM] minta **MENTERI KEWANGAN** menyatakan setakat manakah Majlis Pemulihan Negara (MPN) telah berkesan dalam menjayakan langkah-langkah Pelan Pemulihan Negara (PPN) khususnya pelaksanaan Program Imunisasi COVID-19 Kebangsaan (PICK) dan seterusnya memudah cara pembukaan sektor-sektor ekonomi dan sosial.

JAWAPAN

Tan Sri Yang di-Pertua,

Untuk makluman Ahli Yang Berhormat, sehingga kini pelbagai kejayaan telah dicapai oleh Majlis Pemulihan Negara. Kejayaan ini adalah sejajar dengan pelaksanaan Pelan Pemulihan Negara 1.0 yang telah dilancarkan pada Julai 2021 yang lalu. Antara pencapaian utama tersebut adalah:

- i. Semua negeri dalam Negara telah berjaya beralih ke Fasa-4 dengan hampir semua sektor ekonomi telah beroperasi sepenuhnya. Pembukaan pelbagai sektor ekonomi ini telah melihat perdagangan luar mencecah lebih RM2 trilion dengan nilai

kemasukan bersih FDI melebihi RM50 bilion. Ini turut menyumbangkan kepada penguncupan kadar pengangguran kepada 4.2%;

- ii. **Hampir 98% orang dewasa di Negara ini divaksinasi** dengan menerima dua kali suntikan vaksin lengkap. Kejayaan ini telah dicapai dengan keberkesanan dalam memberi perlindungan daripada jangkitan yang lebih teruk melalui Program Imunisasi COVID-19 Kebangsaan (PICK);
- iii. Kejayaan **Program Gelembung Pelancongan Antarabangsa Langkawi**. Program rintis ini telah dilaksanakan bermula 15 November 2021 yang lalu untuk tempoh 3 bulan. Dengan kejayaan program ini, ianya akan terus dilanjutkan sehingga sempadan negara dibuka sepenuhnya kelak;
- iv. **Pakej Pemulihan Rakyat dan Pemulihan Ekonomi (PEMULIH)**
- bagi Pakej PEMULIH iaitu Pakej Rangsangan Ekonomi kelapan yang diumumkan pada 28 Jun 2021, sejumlah RM111.37 bilion atau daripada RM150 bilion yang diperuntukkan telah disalurkan setakat 31 Disember 2021. Pecahan inisiatif utama yang telah disalurkan adalah seperti berikut:
 - RM80 bilion telah diperuntukkan bagi Program Bantuan Pembayaran Balik Pinjaman dan Moratorium;
 - RM4.6 bilion telah disalurkan bagi Program Bantuan Khas COVID-19 (BKC) yang memanfaatkan 9,950,000 penerima; dan
 - RM2.15 bilion telah disalurkan bagi Lanjutan Program Subsidi Upah 4.0.

Selain itu juga, Sekretariat MPN sedang merangka Pelan Pemulihan Negara 2.0. Pelan ini adalah merupakan satu pelan yang akan dirangka secara lebih komprehensif dan inklusif bagi memastikan pemulihan seterusnya yang lebih bersifat menyeluruh.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA,
PARLIMEN KEEMPAT BELAS 2022**

PERTANYAAN : JAWAB LISAN

**DARIPADA : YB TUAN KESAVAN A/L SUBRAMANIAM
[SUNGAI SIPUT]**

TARIKH : 21 MAC 2022 (ISNIN)

SOALAN

Tuan Kesavan A/L Subramaniam [Sungai Siput] minta **MENTERI PEMBANGUNAN WANITA, KELUARGA DAN MASYARAKAT PERDANA** **MENTERI** menyatakan Pada 30 Ogos 2020 bahawa bantuan Orang Kurang Upaya (OKU) dinaikkan kepada RM1,000 sebulan. Nyatakan status terkini mengenai pengumuman oleh Mantan Perdana Menteri dan pendirian YAB Perdana Menteri sekarang berhubung bantuan RM1,000 kepada OKU.

JAWAPAN

Tuan Yang di-Pertua,

Kementerian Pembangunan Wanita, Keluarga dan Masyarakat (KPWKM) bersama Jabatan Kebajikan Masyarakat (JKM) telah pun melaksanakan kenaikan kadar bantuan kewangan persekutuan mulai **bulan Januari 2021 ke atas 5 skim bantuan persekutuan yang memberi manfaat kepada 407,804 penerima dengan perbelanjaan sebanyak RM 2.09 bilion.**

Kenaikan kadar bantuan ini bukan sahaja untuk golongan OKU tetapi terdapat lima (5) skim bantuan kewangan persekutuan yang telah dinaikkan seperti berikut:

- 1) Kadar Bantuan OKU Tidak Berupaya Bekerja (**BTB**) **dinaikkan daripada RM250 kepada RM300 sebulan seorang.** Sejumlah 85,468 klien dengan kos RM292.1 juta mendapat manfaat pada 2021;
- 2) Kadar Bantuan Warga Emas (**BWE**) **dinaikkan daripada RM350 kepada RM500 sebulan seorang.** 138,446 warga emas mendapat manfaat dengan kos RM831.5 juta sepanjang tahun 2021;
- 3) Bantuan Penjagaan OKU dan Pesakit Kronik Terlantar (**BPT**) **dinaikkan daripada RM350 kepada RM500 sebulan seorang.** Sejumlah 25,800 penerima dengan kos RM161.2 juta mendapat manfaat bagi tahun 2021;
- 4) Kadar bantuan Elaun Pekerja OKU (**EPOKU**) **dinaikkan daripada RM400 kepada RM450 sebulan seorang.** Penerima EPOKU bagi tahun 2021 berjumlah 93,236 dengan kos RM493.9 juta; dan
- 5) Kadar Bantuan Kanak-Kanak (**BKK**) **untuk keluarga miskin dinaikkan daripada RM100 bagi seorang anak dengan maksimum RM450 kepada RM150 seorang anak berumur 7 tahun hingga 18 tahun dan RM200 seorang anak berumur bawah 7 tahun dengan maksimum**

SOALAN NO. : 80

RM1,000 sekeluarga. Sejumlah 64,854 keluarga menerima bantuan ini dengan kos RM312.7 juta bagi tempoh 2021.

Tuan Yang di-Pertua,

Selain daripada kenaikan kadar bantuan tersebut, JKM juga telah **melaksanakan kenaikan syarat kelayakan bagi skim bantuan Elaun Pekerja OKU (EPOKU)** iaitu daripada syarat kelayakan pendapatan **di bawah RM1,200 sebulan kepada kelayakan pendapatan di bawah RM1,500 sebulan** mulai tahun 2021.

Manakala bagi tahun 2022, syarat kelayakan permohonan skim bantuan-bantuan lain juga telah dinaikkan mulai Januari 2022 iaitu daripada kelayakan di bawah **Pendapatan Garis Kemiskinan (PGK) RM980 sebulan dinaikkan kepada PGK RM1,169 sebulan atau bersamaan dengan Per Kapita RM310 sebulan.** Melalui kenaikan ini, diunjurkan lebih ramai Ketua Isi Rumah (KIR) di bawah miskin tegar akan dapat dibantu. **JKM mengunjurkan lebih 5% kenaikan kes berbanding tahun 2021 akan berlaku dengan implikasi kewangan dijangka akan bertambah lebih RM200 juta bagi tahun 2022.**

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KE-EMPAT BELAS**

PERTANYAAN : JAWAB LISAN

DARIPADA : YB TUAN LIM GUAN ENG (BAGAN)

TARIKH : 21 MAC 2022 (ISNIN)

SOALAN

TUAN LIM GUAN ENG [BAGAN] minta **MENTERI PENGANGKUTAN** menyatakan status perbincangan dengan Singapura berkaitan projek Keretapi Berkelajuan Tinggi (HSR) Kuala Lumpur-Singapura yang telah ditamatkan dengan pembayaran ganti-rugi RM320 juta kepada Singapura serta status projek gantian HSR KL Johor Bahru.

JAWAPAN

Tuan Yang di-Pertua,

Pada masa ini Kementerian Pengangkutan belum memulakan sebarang perundingan dengan Kerajaan Singapura setelah keputusan dibuat untuk melaksanakan Projek HSR Kuala Lumpur-Iskandar Puteri (KL-IP). Kementerian Pengangkutan bersama-sama Unit Perancang Ekonomi, Jabatan Perdana Menteri sedang mengadakan perbincangan lanjut bagi meneliti aspek teknikal, komersil dan pembiayaan projek HSR KL-IP menggunakan model baharu.

Sekian, terima kasih.

**PEMBERITAHUAN PERTANYAAN JAWAB LISAN DEWAN
RAKYAT MESYUARAT PERTAMA, PENGGAL KELIMA,
PARLIMEN KEEMPAT BELAS 2022**

PERTANYAAN : LISAN

**DARIPADA : DATUK SERI SHAMSUL ISKANDAR @ YUSRE
BIN MOHD AKIN
(HANG TUAH JAYA)**

TARIKH : 21 MAC 2022 (ISNIN)

SOALAN

**DATUK SERI SHAMSUL ISKANDAR @ YUSRE BIN MOHD AKIN
(HANG TUAH JAYA)** minta **MENTERI SAINS, TEKNOLOGI DAN
INOVASI** menyatakan mengenai kajian susulan mengenai teknologi Thohira yang mampu membantu penternak dalam mengawal kos. (Thohira adalah sejenis dedak ternakan suci dan bersih, teknologi berasaskan formulasi daripada sisa industri tempatan iaitu isirung kelapa sawit bersama mikrokapsul mikroorganisma) yang dilakukan oleh sekumpulan penyelidik Universiti Putra Malaysia (UPM).

JAWAPAN

Tan Sri Yang di-Pertua,

Teknologi Thohira daripada Universiti Putra Malaysia (UPM) telah melalui pelbagai siri kajian susulan bermula di peringkat makmal sehingga ke peringkat industri. Sehingga kini, teknologi ini telah dikomersialkan oleh syarikat tempatan Halways Sdn Bhd, iaitu sebuah syarikat *start-up* daripada bimbingan program *InnoHub, Putra Science Park UPM*.

Syarikat ini mempunyai kepakaran dalam teknologi formulasi dedak dan menawarkan khidmat untuk menghasilkan formula dedak melalui penggunaan teknologi Thohira yang membantu mengurangkan kebergantungan kilang dedak terhadap bahan mentah import soya dan jagung. Selain itu, teknologi Thohira ini juga ditawarkan kepada penternak-penternak di ladang-ladang untuk meningkatkan prestasi tumbesaran ternakan sekaligus membantu penternak mengawal kos.

Syarikat Halways Sdn Bhd dan UPM telah mengambil inisiatif mengkomersialkan teknologi Thohira dengan menjalankan beberapa siri kursus kepada penternak dan pengilang dedak. Dalam hal ini, pihak syarikat pengeluar dedak dan penternak digalakkan untuk hadir ke kursus tersebut agar penggunaan teknologi Thohira ini dapat diperluaskan, sekaligus membantu kilang dedak dan penternak mengawal kos melalui teknologi tempatan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS**

PERTANYAAN : LISAN

**DARIPADA : DATO' SYED ABU HUSSIN BIN HAFIZ SYED
ABDUL FASAL [BUKIT GANTANG]**

TARIKH : 21 MAC 2022 (KHAMIS)

SOALAN

DATO' SYED ABU HUSSIN BIN HAFIZ SYED ABDUL FASAL (BUKIT GANTANG) minta **MENTERI PERTANIAN DAN INDUSTRI MAKANAN** menyatakan cara penyelesaian efektif bagi membawa masuk dan membenarkan tekong dan krew kapal daripada luar negara seperti Thailand dan Myammar kembali berkerja semula di sektor laut dalam di Malaysia susulan masih terdapat yang tidak dapat dibawa masuk. Apakah pemudahcara dan prosedur terkini yang perlu dilalui oleh pengusaha kapal laut dalam tempoh Pelan Pemulihan Negara ini.

JAWAPAN

Tuan Yang Di Pertua,

Untuk makluman Ahli Yang Berhormat, Kementerian Pertanian dan Industri Makanan (MAFI) telah mengadakan beberapa sesi libat urus bersama agensi berkaitan termasuk Kementerian Luar Negeri (KLN), pihak Kedutaan Thailand dan agensi di negeri-negeri bagi membawa masuk dan membenarkan tekong dan kru kapal daripada luar negara untuk kembali bekerja di sektor laut dalam di Malaysia.

Antara pemudahcara dan prosedur terkini yang perlu dilalui oleh pengusaha kapal laut dalam tempoh Pelan Pemulihan Negara adalah:

- a) mematuhi prosedur operasi standard proses (SOP) kemasukan pekerja asing ke Malaysia yang telah diwartakan oleh Majlis Keselamatan Negara (MKN) bertarikh 19 Januari 2022 iaitu kru nelayan asing warganegara Thailand dibenarkan untuk memasuki negara melalui jalan darat di tiga (3) Pintu Masuk Antarabangsa (PMA) iaitu Bukit Kayu Hitam (Kedah), Wang Kelian (Perlis) dan Rantau Panjang (Kelantan); dan
- b) mematuhi Pekeliling Imigresen Bil. 7 Tahun 2021 iaitu berkuatkuasa 1 Januari 2022, semua kru warganegara asing yang bekerja di atas vesel penangkapan ikan tempatan hendaklah mempunyai Pas Lawatan Kerja Sementara (PLKS) yang dikeluarkan oleh Jabatan Imigresen Malaysia (JIM).

Sekian, terima kasih.

SOALAN NO : 83

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS 2022**

PERTANYAAN : LISAN

DARIPADA : TUAN CHAN FOONG HIN [KOTA KINABALU]

TARIKH : 21 MAC 2022 (ISNIN)

SOALAN

TUAN CHAN FOONG HIN [KOTA KINABALU] minta **MENTERI PERTANIAN DAN INDUSTRI MAKANAN** menyatakan langkah Kementerian mencari keseimbangan di antara mengurangkan beban rakyat dalam pengawalan harga ayam dan telur ayam, memastikan bekalan ayam dan telur ayam mencukupi, dan menampung peningkatan kos penternak ayam. Bagaimana jumlah subsidi akan dibayar kepada penternak ayam semasa kawalan harga pasaran.

JAWAPAN

Tuan Yang di-Pertua,

Untuk makluman Ahli Yang Berhormat, purata keperluan ayam dalam negara adalah sebanyak 2.09 juta ekor sehari atau 62.9 juta ekor sebulan. Data pengeluaran ayam yang dikeluarkan oleh Jabatan Perkhidmatan Veterinar (DVS) pada bulan Oktober 2021 adalah sebanyak 52.05 juta ekor menurun kepada 51.4 juta ekor pada bulan November 2021. Manakala pengeluaran ayam pada bulan Disember 2021 adalah sebanyak 61.1 juta ekor berbanding 62.9 juta ekor mengikut keperluan sebenar. Ini menunjukkan terdapat kekurangan bekalan di pasaran. Antara faktor-faktor yang menyebabkan berlakunya penurunan bekalan ayam tersebut adalah seperti berikut:

- (i) pengurangan pengeluaran ayam oleh pihak industri bagi mengelakkan kerugian berikutan peningkatan kos operasi pengeluaran ayam. Kos makanan ternakan menyumbang kepada 70% daripada kos pengeluaran. Komposisi makanan ayam terdiri daripada bahan mentah utama iaitu jagung dan *soybean meal* (SBM). Pada bulan Mac 2022, harga jagung telah meningkat sebanyak 110.99% kepada RM1,920/tan, berbanding bulan RM910.00/tan pada Januari 2020. Manakala harga SBM telah meningkat sebanyak 83.45% kepada RM3,070/tan pada Mac 2022, berbanding RM1,673.50/tan pada bulan Januari 2020. Kenaikan harga import bahan mentah ini disebabkan oleh kenaikan harga pasaran dunia dan kadar tukaran matawang di luar kawalan pengimport. Faktor lain yang mempengaruhi kenaikan harga ayam adalah peningkatan kos operasi di sepanjang rantaian seperti kos logistik, kos pekerja dan kadar tukaran matawang asing;
- (ii) peningkatan permintaan yang mendadak berikutan pembukaan semula sektor ekonomi terutamanya perhotelan, restoran dan katering pasca Perintah Kawalan Pergerakan (PKP) mulai Oktober 2021;

- (iii) bencana banjir pada penghujung tahun 2021 yang menjelaskan industri ternakan ayam; dan
- (iv) pengurangan kemasukan anak ayam oleh pihak industri semasa musim hujan bagi mengurangkan risiko penyakit berjangkit seperti sampar ayam (*Newcastle Disease*).

Bagi memenuhi permintaan tempatan serta meringankan beban penternak, Kerajaan melaksanakan langkah jangka pendek dan jangka panjang seperti berikut:

(a) Jangka pendek

- (i) memberi kebenaran mengimport (*approved permit – AP*) kepada 36 buah syarikat untuk mengimport ayam sebanyak 36,030 tan metrik bagi tempoh Disember 2021 hingga Mei 2022 tertakluk kepada syarat-syarat yang ditetapkan;
- (ii) memberi subsidi sebanyak RM0.60/kg bagi ayam bulat dan RM0.05/biji bagi telur gred A, B dan C bermula dari 5 Februari hingga 5 Jun 2022. Usaha ini dijangka memberi manfaat kepada 2,061 penternak ayam pedaging dan 194 penternak ayam penelur. Rakyat pula dapat menikmati harga ayam bulat lebih rendah iaitu RM8.90/kg dan harga telur antara RM0.39 hingga RM0.43 sebiji mengikut gred. Jumlah keseluruhan subsidi yang ditanggung oleh Kerajaan ialah sebanyak RM528.52 juta. Permohonan subsidi telah dibuka mulai 28 Februari sehingga 6 Jun 2022 melalui DVS Negeri. Untuk mendapatkan bantuan subsidi tersebut, penternak perlu mengemukakan permohonan melalui borang yang boleh didapati di laman sesawang Jabatan Perkhidmatan Veterinar www.dvs.gov.my. Semua permohonan yang dikemukakan penternak akan dinilai di peringkat lapangan di negeri dan dipertimbangkan oleh Jawatankuasa di peringkat Putrajaya untuk kelulusan

tuntutan. Bagi permohonan yang berjaya, tuntutan subsidi akan dikreditkan ke dalam akaun penternak melalui Agrobank dalam tempoh satu (1) hingga tiga (3) hari.

(b) Jangka panjang

- (i) mengurangkan kebergantungan kepada sumber jagung import sebanyak 30% menerusi inisiatif penanaman jagung bijian dalam negara yang berkeluasan sehingga 80,000 hektar dengan sasaran pengeluaran jagung bijian tempatan sebanyak 1.44 juta tan metrik menjelang tahun 2033;
- (ii) menjalankan kajian bagi menghasilkan bahan mentah gantian Kek Isirung Sawit (PKC/PKE) dari sumber tempatan berdasarkan isirung sawit; dan
- (iii) menawarkan pinjaman mudah sebanyak RM200 juta kepada penternak melalui Agrobank bagi membantu penternak mengatasi masalah modal pusingan kewangan yang terjejas akibat kenaikan kos pengeluaran.

Kawalan harga ayam dan telur adalah di bawah bidang kuasa Kementerian Kementerian Perdagangan Dalam Negeri dan Hal Ehwal Pengguna (KPDNHEP).

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS 2022**

PERTANYAAN : LISAN

DARIPADA : TUAN LIM LIP ENG [KEPONG]

TARIKH : 21 MAC 2022 (ISNIN)

SOALAN

TUAN LIM LIP ENG [KEPONG] minta **MENTERI PERTANIAN DAN INDUSTRI MAKANAN** menyatakan langkah-langkah Kementerian mengatasi isu kenaikan harga dedak ayam dan telur serta masalah bekalan ayam dan telur.

JAWAPAN

Tuan Yang di-Pertua,

Untuk makluman Ahli Yang Berhormat, purata keperluan ayam dalam negara adalah sebanyak 2.09 juta ekor sehari atau 62.9 juta ekor sebulan. Data pengeluaran ayam yang dikeluarkan oleh Jabatan Perkhidmatan Veterinar (DVS) pada bulan Oktober 2021 adalah sebanyak 52.05 juta ekor menurun kepada 51.4 juta ekor pada bulan November 2021. Manakala pengeluaran ayam pada bulan Disember 2021 adalah sebanyak 61.1 juta ekor berbanding 62.9 juta ekor mengikut keperluan sebenar. Ini menunjukkan terdapat kekurangan bekalan di pasaran. Antara faktor-faktor yang menyebabkan berlakunya penurunan bekalan ayam tersebut adalah seperti berikut:

- (i) pengurangan pengeluaran ayam oleh pihak industri bagi mengelakkan kerugian berikutan peningkatan kos operasi pengeluaran ayam. Kos makanan ternakan menyumbang kepada 70% daripada kos pengeluaran. Komposisi makanan ayam terdiri daripada bahan mentah utama iaitu jagung dan *soybean meal* (SBM). Pada bulan Mac 2022, harga jagung telah meningkat sebanyak 110.99% kepada RM1,920/tan, berbanding bulan RM910.00/tan pada Januari 2020. Manakala harga SBM telah meningkat sebanyak 83.45% kepada RM3,070/tan pada Mac 2022, berbanding RM1,673.50/tan pada bulan Januari 2020. Kenaikan harga import bahan mentah ini disebabkan oleh kenaikan harga pasaran dunia dan kadar tukaran matawang di luar kawalan pengimport. Faktor lain yang mempengaruhi kenaikan harga ayam adalah peningkatan kos operasi di sepanjang rantaian seperti kos logistik, kos pekerja dan kadar tukaran matawang asing;
- (ii) peningkatan permintaan yang mendadak berikutan pembukaan semula sektor ekonomi terutamanya perhotelan, restoran dan katering pasca Perintah Kawalan Pergerakan (PKP) mulai Oktober 2021;

- (iii) bencana banjir pada penghujung tahun 2021 yang menjelaskan industri ternakan ayam; dan
- (iv) pengurangan kemasukan anak ayam oleh pihak industri semasa musim hujan bagi mengurangkan risiko penyakit berjangkit seperti sampar ayam (*Newcastle Disease*).

Bagi memenuhi permintaan tempatan serta meringankan beban penternak, Kerajaan melaksanakan langkah jangka pendek dan jangka panjang seperti berikut:

(a) Jangka pendek

- (i) memberi kebenaran mengimport (*approved permit – AP*) kepada 36 buah syarikat untuk mengimport ayam sebanyak 36,030 tan metrik bagi tempoh Disember 2021 hingga Mei 2022 tertakluk kepada syarat-syarat yang ditetapkan;
- (ii) memberi subsidi sebanyak RM0.60/kg bagi ayam bulat dan RM0.05/biji bagi telur gred A, B dan C bermula dari 5 Februari hingga 5 Jun 2022. Usaha ini dijangka memberi manfaat kepada 2,061 penternak ayam pedaging dan 194 penternak ayam penelur. Rakyat pula dapat menikmati harga ayam bulat lebih rendah iaitu RM8.90/kg dan harga telur antara RM0.39 hingga RM0.43 sebiji mengikut gred. Jumlah keseluruhan subsidi yang ditanggung oleh Kerajaan ialah sebanyak RM528.52 juta. Permohonan subsidi telah dibuka mulai 28 Februari sehingga 6 Jun 2022 melalui DVS Negeri. Untuk mendapatkan bantuan subsidi tersebut, penternak perlu mengemukakan permohonan melalui borang yang boleh didapati di laman sesawang Jabatan Perkhidmatan Veterinar www.dvs.gov.my. Semua permohonan yang dikemukakan penternak akan dinilai di peringkat lapangan di negeri dan dipertimbangkan oleh Jawatankuasa di peringkat Putrajaya untuk kelulusan

tuntutan. Bagi permohonan yang berjaya, tuntutan subsidi akan dikreditkan ke dalam akaun penternak melalui Agrobank dalam tempoh satu (1) hingga tiga (3) hari.

(b) Jangka panjang

- (i) mengurangkan kebergantungan kepada sumber jagung import sebanyak 30% menerusi inisiatif penanaman jagung bijian dalam negara yang berkeluasan sehingga 80,000 hektar dengan sasaran pengeluaran jagung bijian tempatan sebanyak 1.44 juta tan metrik menjelang tahun 2033;
- (ii) menjalankan kajian bagi menghasilkan bahan mentah gantian Kek Isirung Sawit (PKC/PKE) dari sumber tempatan berdasarkan isirung sawit; dan
- (iii) menawarkan pinjaman mudah sebanyak RM200 juta kepada penternak melalui Agrobank bagi membantu penternak mengatasi masalah modal pusingan kewangan yang terjejas akibat kenaikan kos pengeluaran.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KELIMA
PARLIMEN KEEMPAT BELAS 2022**

PERTANYAAN : LISAN

DARIPADA : TUAN NGA KOR MING [TELUK INTAN]

TARIKH : 21 MAC 2022 (ISNIN)

SOALAN

TUAN NGA KOR MING [TELUK INTAN] minta **MENTERI PERTANIAN DAN INDUSTRI MAKANAN** menyatakan secara teliti :-

- (a) apakah langkah-langkah yang sedang diambil oleh Kementerian untuk mengatasi masalah kenaikan harga makanan khususnya ayam dan telur ayam yang semakin meruncing; dan
- (b) apakah langkah-langkah yang diambil oleh Kementerian untuk memastikan negara kita mempunyai bekalan makanan yang cukup dan tidak lagi bergantung kepada barang import sebanyak RM61.4 bilion setahun yang merugikan negara kita.

JAWAPAN

Tuan Yang di-Pertua,

Untuk makluman Ahli Yang Berhormat, Bagi memenuhi permintaan tempatan serta meringankan beban penternak, Kerajaan melaksanakan langkah jangka pendek dan jangka panjang seperti berikut:

(a) Jangka pendek

- (i) memberi kebenaran mengimport (*approved permit – AP*) kepada 36 buah syarikat untuk mengimport ayam sebanyak 36,030 tan metrik bagi tempoh Disember 2021 hingga Mei 2022 tertakluk kepada syarat-syarat yang ditetapkan;
- (ii) memberi subsidi sebanyak RM0.60/kg bagi ayam bulat dan RM0.05/biji bagi telur gred A, B dan C bermula dari 5 Februari hingga 5 Jun 2022. Usaha ini dijangka memberi manfaat kepada 2,061 penternak ayam pedaging dan 194 penternak ayam penelur. Rakyat pula dapat menikmati harga ayam bulat lebih rendah iaitu RM8.90/kg dan harga telur antara RM0.39 hingga RM0.43 sebiji mengikut gred. Jumlah keseluruhan subsidi yang ditanggung oleh Kerajaan ialah sebanyak RM528.52 juta. Permohonan subsidi telah dibuka mulai 28 Februari sehingga 6 Jun 2022 melalui DVS Negeri. Untuk mendapatkan bantuan subsidi tersebut, penternak perlu mengemukakan permohonan melalui borang yang boleh didapati di laman sesawang Jabatan Perkhidmatan Veterinar www.dvs.gov.my. Semua permohonan yang dikemukakan penternak akan dinilai di peringkat lapangan di negeri dan dipertimbangkan oleh Jawatankuasa di peringkat Putrajaya untuk kelulusan tuntutan. Bagi permohonan yang berjaya, tuntutan subsidi akan dikreditkan ke dalam akaun penternak melalui Agrobank dalam tempoh satu (1) hingga tiga (3) hari.

(b) Jangka panjang

- (i) mengurangkan kebergantungan kepada sumber jagung import sebanyak 30% menerusi inisiatif penanaman jagung bijian dalam negara yang berkeluasan sehingga 80,000 hektar dengan sasaran pengeluaran jagung bijian tempatan sebanyak 1.44 juta tan metrik menjelang tahun 2033;
- (ii) menjalankan kajian bagi menghasilkan bahan mentah gantian Kek Isirung Sawit (PKC/PKE) dari sumber tempatan berdasarkan isirung sawit; dan
- (iii) menawarkan pinjaman mudah sebanyak RM200 juta kepada penternak melalui Agrobank bagi membantu penternak mengatasi masalah modal pusingan kewangan yang terjejas akibat kenaikan kos pengeluaran.

Kawalan harga ayam dan telur adalah di bawah bidang kuasa Kementerian Kementerian Perdagangan Dalam Negeri dan Hal Ehwal Pengguna (KPDNHEP).

Manakala bagi memastikan bekalan makanan negara cukup, satu pelan tindakan khusus bagi sekuriti makanan iaitu Pelan Tindakan Dasar Sekuriti Makanan Negara (Pelan Tindakan DSMN) 2021-2025 telah dibangunkan secara kerjasama dengan agensi dan kementerian lain. Antara strategi utama yang digariskan ini termasuklah usaha-usaha untuk:

- (i) memperluaskan adaptasi teknologi dalam sistem makanan sebagai langkah pragmatik untuk meningkatkan kecekapan dan produktiviti sistem ini, berteraskan skala ekonomikal dan pertanian mampan;
- (ii) memperkasa penyelidikan dan pembangunan berteraskan sekuriti makanan ke arah meningkatkan kapasiti pengeluaran makanan dan input pertanian seperti makanan ternakan, baka dan benih berkualiti secara domestik;

- (iii) memperkasa ketersediaan data sekuriti makanan bagi mengenal pasti dan memantau tahap sekuriti makanan penduduk Malaysia berdasarkan lokaliti;
- (iv) menterjemah aspirasi “*Food Security as A Shared Responsibility*” dengan memfokuskan usaha untuk memperluas kolaborasi strategik berteraskan sekuriti makanan antara kementerian, kerajaan-kerajaan negeri dan juga sektor swasta; dan
- (v) memperkuuh tadbir urus merentas Jabatan dan Agensi untuk merapatkan jurang dalam sistem makanan bagi meningkatkan kecekapan pemantauan sekuriti makanan negara.

Sekian, terima kasih.